

中国名志校注

# 淳化县志

清·乾隆 洪亮吉 总纂



淳化县地方志办公室 整理



# 淳化县志

清·乾隆 洪亮吉 总纂

淳化县地方志办公室 整理

## 淳化县地方志办公室

主 任：赵云平

副 主 任：张海峰 王树鹏

工作人员：程 敏 陈忠东 侯 放

罗明涛 王 艳 王 艳

钩沉文化遗产  
古为今用

裨益和谐社会  
利在千秋

刘培仓

丁亥年仲夏

乾隆《淳化縣志》為清代名  
志之一。作為淳化人民獨有  
的記憶遺產，對此給予搶  
救性整理和再版，具有重要  
的現實意義和學術價值。

丁亥年張英民



存史資治  
名迪后查  
王剛  
夏

中共淳化县委书记王刚题词

发  
掘  
文  
献  
资  
料

服  
务  
县  
域  
经  
济

丁亥年夏  
闻俊辉

淳化县人民政府县长闻俊辉题词



# 目 录

乾隆《淳化县志》书前 .....	张世民 ( 1 )
点校说明 .....	( 1 )
淳化县志序 .....	( 1 )
新修淳化县志序 .....	( 1 )
淳化县志旧序一 .....	( 1 )
旧序二 .....	( 2 )
旧序三 .....	( 3 )
旧序四 .....	( 5 )
旧序五 .....	( 8 )
旧序六 .....	( 9 )
重纂凡例 .....	( 1 )
淳化疆域图 .....	( 1 )
淳化县城图 .....	( 2 )
淳化县治图 .....	( 3 )
星野附考 .....	( 5 )
星分东井图 .....	( 6 )
星分东井图歌 .....	( 7 )
卷一 土地记第一 .....	( 1 )
卷二 土地记第一 .....	( 5 )
卷三 土地记第一 .....	( 7 )

卷四 山川记第二 .....	(12)
卷五 大事记第三 .....	(21)
卷六 道里记第四 .....	(27)
卷七 户口记第五 .....	(29)
卷八 风土记第六 .....	(30)
卷九 祠庙记第七 .....	(32)
卷十 冢墓记第八 .....	(36)
卷十一 宫殿簿第九 .....	(38)
卷十二 会计簿第十 .....	(47)
卷十三 学校志第十一 .....	(53)
卷十四 衙署志第十二 .....	(57)
卷十五 职官志第十三 .....	(59)
卷十六 职官志第十三 .....	(61)
卷十七 职官志第十三 .....	(67)
卷十八 职官志第十三 .....	(71)
卷十九 登科志第十四 .....	(76)
卷二十 士女志第十五 .....	(87)
卷二十一 士女志第十五 .....	(94)
卷二十二 士女志第十五 .....	(99)
卷二十三 金石略第十六 .....	(110)
卷二十四 金石略第十六 .....	(123)
卷二十五 金石略第十六 .....	(134)
卷二十六 词赋略第十七 .....	(141)
卷二十七 词赋略第十七 .....	(146)
卷二十八 词赋略第十七 .....	(151)
卷二十九 词赋略第十七 .....	(159)
卷三十 序略第十八 .....	(165)
附录:重修淳化县志序 .....	(170)

---

淳化县田赋现状一览表 .....	(171)
附六里土粮数目表 .....	(171)
淳化县分经征畜屠斗牙契印花各税一览表 .....	(171)
淳化县住户户口统计表 .....	(172)
淳化县特户户口统计表 .....	(172)
跋 .....	(173)

## 乾隆《淳化县志》书前

张世民

淳化县名的由来,始于宋太宗淳化四年(993)。当时在一个名叫梨园镇的地方设县立治,赐年号为县名,此即距今已逾千年的淳化建置史。不过,早在此前千余年,一个名叫云阳的邑聚就于此诞生,汉代更邑为县,此即历史上赫赫有名的云阳县。晋·潘岳《西征赋》云:“面终南而背云阳,跨平原而连蟠冢”<sup>①</sup>,所称云阳当即指此。然而,从云阳邑到淳化县,真正赋予这片黄土沃壤以历史底蕴的,仍然是历代的史志文献。明清时期,淳化县域不断变化,文化氛围亦渐臻浓郁。民国以来,淳化地区在中国新民主主义革命史上的位置,更不可忽视。新中国成立后,淳化县在经济和社会诸领域的发展成就,亦有目共睹。

地方志的基本功能,在于全面、真实地记录一地舆情的演变与发展,故而深入挖掘区域资源,揭橥县域特征,是其一个显著的优长。淳化县最古的方志,始于汉·王褒的《云阳宫记》,今已散佚;而严格意义上的县志,则肇端于明正德《淳化县志》,亦已无存。明隆庆四年(1570),邑绅罗廷绣重修县志,成为现存最早的版本。清康熙四十年(1701)宿学张遇、知县张如锦父子重修,乾隆四十八年(1783)名儒洪亮吉、知县万廷树续纂,也都囊括了明清以来的区域资讯。民国二十年(1931)、二十三年(1934),温伟君、郭宇晴两届县长原拟新

<sup>①</sup> 南朝梁·萧统:《文选》,北京:华夏,2000。

修,却只重印了乾隆版《淳化县志》。2000年,新编《淳化县志》郑重问世<sup>①</sup>,其内容之丰富,体例之规范,远非历代旧志所能比肩。然则历史不可替代,历史也不曾被替代,明清旧志仍不乏其重要的启迪价值。对此加以整理、出版,乃是非常必要、及时的。

## 二

要衡量一个区域地方志的学术价值,不仅要考察文本质量的高低,而且要考察区域发展的现实基础。就淳化县志而言,首先必须揭示其县域特征,在实体评估上投注相应的目力。

首先,淳化县的环境特征,在于拥有丰厚的物质、非物质文化遗产,由此构成了得天独厚的人文资源优势。从地望来看,淳化县属于典型的黄土高原地貌。境内沟原相间,山水环抱,构成了一个自足封闭的区域。由于地貌的自然切割,以冶峪河为界,形成了东、西两大地理单元。其中东原延伸至三原、富平一带,风俗习惯接近关中,具有明显的过渡性;而西原,由于山脉、河流的悬隔,仅有少量人行孔道通向山南,风俗内敛,自成气候。这种独特的自然环境,决定了当地历史文化与民俗风情的特殊性。

从民俗来说,淳化民俗属陕西民俗关中片,但又有自己的地域特质。特别是西原,婚丧习俗与周秦礼俗可谓一脉相承。诸如斟盂习俗,赋有汉代宴饮的历史特点;婚礼牵羊习俗(即拉下马羊习俗),尤具穿越时空的人文价值。东汉·王肃《纳征词》载:当时婚礼“玄纁束帛,俚皮雁羊。”可见婚礼用羊,始自汉代。又,郑玄《婚物替》注云:“羊者,禅也。”<sup>②</sup>可知牵羊习俗尚有人权禅递的蕴涵。另据《淳化歌谣集成》<sup>③</sup>载:淳化县西府黄甫、胡家庙、官庄一带婚礼,十分

① 淳化县地方志编纂委员会编:《淳化县志》,西安:三秦,2000。

② 邓子琴:《中国风俗史》,成都:巴蜀,1988。

③ 刘晓义:《淳化歌谣集成》《淳化故事集成》《淳化谚语集成》,内部,1988。

重视礼仪歌行。宴会前有《行礼歌》，宴席上有《拉下马羊歌》，宴罢有《谢媒歌》，宾主一唱一和，一问一答，虽是普通婚礼却也有高雅的情调。当地人有陪嫁奶羊的习俗，但因“红事不见白”，故已演变成一种象征性的礼仪。上述经典习俗的保存，与当地相对封闭的环境有关。按照事物的发展规律，越是封闭的地区，民间风俗越是稳定。孔子曾说：“礼失而求诸野”，就是这个道理。据调查，淳化民间颇重舅氏（老、小外家），可说是反映了周秦以降的血缘姻亲传统。对上述民俗事象的探讨，具有广谱的实证研究意义。

拙著《民俗雅话》（2000）一书，曾对上述民俗事象作过初步的征引和阐释。2005年10月，全国人大副委员长、训诂学家许嘉璐在咸阳第三届海峡两岸中华传统文化与现代化学术研讨会上，曾就此专门指出：“书中记载的很多民俗如果溯源的话，可能还是两千年前的风俗。这些恐怕也是一些历史的回忆，也是过去时事情的标记。……我希望关于秦汉文化本身和秦汉文化中的宝藏，哪些可以对我们今人有所启示，来引导我们面对未来的生活，还要深入研究。而且我建议，不能把这些研究全都委托给史学家，实际上从哲学、从文化学等等方面都可以入手。”<sup>①</sup>

其次，淳化县的历史特征，可以用频繁离合来概括。其建置隶属的反复调整，造成了县域发展重心的不断游移。

广义而言，淳化县的云阳—林光—甘泉宫，秦汉时期就扮演过重要的“夏都”角色，是秦汉帝国中枢决策机关——咸阳、长安的一个副中心。就都市格局来说，几乎每个统一的、中央集权的封建王朝，都不止一个决策中枢，秦始皇将决策中枢从渭河北岸移向南岸，标志着当时首都范围的进一步扩张；而汉武帝在未央—甘泉宫之间的季节性游移，也反映了秦汉文化圈的中心指向。在陕西，秦汉文化圈和隋唐文化圈的演绎，皆具有全国性乃至国际性的重要影

<sup>①</sup> 许嘉璐：《和合文化传统与现代化·序》，北京：人民教育，2006。引者按：第三届海峡两岸中国传统文化与现代化研讨会于2005年10月5日至7日在咸阳召开，许嘉璐副委员长在这本书中的序言也是研讨会闭幕词。

响。尤其是秦汉文化圈,在中华民族的主体民族——汉民族的形成过程中,发挥过至关重要的向心作用。以云阳—林光—甘泉宫为副中心的秦汉宫室,实质上构成了当时不言而喻的“夏都”中心——因为这里既是国防直道的始发点,也是著名的皇家避暑胜地。秦至西汉这种南北格局的决策中枢布局,与东汉以下,尤其是隋唐时期东西格局的决策中枢布局,具有相似的主辅功能。上述决策中枢的游移,不仅意味着活动场所的扩大,而且牵扯到决策目标的转移。秦汉时期修造长城、直道,招徕匈奴,在这里演出过一幕幕壮怀激烈的历史活剧;隋唐时期,军事防御由北方(突厥)转向东方(藩镇),因而这里的“夏都”地位有所下降。这恐怕也是值得注意的一个问题。

狭义而言,淳化县的行政建置频繁调整,也导致当地政治—经济—交通中心的不稳定性。尤其是隶属关系的调整,不断引致人流、物流方位的变化。明·马理嘉靖《陕西通志·建置沿革上》<sup>①</sup>中写道:

【淳化县】上古黄帝时立雍峙,建万灵明庭,即故甘泉县,黄帝以来祭天圜丘处也。秦始皇作甘泉宫,二世作林光宫。汉武帝建元元年(前140)增广之。常以五月避暑,八月乃还。元狩二年(前121),以霍去病击匈奴得休屠王祭天金人,致于甘泉山下祀之。又种梨成园,为梨园镇,属云阳县。后钩弋夫人随帝游甘泉山,歿,即其地而葬之,名曰思合墓。昭帝即位,追尊皇太后,改墓曰云陵,以其地为云陵县。东汉省县,罢云阳,置抚夷护军。南北朝后魏太平真君七年(447),罢护军,别置云阳县,属北地。后周置云阳郡。隋开皇初,郡废。唐武德元年(618),析云阳置石门县。三年(620)以石门、温秀置泉州。贞观元年(627)州废,省温秀,更名石门曰云阳,云阳曰池

<sup>①</sup> 明赵廷瑞修,马理,吕楠纂:《陕西通志·土地七·建置沿革上》,西安:三秦,2006,6。

阳。然曰池阳者,则在嵯峨山前,非雍峙故地矣。八年(634)省云阳,此雍峙地,更池阳曰云阳。天授二年(691),以云阳、泾阳、三原、醴泉置鼎州。鼎州在冶谷口东南。大足元年(701)州废,县隶京兆府。五代唐同光三年(925),析隶耀州。宋淳化三年(992),遂以云阳、金龟等六乡连为淳化县。金亦为淳化县。元因之,移县治于三水,改为三水县。至正十八年(1358),复徙今治,属凤翔府邠州。皇明仍为淳化县,隶西安府邠州。编户二十三里,今一十八。

按:乾隆《淳化县志》十分强调舆地沿革,对此考证尤其精详。诸如甘泉宫属汉武帝时修造,淳化四年(993)升耀州梨园镇为县,等等。足见文献有征,后出转精,是清代地方志的一个优长。但就建制而言,明清以后的行政建置,仍然说明了政区不稳定的负面效应。民国时期,省会西安一度被国民政府定为“西京”,淳化接近西安,但咫尺天涯,其相对闭锁的自然环境,却也彰显了特殊的区位优势。特别是上世纪三四十年代,国共两党之间的政治较量,常常通过地缘性的军事冲突来实现。淳化县在这场政治博弈中,一度处于战争风暴的前沿。著名的爷台山战役,与当时同样出名的上党战役一样,都以局域性的战役而具有牵扯决策中枢的特殊功能,因而战役性较量遂成为战略决战的前奏。同时,这种较量不仅体现在军事战场,而且体现在行政管辖领域。政区建置的多样性,足以说明这一区域历史位置的重要性。汉唐时期云阳、云陵和鼎州治所的反复移徙,民国时期淳化、赤水、淳耀县域的消长沿革,以及国统区和解放区的拉锯式对峙,都是这种地缘政治的一个历史折射。

第三,淳化县的时代特征,决定了它在可持续发展领域的较大潜力。淳化县是国家重点扶贫县。其未来发展,关键在于培育支柱产业,疏通交通口岸。民国时期,淳化县作为陕甘边区和陕甘宁边区的南大门,其地望环境可用“老、少、边、穷”几个词来概括。“老”指革命老区,“少”指资源匮乏,人口较少,



“边”指地方偏僻,交通不便,“穷”指经济欠发达,人民生活贫困。新中国成立后,经过几十年的恢复性发展,淳化县逐步将林果栽培业作为主导产业,其地位甚至超越了传统的种植业和畜牧业。这一产业结构的调整,对于县域经济的可持续发展,产生了持久的良性影响。近年来,淳化县将城郊型旅游业作为一个新兴产业,也有变环境优势为产业优势的愿景。尽管其着眼点仍在于城市假日旅游,产业规模有待进一步扩张,但这种产业定位本身也反映了淳化县的基本县情。

淳化县的社会发展,由于区域位置的边缘性,因而必须解决好缺失区域重心、交通不畅的问题。一方面,要通过长期定点规划,逐步培育区域性的泛社区中心,在不同的地理版块,打造若干跨越政区的中心城镇;另一方面,要寻找走出闭锁的交通口岸,尤其是西原一带,要将对外交流与区域发展相结合。只有这样,淳化县域经济才有望迈上一个新台阶。

从软环境来看,淳化县经济的可持续发展,仍有赖于教育文化事业的进步。重视教育,重视文化,是淳化人民的优良传统。民间礼俗上,师亲并举,被当作最受尊敬的社会阶层,也体现了当地国民性的进取精神。近年来,不少家庭将子女送至西安、咸阳和三原等地接受教育,也说明当地人民对子女教育投入的高度重视。应当指出的是,民众素质的提升,必将带来现代科技的普及;而现代科技在区域发展中的作用最大化,也将推动整个社会资源的合理配置。换言之,人的素质现代化,是区域生产力可持续发展的一个根本因素。

### 三

从地方志的著述角度看,乾隆《淳化县志》亦有不可低估的学术价值。尤其是清代史学家洪亮吉(1746—1809,字稚存,号北江,浙江常州人)亲自撰次,写下了不少考释按语,为此书增色匪浅。对这部县志著述质量给予科学评估,有裨于当前进行的续修志工作。

第一,《淳化县志》的文献特征,尤其是对物质文化遗产的清理,为整合地域文化奠定了扎实的基础。人常说:一方山水养育一方人,一方人生成一方文化。这里所说的“文化”,也就是文化遗产,它既包括物质和非物质文化遗产,也包括民族记忆遗产。富有中国特色的地方志书,其实就是中华民族宝贵的集体记忆遗产。历代淳化县地方志的编纂,十分重视物质文化遗产的清理,诸如对甘泉宫的记载,从《云阳宫记》(汉·王褒)到《汉甘泉宫瓦记》(清·林侗)、《甘泉宫志》(姚生民)<sup>①</sup>,都涉及这个方面的内容。洪亮吉擅长史学考据,所写乾隆《淳化县志》在物质文化遗产的梳理方面,具有承先启后的关键作用。他另纂有《淳化金石志》<sup>②</sup>一书,在抽绎《淳化县志·金石卷》的基础上,进一步整合了淳化县的金石文物,亦彰显了该县物质文化遗产的个性。尽管由于编著者对非物质文化遗产缺乏思想自觉,所记载的民俗风情略嫌疏浅,但其主观界定仍然比较到位。诸如淳化县“士多专志,笃于诵读”,“农务耕耘,勤力作”,“商旅不通,亦鲜资本逐末贸易”<sup>③</sup>等,为后人的深化研究与探索提供了历史见证。新中国成立后,特别是上世纪八十年代,党和政府组织过一次大规模的民间采风活动,淳化县作为故豳腹地,拥有大量的民间歌谣、民间故事、民间谚语,在这次民族记忆遗产整理方面成绩斐然。这些,有望在续修《淳化县志》中加以体现。

第二,《淳化县志》的资料特征,昭告人们不能满足于书面文献整理,还要在田野考察方面投入较大的精力。清乾嘉年间,地方志的编纂出现过两大流派:一是史志学派,一是考据学派。前者侧重地情实录,后者强调文献梳理。乾隆《淳化县志》的编纂,正是当时考据学风的一个体现。当时,洪亮吉进入陕西巡抚毕沅幕府不久,即受命参与此项工作。毕沅在乾隆《淳化县志·序》中

① 姚生民编著:《甘泉宫志》,西安:三秦,2003。

② 《石刻史料新编》,台北:新文丰,1986。

③ 清洪亮吉撰次,万廷树修纂:乾隆《淳化县志·风土记》。

说：“余自壬辰岁(1772)开府西安，于关中州县之志，皆次第修举。”其中《直隶邠州志》及所辖长武、三水(即今旬邑)、淳化三县，陆续开修。洪亮吉即参与了长武、淳化等县志的修纂活动。毕沅指出，洪亮吉“精于史学，所修州、县志皆一以史例编之，志成，凡十八卷。余又以十年来所闻见而欲校订者，为增益十数条。”<sup>①</sup>可见他对编写乾隆《淳化县志》工作的悉心支持。此书成于乾隆四十八年(1783)，在地方文献挖掘上亦相当尽责。明嘉靖中，马理编纂《陕西通志》时，曾感慨“旧志淳化事迹半入泾阳志中。予求黄帝明庭及秦汉甘泉事，于泾阳无有。历访诸故老，觅之淳化北山得焉。于是厘正沿革于前，山川于后。”<sup>②</sup>可知马理当年引用文献已颇感困难。罗廷绣、张如锦续修《淳化县志》，也只好旁征博引，左右开源。洪亮吉则采用按语方式予以甄别，剥离了那些与淳化无关的内容，提高了县志文献征引的科学性和规范性。同样是借鉴域外文献，但取舍方式颇有不同。譬如旧志列有宣秉、第五伦等历史人物，前者为云阳人，因汉代“未分县”，“故仍旧志首录之”；后者为长陵人，“与云阳无涉”，却被擅自列入。洪亮吉说：“即云后裔居淳化者，因而载及伦，则强祖就孙，又非史例。今不录。”<sup>③</sup>他通过学术考辨，或留或删，体现了实事求是的治学态度。

第三，《淳化县志》的体例特征，体现了考据学派的师古学风。地方志书的书写体例，是地方志编纂的基本规范。而地方志书质量的高低，既与编纂者的学识、学养、学风有关，也与其体例上的师古、摹古和容古倾向有关。乾隆《淳化县志》，不仅继承了中国传统史学的叙述源流，而且稽考了前代各种文献的成熟体例。乾隆《淳化县志》中，有“记”、“簿”、“志”、“略”四种体裁，其中“记”有土地、山川、大事、道里、户口、风土、祠庙、冢墓八门，“簿”有宫殿、会计

① 清毕沅：乾隆《淳化县志序》。

② 明赵廷瑞修、马理、吕楠纂：《陕西通志·土地七·建置沿革上》。西安：三秦，2006.6。

③ 清洪亮吉撰次，万廷树修纂：乾隆《淳化县志·上女志》。

二门，“志”有学校、衙署、职官、登科、士女五门，“略”有金石、词赋、序略三门，合计十八门、三十卷。洪亮吉在《淳化县志·叙录》中指出，其“土地记”仿自晋朱育《会稽土地记》等，《山川记》仿自齐刘澄《永初山川古今记》等，“道里记”仿自隋《西域道里记》，“户口记”仿自刘宋《元康六年户口簿记》，“宫殿簿”仿自晋《洛阳宫殿簿》等，“学校志”仿自宋《崇宁学校新法志》等，“职官志”仿自唐杜佑《通典·职官》等，“士女志”仿自晋常璩《华阳国志》，“金石略”仿自宋郑樵《通志·金石略》等<sup>①</sup>，固虽有泥古之嫌，却也个个有来历。这种言必有据，事必问典的做法，正是典型的考据派学风。在这种学风影响下，志书的资用价值和学术质量，均有所提高。

第四，《淳化县志》的编纂特征，决定了志书著述风格的双重性。有人设问，地方志的著述，究竟由当地人写好还是外地人写好？笔者认为，地方志的地域性特征，决定了当地学者直接参与的必要性；但外埠学人投身其中，也有其客观性、公允性的优长。关键不在于编者的籍贯，而在于编者的素养、态度和用心。明·康海正德《武功县志》，“以乡士大夫采集论断，手笔蔚然”<sup>②</sup>，但毕沅指其不够详核，洪亮吉亦称其“舆图疆域，容有不详”<sup>③</sup>，可见本地人的取舍也存在差别；而洪亮吉乾隆《淳化县志》属于外埠学者参与撰写，却被认为翔实、考究，这也体现了编者尊重舆地文献的态度。在笔者看来，两者学风不同，趋向有别，志书质量亦各有千秋。康志崇尚简约，著述色彩较浓，有较强的思想性；而洪志讲究详核，舆地考辨精到，有较强的工具性。尤其是在语体方面，前者浑朴酣畅，大气浑通，后者精谨严谨，剪裁允当，都不失其为大手笔。从这个角度来看，人称其为名家名志，是当之无愧的。

不过，就著述理念而言，用什么立场编志，出于什么目的采撷资料，也是历

① 清洪亮吉撰次，万廷树修纂：乾隆《淳化县志·序略》。

② 清张遇纂，张如锦修：康熙《淳化县志·重纂凡例》。

③ 清洪亮吉撰次，万廷树修纂：乾隆《淳化县志·士女志》。

代学者续修志不能不考虑的一个问题。编志的目的在于厘清地情,古为今用,但地方志作为传统意义上的史地学科,也有基本的写作要求。史学强调沿革,而志家偏重现实,用历史区域来敷衍现行政区,显然不尽惬意。乾隆《淳化县志》的资料取舍,完全从历史上的区域管辖出发,收录了不少已不属于本区域的历史文献,是其美中不足之处。最明显的,是编者将秦汉云阳与明清淳化混为一谈,直接录用邻县资料,诸如在实物上将属于泾阳的郑国渠纳入淳化,在文献上将邠州(治今彬县)、三水(即今旬邑)、泾阳等州县诗赋录入淳化,如此等等,显然与当时政区不相吻合。另外,在人物传记上,也有较大的随意性。志书选取历代名人,凡是有确切记载的,应该尽量精确;而籍贯不详的,可以县治为准。但乾隆《淳化县志·士女志》录有后汉宣秉(字巨公,冯翊云阳人),却无前汉董贤(字圣卿,亦云阳人。汉哀帝时宠臣);《职官志》收有前汉云阳令朱博,却无后汉云阳令朱勃(因谏诤汉光武帝对名将马援的不公平黜置,被罢归田里)。上述疏漏,固然与当时资料检索不易有关,同时也可能与编者的史家笔法有关。

#### 四

民国时期,是中国社会走向近代化的一个转折时期,也是为时短暂而变幻剧烈的历史时期。当时各地地方志的编纂,由于种种原因,编写进度不一,成书情况也很悬殊。上世纪三十年代初期,在国民政府规定的时限内,淳化县政府未能完成修志任务,可能就与当时的动荡形势有关。所以这部《淳化县志》,民国内容殊少增益,基本属于清代乾隆县志的一个翻版。但尽管如此,它能够历经劫难,流传至今,仍然显示了它的基本价值。2005年,国务院颁布的《地方志工作条例》规定,旧志整理与地方志编纂、年鉴编纂一起,构成了当代中国地方志事业的基本内涵。有鉴于此,对淳化旧志加以科学整理,不但有较高的学理价值,而且有重要的现实意义。淳化县志办邀请地方资深学者参与校点,

并以较高的质量奉献于世,无疑是做了一件有益的事情。校点之后,县志办赵云平主任嘱我予以审订,职守之故,不获推辞,亦藉此表示感谢。限于个人水平,难免不妥之处,敬希方家赐正。爰作小诗一首,以志贺意,并用以结束本文。诗云:

黄壤弥望桑麻长,梨园纷敷语难详<sup>①</sup>。

云阳狱吏持八体,甘泉宫徒赋四隍<sup>②</sup>。

秦律汉韵正篆隶,寒门谷口反彝光<sup>③</sup>。

宣言端赖與情志,经世又见好词章<sup>④</sup>。

(作者为咸阳市地方志办公室副编审、科长,咸阳市有突出贡献专家、新世纪学术带头人)

① 晋潘岳《西征赋》：“黄壤千里，沃野弥望。华实纷敷，桑麻条畅。”又，《云阳宫记》云：武帝所筑，有树数百株，青葱如盖，因以名镇。后唐时又尝名寨。

② 唐张怀瓘《书断》：传邈善大篆，初为县之狱吏，得罪始皇，系云阳狱中，覃思十年，损益大小篆方圆笔法，成隶书三千字，始皇称善，释其罪而用为御史，以其便于官狱隶人佐书，故名曰隶。又，汉扬雄《甘泉赋·序》：“孝成帝时，客有荐雄文似相如者，上方郊祠甘泉泰畤，汾阴后土，以求继嗣，召雄待诏承明之庭。正月，从上甘泉还，奏《甘泉赋》以风。”

③ 汉司马迁《史记》云：黄帝接万灵明廷。明廷者，甘泉也。所谓寒门者，谷口也。黄帝采首山铜，铸鼎荆山下。1980年，在淳化县石桥乡史家原村附近，出土有淳化大鼎。鼎呈圆形，通高122厘米，口径83厘米，重226公斤。属国家一级甲等文物。

④ 指清洪亮吉撰次，万廷树修纂：乾隆《淳化县志》，1934。

## 点校说明

一、清乾隆《淳化县志》(民国版)的点校工作,是在中共淳化县委、县人民政府的领导下,由淳化县地方志办公室主持完成的。这部地情资料的付梓问世,将为人们了解淳化历史、建设今日淳化提供有益的借鉴。

二、点校的原则是:忠于原著,不臆加外来成份;编排上变原版的竖排为横排,字体上变繁体为规范的简化字,以利于读者阅读;全书以点校为主,适当加以注释,为读者掌握某些生僻繁难字、词提供参考。

三、点校中,对原版出现的错别字和愆漏字,采取四种办法解决:① 随文纠正。例如原版将“块北”刊为“块北”、“侗僚”刊为“侗僚”,以及“候”与“候”、“巳”与“已”“己”、“圮”与“圮”等字的不当用法,均随文作了纠正,不再加注。② 加“[]”补漏。例如《星分东井图歌》抄录唐代王希明《步天歌》的词句有缺漏,点校时予以增补,并对增补的歌词加“[]”,以示区别。③ 卷末加“校勘记”。例如《土地记》对全县乡、村数目的记述差错,又无资料核对,故出“校勘记”指出差误所在。④ 对有资料可核的文字精心核对,核出的漏误,均一一注明。例如《金石略》中的《学校八行八刑碑》《吏隐堂记》及《词赋略》中的《甘泉宫赋》,分别将其与清代王昶的《金石萃编》、新编的《淳化县文物志》及南朝梁萧统的《文选》核对。经过核对发现的原版中的漏误,均在尾注之中说明。

四、原版中出现的音义相同而字体相异的用字,通过校点把它统一起来。例如“迺”“乃”统一为“乃”;“搵”“蒐”“搜”统一为“搜”;“竈”“灶”统一为“灶”;“偪”“逼”统一为“逼”(不包括地名用字);“於是”“于是”统一为“于是”等。这样,既保持了点校本行文的一致性,又避免了过多的生僻字注释。

五、对原版中的避讳用字,不予改变。例如原版中因避雍正皇帝胤禛名字

的音讳,将明代崇祯年号改为“崇正”;因避乾隆皇帝弘历名字的字讳,将明代弘治年号改为“宏治”等。其所以保留这些用字,是因为旧志同封建时代所有的文字作品一样,都打着特定时代的烙印,历史家可依此作为文献断代的理据。

六、对生僻字、词的注释全用尾注,不用夹注,以保持原文顺序的连贯性和完整性。字、词的注音,用汉语拼音加声调标示于括号之内。个别只注音不释义的生僻字,则用括号括于引文之中。因其数量极少,不得引文。

七、清代乾隆《淳化县志》的初刻本,迄今还没有找到。民国时的铅印本,据说是由当时搜集到的两部“残编断简”弥补校勘而成。点校中发现的一些疑点,有待于初刻本的出现去解决。

八、乾隆《淳化县志》点校本的问世,是淳化县乃至咸阳市文史界值得庆幸的好事。为了把这件好事办好,点校者付出了较大的心力,但因水平有限,其中的舛误错讹,仍或不免。企望读者绳愆纠谬,以便再版时改正。

2007年6月1日



## 淳化县志序

淳化为今陕西下县,于汉则三辅名邑也。司马迁、班固皆云:黄帝万灵,明庭在焉。汉王褒有《云阳宫记》、扬雄有《甘泉宫赋》,世所艳称为渊云词赋者<sup>①</sup>,均萃于此县,其为灵胜何如哉。至宋而宋敏求《长安记》、程大昌《雍胜略》,搜采广博,尚较有明所修县志为详。余自壬辰岁开府西安,于关中州县之志,皆次第修举。独淳化以僻在众山中,民俗凋敝,不欲有所创造以动众。然前以公事至县,览其山川,访其基址,未尝不致意久之。岁壬寅,邠州及所属三县有重修志乘之请,适常州洪孝廉稚存来客西安,余因以属之。孝廉精于史学,所修州县志皆一以史例编之。志成,凡十八卷。余又以十年来所闻见而欲订定者,为增益十数条。于是此书之成,其详核可继《长安志》《雍胜略》二书,非世所传明康海《武功志》、韩邦靖《朝邑志》等所可比矣。知县万令廷树宰是八年,亦能以儒学饰吏治者,且其挑纂搜辑,于是志之成,实有力焉,例所得附书也。

乾隆四十八年岁在癸卯夏五月

赐进士及第、兵部侍郎、都察院副都御史、巡抚陕西西安等处地方、赞理军务兼理粮饷、镇洋毕沅撰

<sup>①</sup> 渊云词赋:指王褒和扬雄的词赋。王褒,字子渊;扬雄,字子云;故称“渊云”。

## 新修淳化县志序

志以传信,非以传疑。邑志与国史,体微异而用则一也。粤稽淳化,于汉为三辅名区;历唐宋元明,则有上中下之别;至国朝,而复为中县。其户口之多寡,盖自秦徙云阳五万家以后,盛于汉,减于隋唐,又减于宋元。迄明季而户口之存,视汉十不及四。迨我国家涵养休息百有余年,而民之逃亡、户之废败者,始稍稍秩有明而复宋元之旧,较隋唐则尚减焉。此今昔盛衰之异致也。然灵迹胜概,尚克弁冕关中。故言其神明,则明庭泰畤之所在也;语其异,则休屠径路之所祠也;其山陵则有秦皇汉武之筑宫焉;其川渠则有白公郑国之遗迹焉。王褒颂之于前,子云赋之于后。于是而偏隅一邑、荒窅遥远之乡,稽山川志灵异者,卓然与长安诸县竞胜,则志斯邑者刻不容缓焉。

旧志成于康熙辛巳长洲张君之手,分门别类,条理井然,较胜于关中诸州县志。惟病其征引旧闻不著所出,又或采自流传,不合于纪载,以相印证,是则斯志之微有未善也。岁在壬寅,上距康熙辛巳又阅八十余载,中间之递传遽增,所应编辑者,复若干轴<sup>①</sup>。适常州洪孝廉稚存客关中,余商于州守,延修是邑新志,共襄其事,越五月而志成。凡十八卷:为记八、为簿二、为志五、为略三。于古今沿革、山川形胜,以迄道里远近、祠庙兴废,数十年来之忠孝节义、幽人烈女,广搜博采,详加考核,未敢云尽善也,然视旧志稍过之。

书将付梓,洪孝廉曰:序而行之,是守土者之事也。夫余以樗栎散材<sup>②</sup>,龟勉<sup>③</sup>效职,八年于兹矣。余虽不敏,退食之暇,尝纂其大要,寄之篇章,以志八年

① 轴:书画的卷帙。这里指铺递和驿传增加,使可录史料增多。

② 樗栎散材:比喻无用之材。庄子《逍遥》和《人间世》中称栲树和栎树为“散木也,以为舟则沉,以为器则速毁,以为户则液满,以为柱则蠹。是不材之木也,无所可用。”后用以喻才能低下。多作自谦之词。

③ 龟勉:尽力,努力。《诗经·邶风·谷风》:“龟勉同心,不宜有怒”。

中与民相安无事之乐。今得襄是书之成而为之序，庸非守土者之厚愿乎！抑余又有望于后之官斯土者，稽丁户之登降，则思培养之宜先；睹胜迹之传流，则思修举之难缓；念人物之递盛，则思表彰之靡遗。俾是书之所载者，皆形之实事而不托于空言，则又序是书者之志也夫！时乾隆四十八年癸卯夏五月

敕授文林郎、知淳化县事南昌万廷树澄桢撰

## 淳化县志旧序一

从来官一方者，必察一方之风俗，与夫山川形势、城郭宫室、土田物产以及古今孝子、忠臣、节妇、文人、武士，莫不笔之于书，载之于记。盖非以传疑，而要以传信也。淳化古称云阳，宋曰淳化。原隶凤翔，明初改隶西安。旧有县志，侵本行世。

自国朝戡定以前，兵燹蹂躏，版牍散佚，前后编次讹错者，历有年所。姑苏张令来宰兹土，为政优游，于民不扰，且有志于古，起而修之。于是延诸生之有学行者，分条给札，询谋僉同，阅五月而工告竣。书成，请序于余。余曰：志与史虽有大小不同，然其理则无异。凡志之所载，在乎考核详明，所以励人心、厚风俗也。故贵有作志之才，作志之学，而尤贵有作志之实。张令为此，殆将以鼓舞民人，兴起为善去恶之心，固信以传信，岂疑以传疑也。

余恭膺简命，由观察、历藩伯、晋开府五载以来，凡秦中官吏之贤否，人物之淑慝，常往来胸臆间。今张令果能以作志之心，推之化民成俗，将见淳之士皆秉礼度义，淳之里皆长幼和慈孝于家，而淳之婚嫁饮食皆返淳还朴，几有丰镐之遗风，长享乐利，以共游于圣天子太平之盛世。斯志也，其裨益于世道人心者，讵不伟哉！是为序。时康熙四十年岁次壬午春王正月上元日

巡抚陕西等处地方、赞理军务兼理粮饷、都察右副都御史加四级、又加军功五级纪录十一次鄂海题于青门官廨

## 旧序二

邑之有志，与国之有史，体微异；其所以兴利除害，劝善惩恶，为用则一也。汉孙张公宰淳化，奉侍循斋先生于署，盖孝子之志，为民父母之道也。循斋先生博综经史为吴中冠，而宅心制行慈且俭，有合于古之圣贤。汉孙公奉训为政，廉明仁恕，声溢邻封。老夫越在华山之下，固习闻之。

夫淳化，古云阳之墟，是程邈之所作小篆者也。然地瘠民贫，近代以来屡逢兵燹，兼值旱荒，偷薄日甚，而礼乐文章之治，赖二三君子维持不坠。顾志书散佚，无为理也久矣。循斋先生于学道之余，日事编摩，延揽俊笔，搜访遗失，断者续之，缺者补之。于山川向背，风俗得失，钱粮户口之丰歉，人才物产之盛衰，亦既犁然。而于古今诗文，采辑辨别，亦复斐然。昔汧西志武功，艺林称善，然为未完之业，不无余憾。今得淳化一偿之，可以质之而无媿也已。忆与定交慈仁邸中，忽三十余年。间过吴门得见汉孙公，自少及壮，夙有家学。今以岂弟<sup>①</sup>之德，抚凋劫<sup>②</sup>之区，捐俸梓本，不以征民。而田畴殖置，子弟教诲，庶几有渔阳为政，乐不可支之颂焉。行以治行，膺不次之擢，为天子侍从臣，远猷讬<sup>③</sup>，可以泐钟鼎而被管弦。区区邑志，特其一班。老夫虽耄，尚愿扶杖以观其盛也。

康熙辛巳中秋，华阴八十老民王宏撰序

① 岂弟：通恺悌。

② 凋劫：凋，衰落；劫（guì），疲弊，瘦弱。

③ 远猷讬：猷，谋画；讬（jié）：直言是非而不徇私情；讬，同“谋”。远猷讬，意为远大的谋划。

## 旧序三

雍州古称神皋奥区,水深土厚,形胜甲于天下。皇朝奠定以来,凡山川土俗,具载《陕西通志》。淳化,西北一小邑也。而山灵郁结,流为甘泉,自汉迄今,夙著名胜。在昔宋太宗再改元淳化,以立邑命名。夫以蕞尔郊原而闻其名,思履其地,比诸里称胜。母水号贪泉,其人民谣俗,由来殆必有异。

康熙己卯冬,余捧檄受任,念豳风邠雨之遗,犹使人咏歌而想见之也。因取旧志,先为检阅。志创于明隆庆四年,不特枣梨残缺,点画漫漶,而其后百三十余年之文献,俱湮没莫考,不禁掩卷太息。志者,所以广通志所未详,而为一邑记载之典,历久渐忘,后将奚赖焉?时奉家君定省署中,越数月余,钱谷不繁,簿书恒简,退食之暇,犹得与翰墨为伍。家君生平留心著述,因命进邑中诸士大夫暨耆老辈,告以志书久缺宜补,尚共加意。余谓某等矚望已久,敢不各就所见闻,以襄盛举。于是或以遗篇惠教,或以片楮纷投,以至潜踪幽迹,摭拾靡遗,断碣残碑,搜录殆遍。大抵岁月虽遥,而都记未泯,恍然百三十余年之流风轶事,皆在耳目间,而余初未敢率略也。传云:信以传信,疑以传疑。又云:所见异辞,所闻异辞,所传闻异辞。以今证昔,世远风微,苟涉颇类,奚尚编摹。乃待家君晨夕校讎,汰其烦芜,辨其舛谬;事必综括颠末,文必研晰字句。罗中丞旧本具在,因得增辑成集。殫今日之铅槩<sup>①</sup>,供将来之笔削。邑虽偏小,庶几系轶拊缶<sup>②</sup>,藉以少留文献云尔。惟是采风辨物,山谷险瘠,滥膺民社,深惧陨越。勉思仰酬当宁<sup>③</sup>宠界之一命,克副制府中丞、方伯、臬宪、道、郡各上台告戒

① 铅槩:铅,铅粉;槩(qiǎn),木板。指铅笔刻版。

② 系轶拊缶:轶,官署,馆舍;拊缶,拍打瓦器而歌,称为秦声。《汉书·杨恽传》:杨恽失官归田,“能为秦声……酒后耳热,仰天拊缶,而呼乌乌。”系轶拊缶,意为收藏和流传于官府和民间。

③ 当宁:宁(zhù),指宫室屏门之间,天子在此接受诸侯的朝见。《礼记·曲礼》:“天子当宁而立。”后因称皇帝为当宁。

周详、培植优渥之盛心，流览志乘，吏治彰彰，高山仰止之怀，方且望甘泉而不胜向往。家君进命曰：邑以志重，尚无忘人以志传也夫。谨拜，受厥训而录诸简端。

康熙四十年夏四月上浣之吉

赐进士出身、知淳化县事、长洲张如锦倬庵撰

## 旧序四

淳化,京兆之瘠邑也<sup>①</sup>。入谷口盘陀石留四十里,崤崤环结<sup>②</sup>,依麓成城。北望原野,屋庐如晨星;炊烟数缕,大抵倚邱壑为穴居。每念轩皇<sup>③</sup>合宫肆<sup>④</sup>,覲天下,固多形胜,何独取此莽冱<sup>⑤</sup>窈窕<sup>⑥</sup>之乡,为群后所观瞻也。况秦皇汉武,喜功好大,周原陆海,何地不可以行幸?顾置兹璇题云窳<sup>⑦</sup>,至今载在图记,皆深窞萃确间<sup>⑧</sup>。

意者,沧桑屡变,陵谷顿迁。世固有再过而邱墟者,矧千百年乎?翠华拂云,青嶂迎辇之日,即民间坳<sup>⑨</sup>鸡篱犬,当不若是之落寞可知。余闲从耆旧听话:当全盛时,城市托处者,遍内外望族。高华块圯<sup>⑩</sup>其间,贾区<sup>⑪</sup>、储胥<sup>⑫</sup>、裨贩<sup>⑬</sup>、阜通<sup>⑭</sup>、力穡<sup>⑮</sup>者众。硖陬<sup>⑯</sup>无土满之患,较之绣壤花封,虽丰歉有间,颇堪

① 京兆:京,宫室广大;兆,人口众多。汉代在长安置京兆尹,隋代改为京兆郡,唐代改为京兆府。淳化,即秦代云阳,汉代云阳、云陵县治城。秦时属内史郡,汉属左冯翊郡,隋唐时改属京兆郡(府)。这里是对淳化县隶属关系的泛称。

② 崤崤:亦作崤崤(lí yī)。曲折绵延,犹言“逶迤”。汉扬雄《甘泉赋》:“登隆崤崤,单墀坦兮。”即指此。

③ 轩皇:指轩辕黄帝。

④ 宫肆:宫室及其周围的物品交换市场。

⑤ 莽冱:冱音 làng,广大貌。意为空旷的大野。

⑥ 窈窕(yǎo yǎo):曲径幽远,深山宁静貌。张衡《西京赋》注:“言入其中皆迷惑不识还道也。”

⑦ 璇,玉的一种。窳(音 jié),柱头斗拱。璇题云窳,形容宫观雄伟壮丽。

⑧ 深窞萃确:窞,音 yào,深远貌。萃(luò)确,石多貌。深窞萃确,意为山石深处。

⑨ 坳(shí):凿垣为鸡篱曰坳。

⑩ 块圯:(yáng yā)高低不平。这里指建筑物错落于高低不平的台地上。

⑪ 贾(gù)区:囤售商货之屋。

⑫ 储胥:用木栅藩篱围障起来的储蓄,起着保卫蓄积物的作用。

⑬ 裨贩:小贩。薛综注《西京赋》曰:“裨贩,买贱卖贵,以自裨益。”

⑭ 阜通:交易旺盛。《周礼·天官·大宰》:“六曰商贾,阜通货贿。”

⑮ 力穡:尽力耕作。唐白居易《长庆集》:“是以射时利者,贱收而日富;勤力穡者,轻用而日贫。”

⑯ 硖陬(qiāo qū):瘠薄而倾侧不平之地。陬同“岖”。



卧理<sup>①</sup>焉。迨萑苻<sup>②</sup>伏莽<sup>③</sup>而胠箠<sup>④</sup>，困窳<sup>⑤</sup>搜牢<sup>⑥</sup>荡然，物力遂致大屈。加以旱蝗沴厉<sup>⑦</sup>，轻去其乡，民之能自存者盖寡。

迨我国家休养生息数十年，而犹未臻其盛。识者以为，拊绥安集<sup>⑧</sup>，端惟良有司是赖。岁在己卯<sup>⑨</sup>，月当阳<sup>⑩</sup>，复正霁发祁寒之候<sup>⑪</sup>，而倬庵张公以江左人才调任。檄至之日，邑之人如望岁焉，如望慈父焉，而公果适愜<sup>⑫</sup>所望也。清操廉节本于至性，绾符<sup>⑬</sup>甫岁馀，善政不可枚举。要以裁浮滥，崇俭朴，省徭役，息词讼，至于训课后进，赏奇析疑，嘉惠单寒，解衣推食，无论已未列宫墙者<sup>⑭</sup>，莫不欲歌欲泣。而且功之重于垣墉者<sup>⑮</sup>，虽积废必兴利之；便于津梁者，即艰巨克任。殆駸駸<sup>⑯</sup>乎各有成绪，而益信其愜所望也。

太翁循斋先生，文学宗工，夙负艺林，月旦<sup>⑰</sup>海内，至今传诵介石<sup>⑱</sup>，堂书不置。公以家学渊源，早岁成进士，奉先生起居养志。凡所措施，皆禀承恐后。

① 卧理：即“卧治”。不劳而治，无为而治之意。唐人因避高宗李治之讳，治字多作“理”。

② 萑(huán)苻：芦苇丛密的沼泽地。

③ 伏莽：指军队或盗匪埋伏在草莽之中。《周易·同人》：“九三，伏戎于莽”。

④ 胠箠(qū qiè)：胠，从旁边开启；箠，小箱子。意为撬开箱子。这里指盗贼的偷盗行为。

⑤ 困窳(qūn jiào)：储藏粮食的地方。圆的叫困，地窖叫窳。

⑥ 搜牢：搜掠物资。《后汉书·董卓传》：“卓纵放士兵，突其庐舍，淫略妇女，剽虏货物，谓之搜牢。”

⑦ 沴(lì)厉：指阴阳四时之气反常而引起的灾疫。沴，灾害不祥之气。

⑧ 拊绥：拊，抚慰；绥，安抚、安定。拊绥安集：意为保持一方安定。

⑨ 岁在己卯：即清康熙三十八年(1699)。

⑩ 月当阳：即阳月，农历十月的别称。《诗经·小雅·采芣》“岁以阳止”。汉郑玄释为“十月为阳，时坤用事，嫌于无阳，故以名此月为阳”。

⑪ 复正霁发(bì bō)祁寒之候：复正，又到了正月。《幽历》和《周历》均以农历十月为岁末，以十一月为岁首。前者称之为“一之日”，后者称之为“正月”。霁发：风寒冷。《诗经·邶风·七月》：“一之日霁发，二之日栗烈”，为寒冷节候的用语。祁寒：严寒。《尚书·后牙》：“冬祁寒，小民亦惟曰怨咨”。此亦为冬季气候用语。

⑫ 适愜(qiè)：适合，满意。

⑬ 绾(wǎn)符：绾，掌管；符，官印。此处谓知掌淳化县事。

⑭ 宫墙：原指房屋的围墙，后引申为师门、学校。《论语·子张》：“子贡曰：譬诸宫墙，……夫子之墙数仞，不得其门而入，不见宗庙之美，百官之富。”

⑮ 垣墉：垣，墙；墉，城。《尚书·梓材》：“若作室家，既勤垣墉。”注：“卑曰垣，高曰墉。”这里指修建城墙、官署、学宫等。

⑯ 駸駸(qīn qīn)：疾速，急迫。南朝《梁简文帝集》“朝光照皎皎，夕漏转駸駸。”

⑰ 月旦：农历每月初一。东汉许都，与其从兄许靖俱有高名，好评论乡党人物，每月更换品题，人称“月旦评”。后因称品评人物为月旦评或者作月旦。这里借称为文学名人。

⑱ 介石：耿介如石之意。《周易·豫·六二》：“石，不终日，贞吉。”唐孔颖达疏：介于石者，谓“守志耿介似于石。”

于是先生出其著述之余力，肆考旁罗<sup>①</sup>，采及葑菲<sup>②</sup>，欲以补淳化之缺略。因命公曰：“志所以佐吏治，属要务，不可缓。兹邑自罗中丞载笔后，鲜继之者。岁月递迁，缺略实多，身在地方，可勿黽勉<sup>③</sup>从事。”公唯唯受意旨。

余间得过从，每羨室有悬鱼<sup>④</sup>，门堪罗雀<sup>⑤</sup>。菽水之余，颇极翰林之乐。当其呵冻含毫，焚膏继晷<sup>⑥</sup>，不数月纂述告竣，将竭力付梓，乃不鄙固陋，命为序。余自惟樗栎散材<sup>⑦</sup>，伊吾二十年，嗜懒藏拙，跼蹐<sup>⑧</sup>斗食，所谓红蚕缘于枯桑，其茧不黄者<sup>⑨</sup>欤！顾妄度君子之心，无亦悯其砉窳侘傺<sup>⑩</sup>，而欲挈诸丹铅<sup>⑪</sup>之末也。公，盖仁人也；令子也，贤父母也。

异日治行，上闻肤寸之云，不逾时霖雨天下。古人云三立<sup>⑫</sup>，公直以一身兼之，而以淳化为兆志<sup>⑬</sup>。虽一节<sup>⑭</sup>绍往开来，厥功伟焉。余幸际其成而僭述大要如此。时康熙辛巳（1701）夏五月朔，署淳化县教谕古陈宝李一鹏伯翔拜撰。

① 肆考旁罗：肆考，极力考察；旁罗，唐司马贞《史记索隐》云：“旁，非一方。罗，广布也”。这里谓极力考察方方面面的情况。

② 葑菲：蔓菁萝卜一类的菜。《诗经·邶风·谷风》：“采葑采菲，无以下体”。下体，指根茎。原意指采者不应因其根茎不良而连叶也抛弃。这里指有一技之长和一德可取之人。

③ 黽勉：见《新修淳化县志序》注二。

④ 悬鱼：东汉羊续任南阳太守时，府丞给他进献生鱼，他将鱼悬挂于庭。此后府丞又给他送鱼，他以悬挂之鱼示意杜绝。后因以悬鱼比喻清廉。

⑤ 门堪罗雀：形容门庭冷落，来客绝少，以至于能张罗捕雀。这里指自干寂寞，杜绝来客，专心致志从事志书编纂。

⑥ 焚膏继晷(guī)：膏，油脂，指灯烛；晷，日光。谓夜以继日地学习或工作。

⑦ 樗栎散材：见《新修淳化县志序》注三。

⑧ 跼蹐(jú jí)：蹠，曲身，弯腰；蹠，小步行路。形容行动小心谨慎之貌。

⑨ 红蚕：老蚕吐丝，其体透红，称红蚕。汉扬雄《太玄经》：“红蚕缘于枯桑，其茧不黄。”这里用作年老才拙的自谦词。

⑩ 砉窳侘傺(zhài yǔ chà chì)：砉，同“寨”。《广韵》释为“安”；窳，不坚实，羸弱；侘傺，失意貌。这里指自安于体弱失意，静下心来创作。

⑪ 挈诸丹铅：挈，提起；丹铅，丹砂和铅粉，古人多用来校勘文字，所以称考订工作为丹铅。这里指提笔写作和校勘的劳作。

⑫ 三立：立德，立功，立言。《左传·襄二十四年》：“大上有立德，其次有立功，其次有立言，虽久不废，此之谓不朽。”

⑬ 兆志：兆，开始，显示；志，志向。这里指编者的志向，通过编纂志书而显现出来。

⑭ 节：朝廷颁发的符节。这里指皇帝的诏命文书。

## 旧序五

淳化故无志。嘉靖庚戌《邠州志》成，载县事，纪大略也。顷，县令阎伯度、汤文东欲创县志，以余属草稿焉。余辞未遑也，二人者留赎金以去。隆庆庚午春，泰和童公复之视篆<sup>①</sup>，政先风化，建名宦、乡贤二祠。乃属二三子而告之曰：二祠立，风化彰矣！无志焉，后将何传？速余前稿。顾余年耆，旧学荒落，文辞不修，不足以彰往迹、宣人文也。余甚惧焉，且无旧志可据。县未建时，云阳、三原错置，甘泉郊天之墟，帝王警蹕频纷，载籍难出，漫无统纪。乃搜罗校正，得诸故牒及今耳目昭著者，汇集成卷八帙。核实纪事，不以野传疑讹者参之，亦欲以传信将来也。至其损益订定，则俟后之作者焉。

隆庆四年四月谷旦 罗廷绣志

---

<sup>①</sup> 视篆：篆，官印的代称，也借指官职。视篆即就任官职。宋岳珂《金陀粹编》卷五：“二十六日入秦州，未视篆，借郡中……使臣效用。”

## 旧序六

淳化志成，以后叙属余。余以志与史相表里者也，郡县志亦史氏遗旨，君子观民风而思志之不可以已也。然纂次所及，微阐交用，管觚始操，袞钺由分。其封域沿革、山川形胜、城郭宫室之制，土田物产之良，可按图而举。至别师尹淑慝<sup>①</sup>，议论人才短长，错综古今民物事变，酌忠臣、孝子、幽人、列女名状，非先悬鉴于心，即无以昭劝戒、励风俗、公是非，未得为信史。是故贱砮砮<sup>②</sup>，贵琮璜<sup>③</sup>，循本实而略芳华。君子曰：知言谓其尚实也。

余尝与中丞兄蹑甘泉、瞩泾渭，风通灵之台，瞰石门之巔。吾邑虽世有变更，要即黄帝祀天旧墟，野踪余响，恍若目睹。寻摩芳径，穷胜迹，徘徊林光诸宫故址间，又得秦皇汉武避暑遗事。俯视四周，山环水绕，翬伏凤举<sup>④</sup>，亦都城西北一奥区也。顾自国初，迄今无志。正德中有抄本，如马丹阳、安禅师诸不经事类，皆赘书典章文物，法可纪载者反遗焉。余少时犹见之，今并抄本不存，是以正统以前及异代名贤胜迹湮没无闻，间有载诸群书、传诸故父老者才什一耳。一日观先圣庙八行八刑碑阴，得宋金诸名及庙学废兴所由，叹曰：使数子者，非镌诸石，或石毁于故元间，姓名又湮没矣！后视今犹今视昔，志可终缺乎。

客岁<sup>⑤</sup>己巳，楚人汤君尹兹土，请修于中丞兄，未成而归。藩司僚童君继来署邑，尤锐意此典，力赞之。中丞兄遂与二三诸生，按图定方，分门别类，不虚誉，不隐恶，得于见闻之真者，一善必录；事虽有据，无关风教者不取。书成，咸

① 淑慝：淑，善良；慝（tè），邪恶。

② 砮砮（wú fū）：似玉的美石，赤地白文，色彩葱葱不明。

③ 琮璜：琮，瑞玉；璜，佩玉。琮璜也是古代贵族朝聘、祭祀、征召的礼器。

④ 翬伏凤举：翬（tuó），指翬龙。此处形容当地景色低处如翬龙伏水，高处如凤凰展翅。

⑤ 客岁：去年。

谓简而精，核而不刻，间有未尽者，足以己意。甘泉有考，铜人、玉水有说，石鼓西原、昭仪法从有辨。其词慤<sup>①</sup>，其意详，得志体矣。

余闻往者，来之鉴也。志以识往，亦以勗来。继今官师考政，可以别淑慝；士民鉴德，可以定荣辱；观风采旨，可以昭劝戒。志其可以有益于邑乎。谨叙。

邑人罗廷绅公书撰

---

<sup>①</sup> 慤(qù):朴实,谨慎。

## 重纂凡例

通志颁行,诸郡县皆得考证。但通志为全省载记,于属县土俗事迹,例皆从略。若县志则务求详今,广谘博采;凡沿袭已往,有与通志不符者,悉编加校注,不敢保残守缺,贻误来世。罗中丞旧本称淳化故无志,乃其中亦有按旧志者,意即原序所云:正德间抄本并不存也,创始者难为功。苟非中丞伯仲,自宋迄明中叶,久已磨灭无传。今版刻虽残,卷帙未散,固当永为一乡故典。宋常山公《长安志》偶附奚囊,幸供涉猎。虽所载只汉唐三辅制度,其分叙云阳及泾水源流,利弊亦得折衷什一。因今《长安志》已单行,所引证皆加“旧”字以别。昔图会、通考诸书未及携至,荒区如枯肆,徒抱一瓠之愿,补亡驳谬,投笔怅然。

旧志云:甘泉在先,设县在后。特裒次甘泉历年表,具见前辈经营苦心,匪仅以博综标胜,今仍录置卷首,为方域便览。其杂辨数条,则于艺文中节取存之,揽者勿嫌踵事增华,犹有遗美。

水利,泾阳为著固矣。乃考本县仲山为郑国凿渠处。其南洪堰即白公渠发源,所记沟洫,大率泾阳支流,自宋以前总属云阳也。要之郑国渠在淳化,虽不比河之昆仑,记云或源也,或委也,此之谓务本。识者不可不辨。

俗称梨园,因唐开元、天宝中示京城梨园置教坊,习法曲,有梨园弟子名目。若此地之间为梨园,《云阳宫记》云:武帝所筑,有树数百株,青葱如盖,因以名镇。后唐时又尝名寨。余恐耳食者误谓县治即教坊地,特辨著之。俾知汉唐异世,基址悬绝。山灵有知,必以鄙言为不诬。

三水故属本界,泾阳亦联壤。二邑志侵板未久,取资参订,良有裨益。所惜《邠州志》附淳化,犹仍明嘉靖时摭集,稍经点窜,以是庆历、启正间职官选举,曾屡布告,莫有详其姓氏者。挂漏之讥,方窃自愧诸志。如康太史武功、王司马三原,皆以乡士大夫采集论断,手笔蔚然,本邑中丞公亦其亚也。余江左

鄙儒，谬采秦风，虽极意讨求，輿诵口碑，街谈巷语，大抵促数耗矣。网罗放失，端有望于后之作者。向来志乘，或越五六十年，或多至百年，未有阙如至百三十余年之久。中间自本朝戡定以前，寇氛蹂躏，版牘沦亡，幸旧志尚存而岁月辽阔，凡贡赋、人物，未得一一补缀，增减去取，以类编次，姑留为异日谋野之助。

修志之役，往往适馆延宾，分条给札，山署凉俭，愧未遑也。殆中秋讫腊杪<sup>①</sup>，凡五阅月，曾三易稿，展卷独劳，操觚莫助。只幸邑博李君一鹏，素擅古学；诸生宋子钺，克承家教，周爰咨諏，每怀靡及缮属、劖劂<sup>②</sup>、饮膳、工费以及纸笔、油薪，皆蠲俸分给，不敢毫发累闾阎。既得成帙，务俾风声所树，家喻户晓，若谓整齐论次，庶可悬诸国门，则又奚敢。

康熙辛巳夏六月朔，清河倬庵氏漫述于吏隐堂之后轩。

---

① 腊杪(miǎo)：腊，农历十二月；杪，末尾。这里指十二月底，即农历年末。


② 劖劂(jū jué)：雕刻书版。











## 星野<sup>①</sup>附考

《周礼》始分星野，《禹贡》先列山川，仰观俯察，其大较也。淳化小邑，于雍占鹑首之一隅，上应天文。旧志未著象纬，特攟摭大略，以明分野之所由丽云。

《周官·保章氏》：以星土辨九州。郑康成注大略，则曰九州，而九州中诸国封域，亦有分焉。其书久亡。今所存者，十二次<sup>②</sup>之分。《史记·天官书》：东井、舆鬼，雍州之分。前汉《地理志》：自井十度至柳三度，鹑首之次，乃秦之分。后汉《律历志》：井<sup>③</sup>十二度至鬼五度，为鹑首之次。于辰在未<sup>④</sup>，属秦分。晋《天文志》：自井二十七度至鬼柳，鹑首之次，属秦分。唐《天文志》：东井、舆鬼，鹑首也；自汉三辅及北地上郡以西皆属。今按《文献通考·象纬考》云：自云中入东井一度，自上党入舆鬼二度，井、鬼分界划然。而《唐志》又云：东井居两河之阴，当地络之西北，华阴以西北地属之。本县在华阴西北，故属京兆，其分野在东井中明矣。

① 星野：中国春秋时期创立的以星空对应地上州国的区域划分之法。天上星空的划分称分星，地上区域的划分称分野。合称星野。

② 十二次：中国古代为了观测日、月、五星的位置和运动，把天空赤道和黄道（太阳行道）带自西向东划为十二个空区，按照木星（岁星）十二年一周天，每年所在的一区称为一次，总共十二次。十二次的名称依次是：星纪、玄枵、娵訾、降娄、大梁、实沈、鹑首、鹑火、鹑尾、寿星、大火、析木。其中鹑首之次为秦国的分区。

③ 井、鬼、柳：二十八宿的星官名称。二十八宿是古人比较日、月、五星运动而选择的二十八个星官，作为观测时的标志。古人测得周天经度为 $365\frac{1}{4}$ 度，分配给二十八宿各宿。因各宿所在空域宽狭不一，所以度数差别很大，如井宿，就宽达33度。二十八宿又有两种组合：一是按东、北、西、南四个象位组合，每象七宿；二是按十二次组合，将其分配到各次之中，其中井、鬼及柳的一部分，被分配到了鹑首之次。另外，古人用二十八宿各宿的度数来度量地上的区域，但因各个朝代疆域范围的不同，州、郡划分的变化，以及测量手段的差异，所得的度数也不一样。




④ 于辰在未：辰，指十二辰，即子、丑、寅、卯、辰、巳、午、未、申、酉、戌、亥十二个等分的时空区域，它与十二次有反方向的对应关系；在对应中，十二次的鹑首与十二辰的未位同在一个空区。故此，古人称雍州或秦地的星野常以“星分鹑首，于辰在未”八字概括。

淳化縣志

圖

西女克業日也代印

星分東井圖



歌

入星橫列河  
 中靜一星名  
 鉞井邊安兩  
 河各三南北  
 正天尊三星  
 井上頭樽上  
 橫列五諸侯  
 侯上北河西  
 積水欲覓積  
 薪東畔是鉞  
 下四星名水  
 府水位東神  
 四星聚四瀆  
 橫列南河裏  
 南河下頭是  
 軍是孫子丈  
 人市丁列邱  
 下一狼光蓬  
 茸左畔九箇  
 彎弧弓一矢  
 橫射頑狼胸  
 有箇老人南  
 極中

## 星分东井图歌<sup>①</sup>

八星横列河中静，一星名钺井边安。  
 两河各三南北正，天樽三星井上头。  
 樽上横列五诸侯，侯上北河西积水。  
 欲觅积薪东畔是，钺下四星名水府。  
 水位东畔四星聚，四渎横列南河里。  
 南河下头是军市，〔军市团圆十三星〕，  
 〔中有一个野鸡精〕。  
 孙子仗人市下列，〔各立两星从东说〕。  
 〔关邱两个南河东〕，邱下一狼光蓬茸。  
 在畔九个弯弧弓，一矢横射顽狼胸。  
 有个老人南极中，〔春秋出入寿无穷〕。

志之有图，所以定规度、备稽考也。旧刻残缺模糊，邠州本所附录，亦只大略。兹仰观星象，谨遵《通志》东井一条。其疆域分布，幸有达部存稿，并补志中所详。缩裁寸幅，方位瞭然。至县城、县治、学宫向多更改，皆据见在臚列<sup>②</sup>。较悬象<sup>③</sup>、职方<sup>④</sup>，更极分晓。载于卷首，庶不虚重纂本末云。

康熙岁次辛巳仲秋朔旦甘泉寓叟漫识。

① 此段文字录于唐代王希明的《步天歌》。原录文中有错字和掉句，错字随文已作了纠正，掉句也已增补。增补的掉句，加上了括号“〔〕”以避免与原录文混淆。

② 臚列：陈列、排列。

③ 悬象：指日、月、星、辰等天象，因其悬在空中，垂示大地，故名。这里指有关天象的图文。

④ 职方：指地理分区及地面物体的划定和管理。《周礼·夏官》有职方氏，掌天下地图，主四方职责。这里指有关淳化城内主要设施的图文。

## 淳化县志卷一

## 土地记第一

## 上古

《遁甲开山图》：帝少昊葬云阳。《雍录》：甘泉，古帝王之所常都。

## 唐

《史记正义》云《括地志》曰：尧门山，俗名石门山。雍州三原县西北，上有路，其状若门。故老云：尧凿山为门，因名之。武德中于此山南置石门县，贞观中改为云阳县。

## 夏

刘昭《续汉书·郡国志》注云《帝王世纪》曰：禹铸鼎于荆山，在冯翊怀德之南，今其下荆渠也。《郡国志》：云阳有荆山。

## 周

《史记·秦本纪》：献公二十一年，与晋战于石门。

## 秦云阳

《史记·秦始皇本纪》：十四年，韩非使秦，秦用李斯谋留非，非死云阳。十五年，除道，道九原，抵云阳。因徙五万家于云阳，复不事十岁。《正义》云《括地志》曰：云阳城在雍州云阳县西八十里，秦始皇甘泉宫在焉。

亮吉按：宋敏求《长安志》：云阳县，汉昭帝置。古有云阳宫，因以为名。今考《汉书·地理志》，云陵县，昭帝置，不言云阳。据《史记·始皇本纪》文，似秦时已有云阳县，非汉置矣。敏求盖误云阳作云陵也。

## 汉左冯翊、云陵、云阳

《汉书·地理志》：云陵，昭帝置。《昭帝纪》：后元二年，追尊赵婕妤为皇太后，起云陵。《外戚传》：昭帝即位，追尊钩弋婕妤为皇太后。发卒二万人起

云陵，邑三千户。《韦元成传》：平帝元始中，罢云陵为县。李吉甫《元和郡县志》：云阳县有汉云陵故县，在县西北八十里。乐史《太平寰宇记》：云阳县西北八十里故城，即汉理也。

亮吉按：《汉书·昭帝纪》注，文颖曰：捷仔先葬于云阳，是以就云阳为起云陵。据此，则云陵分云阳县立。宋敏求云云阳亦有美原县地，乐史云云阳有美阳县地，皆误当云阳亦有云陵县地也。

#### 后汉左冯翊、云阳

《续汉书·郡国志》：左冯翊有云阳。亮吉按：后汉无云陵县，盖建武时省。明《一统志》：云陵故城在淳化县北三十里，则云陵仍并入云阳也。

#### 魏抚夷护军

《魏志》：司马懿抚慰关中，罢云阳县置抚夷护军。亮吉按：《元和郡县志》亦同。乐史、宋敏求皆云后汉末省云阳县，即指比。

#### 晋抚夷护军

《元和郡县志》：赵王伦镇长安，复罢护军，刘、石、苻、姚因之。《太平寰宇记》：赵王伦镇长安，复罢护军。后氏羌反，复立护军，刘、石、苻、姚因之。

#### 后魏北地郡云阳

《魏书·地形志》：北地郡云阳，二汉属左冯翊，晋罢，后复属。《元和郡县志》：魏罢护军，更于今云阳县理别置云阳县。《长安志》：后魏太平真君七年，罢护军别置云阳县。

#### 后周云阳郡

《隋书·地理志》：后周置云阳郡，开皇初郡废。《长安志》同。

#### 隋京兆郡云阳

《隋书·地理志》：云阳，旧置。《元和郡县志》：后魏别置云阳县，隋因之。《太平寰宇记》同。

#### 唐京兆府、京兆郡云阳

《元和郡县志》：武德元年分置石门县，三年于石门县置泉州。贞观元年废州，改石门县为云阳县。《旧唐书·地理志》：隋县。武德元年分置石门县，三年于石门县置泉州，领石门、温秀二县。贞观元年废泉州，改石门为云阳，改云



阳为池阳,并属雍州;八年废云阳,改池阳复名云阳。《太平寰宇记》:唐武德元年,分云阳县置石门,仍于石门县南十五里水冲城置云阳县。贞观元年废泉州,改石门县为云阳县;至八年,废云阳入池阳县,仍改池阳为云阳县。武后垂拱二年,改为永安县;天授二年,以云阳置鼎州,以三原、泾阳、醴泉等四县属焉;久视元年废州、县,仍隶府;神龙初复旧,为云阳县。《新唐书·地理志》云:武德元年析置石门县;三年以石门、温秀置泉州。贞观元年州废,省温秀,更石门曰云阳,云阳曰池阳;八年省云阳,更池阳曰云阳。天授二年,以云阳、泾阳、醴泉、三原置鼎州;大足元年州废。《长安志》:唐武德三年,于石门县置泉州,领石门、温秀二县,徙云阳县于南十五里水冲城。余同《旧唐书》。

亮吉按:《括地志》及《长安志》,则唐石门县在尧门山南,云阳县则徙于石门县南十五里水冲城。《太平寰宇记》抄本前后舛错,今校正之。又,乐史云:久视元年废鼎州,误。当从《长安志》及新、旧《唐书》作大足元年为是。《旧唐书》鼎州又作宜州,亦刊写误也。

#### 后唐耀州云阳

《太平寰宇记》:梁改耀州为崇州。后唐同光元年改为耀州,顺义军割并雍州之云阳以属焉。《长安志》:云阳县,后唐同光元年析隶耀州。

#### 宋耀州云阳

《宋史·地理志》:耀州有云阳县上。

#### 淳化四年耀州淳化

《长安志》:云阳县梨园镇,在金龟乡。李克用以并师讨邠岐军梨园寨。皇朝淳化四年建为淳化县,以云阳金龟、平泉、古鼎三乡,仍析山后甘延、温丰、威远三乡属焉。按太子中舍人黄观言,此地山林深僻,多聚贼盗,遂建为县。《宋史·地理志》:淳化。中。淳化四年,升耀州云阳黎国镇为县。亮吉按:黎国“国”字当作“园”。《云阳宫记》:车箱阪下有梨园。《五代史》及《长安志》有梨园镇、梨园寨,知“国”字当属“园”字之误也。又,淳化县盖以年号名县。

#### 宣和元年邠州淳化

《文献通考》:邠州领淳化。《宋史·地理志》:邠州淳化,宣和元年自耀州来隶。

#### 金邠州淳化

《金史·地理志》：邠州有淳化。

#### 元邠州淳化

《元史·地理志》：邠州淳化。下。至元七年省三水入本县。

#### 明邠州淳化

明《图经》：邠州有淳化，僻筒中。

#### 国朝<sup>①</sup>邠州淳化

《陕西通志》：邠州淳化县，筒缺。

---

<sup>①</sup> 国朝：这里指清代。

## 淳化县志卷二

## 土地记第一

## 汉云阳城

《括地志》：云阳城在雍州云阳县八十里，秦始皇甘泉宫在焉。《元和郡县志》云阳县：汉云阳故县在县西北八十里。《陕西通志》：在淳化县西北十里，城基犹存。

## 汉云陵城

《太平寰宇记》：云阳县亦有云陵（今本误作美阳，《长安志》误作美原）县地。《地理志》云：昭帝立此县，属左冯翊。后汉末省。县西北八十里（《长安志》作六十里）故城即汉理也。《长安图记》《三辅黄图》曰：云陵，今入云阳县。《长安志》云阳县：汉昭帝赵太后云陵在故县南。《一统志》：云陵故城在淳化县北三十里。明州志同。

## 后魏云阳城

《元和郡县志》云阳县：后魏罢护军，更于今理别置云阳县。隋因之。

## 唐云阳县

《元和郡县志》：京兆府云阳县，西南至府一百一十里。

## 唐武德移云阳城

《太平寰宇记》：唐武德元年，分云阳县，仍于云阳县西南十五里水冲城以安之。《长安志》：武德元年，徙云阳县于南十五里，治水冲城。旧志：古云阳城在县西北五十里，后人多指甘泉山前为古云阳。县北有村，亦名古城村。亮吉按：《泾阳县志》云：即泾阳县北三十里云阳镇，则故城不在州属也。疑泾阳故城乃武德所徙南十五里城。

### 宋云阳城

《太平寰宇记》：在耀州西七十里。《长安志》：西南至京兆府一百二十里。县境东西七十里，南北一百二十里。县城周二里余一百一十步，雉崇九尺，濠深一尺。

### 宋淳化城

旧志：淳化四年，于金龟乡梨园镇地立县，曰淳化。

### 元淳化城

旧志：淳化县元时曾徙三水。亮吉按：《元史·地理志》：淳化。下。云至元七年省三水入本县，不云移县治至三水。旧志盖误也。

### 明淳化城

明万历中《邠州志》：淳化县城为五里三分，高三丈五尺，上阔一丈，下阔二丈五尺。南、西沟，东河。三面有门，门各一楼，东曰迎和，南曰阜民，北曰拱极。旧志：嘉靖九年，知县马崇增筑；四十三年，知县张介设堞楼。崇正<sup>①</sup>中，赵之琴增修；末年，知县孟学孔设敌台西南角。

### 国朝淳化城

旧志：明仍宋旧，国朝亦因之。顺治五年，知县赵宾修城楼。康熙三十九年冬十月，知县张如锦捐俸补筑垣城一百三十余丈。《县册》：城皆山围，东西一百七十步，南北一里二百六十步，周四里一百七十步。高二丈五尺，池深一丈，阔五尺。东、南、北三门：东曰迎和，南曰阜门，北曰拱极。南北以沟为隍，东以河为隍。至乾隆二十八年，知县吴国栋详请动项，重修城垣一座，周围四里一分二十步二尺。其西城依原修筑，无城门。周围长七百四十八丈二尺。

<sup>①</sup> 崇正：即崇祯。因避清雍正皇帝胤禛名讳，易祯为正。

## 淳化县志卷三

## 土地记第一

## 唐云阳二十乡

《长安志》：唐二十乡。金龟、平泉、古鼎三乡，今析置淳化县。又有谷口乡。馀不传。

## 唐黎园镇

《长安志》：黎园镇在金龟乡。唐李克用以并师讨邠岐，驻军梨园寨，即此。

## 宋云阳五乡

《太平寰宇记》：云阳旧十一乡，今七乡。《长安志》：云阳五乡，管七十四村；流金乡在县东南，管村一十二；嵯峨乡在县北，管村一十八；万善乡在县东，管村一十八；武康乡在县西，管村一十八；青龙乡在县南，管村一十四。

## 宋云阳二镇

《长安志》：孟店镇在县东十一里，梨园镇在金龟乡。

## 宋淳化六乡

《长安志》：皇朝淳化四年建为淳化县。以云阳金龟、平泉、古鼎三乡，仍析山后甘延、温丰、威远三乡属。按：太子中舍黄观言，此地山林深僻，多聚盗贼，遂建为县。旧志：淳化四年于金龟乡梨园镇地立县，曰淳化。又云唐时云阳二十乡，所析止十之三；及分三水，又去逾半，今所存未知何乡。惟县治为梨园镇即向之金龟乡，其他里名并非旧名可考。

## 明淳化编户一十八里十五乡

明万历中《邠州志》：淳化县十五乡。

南府里乡管退驾原、孟侯村、常实镇、南府村、设村、故县、小庄村、巩村、郭定村、李寨、河东村、丁村，共十二村镇。

官庄里乡管八村、朱邓村、强村、米仓村、官庄、二王、傅魏村、宋家村、临庄,共九村庄。

新留里乡管常村、方里村、徐村、新留村、秋舍村、北俱寨、三鸭村,共七村寨。

西阳里乡管西阳村、冯寨、四泉村、阎渠村、南俱寨、南桃渠、阴原村、汉寨、嘴头村、俞寨,共十村寨。

引安里乡管九庄、引安村、阎村、洛浮坊、秦庄、东下村、树村、西下村、阁架原、余车村、库邸村、李园村、大槐树、嘴头村、石桥镇,共十五村镇。

蒋家里乡管梁楼村、城前村、白庙村、油房村、马武村,共五村。

梁家里乡管白草村、胡家村、牌子村、凤留村、班驾村,共五村。

善化里乡管小池村、善化村、西坡村、南家庄、通润镇、湫池邨、寨子庄、墩子邨、柳沟邨,共九村镇。

长安里乡管襄武村、长圪塔、古城村、西安村、铁王村、核桃村、武六原,共七村原。

白堡里乡管屯庄、白堡村、古庙树、石泉庄、窟蛇村、纸房村、北桃村、干沟村、由通沟、弓王村,共十村庄。

永宁里乡管柏林堡、中嘴村、堡子村、营盘村、安盛村、下南村、上南村、嘴头村、兔路村,共十四村堡。

义门里乡管小硖村、于家寨、嘴头村、姜嫫镇、界鱼村、北城村、小原村,共七村镇。

得义里乡管梁家庄、牛心堡、温汤村、得义村、永丰村、半地村、李密庄、瓜平原,共八村庄。

蒲家里乡管高家村、曹村、温汤村、朱村、仙家村、孙家村、官庄镇、皇城村、韩家村、陈村、中阳村、北庄、南庄,共十三村庄。

安乐里乡管进阳村、河村、安乐村、干沟村、草地村、牛村、下原村、居集村、新店村、大家庄,共十村庄。

崇德里乡管闲仓村、车吴村、南胡同、岑地村,共四村庄。

董桥里乡管董桥村、庄头村、岭上村、孟庄、卜兴村、三冢村、三花村、杏园

村,共八村庄。

齐阳里管泰颠镇、岢乡村、齐至村、封赠原、齐阳村、张寨、留虎村,共九村镇。<sup>①</sup>

### 国朝六铺司

《县册》:有在城总铺,县东南五里有大店铺,二十里有石桥铺通泾阳、三原,县西北五里有辛店铺,二十里有通润镇铺,三十五里有姜嫫河铺通三水。隆冬又设坐塘五处,各差民二名,分司南三十里圣人桥、北二十里通润镇,西三十里十里原、四十里三里原,五十里二十里原。今移专城营,以本县额设马二匹,拨兵驻二十里原稽察防御。

### 五镇堡

旧志:县北门外有仁和堡,一名北堡。明崇正中,知县赵之琴鸠众兴筑,有碑记。县西四十里有金源堡。堡立泾水中,四面斗绝,上有数十窟洞,高百丈,宽百余丈。东北姜嫫河。北走马岭一线之路,止可徒行。东小岭名报事岭相传昔人避兵处。仲山中有老君堡。深邃险固,自昔隐遁之地。甘泉山中二十余里有桃儿堡。其地鸟道,不容并行。山岭有水,可以屯聚。顺治初,土寇郭君振、黄希虎等啸聚于此。曾遣兵削平之。又有七里川堡(《县册》:进甘泉山十余里)。明季设巡检司。国朝初年,因之地多匿盗,亦经用兵歼除。

### 编户六里二百四十七村

《县册》:东路五十村。县东一里有仁和堡、李家原、东河堡,二里有坡头邨、庄头邨,四里有董桥邨,八里有三冢村,十里有岭上村,十五里有孟庄村、北庄村,十六里有林庄村,二十里有米仓村、宋村,二十三里有西朱登,二十五里有东朱登、官庄村,三十里有常实镇、常家湾、强村、徐村、安原村,三十五里有辛留村、北三阳、蔡家村、南居寨、北居寨、南三阳、魏村,四十里有冯寨、方里村、常村、西坡村、嘴头村、南桃渠、秋社树、南府地、固县村,四十五里有南言渠,五十里有谈家村、北言渠、西谈村、东言渠、小社村、丁村、渠上村、李寨村、马家堡、常实镇、西阳村、四泉,六十里有韦家村。

<sup>①</sup> 以上乡村镇,名称数量有差者,据实录之,保持原状。

南路六十六村。县南二里有下庄村,三里有郟家嘴、姚家坡、东平村,四里有斜里,五里有大店镇、封赠原、齐阳村、上庄村、张寨村,七里有贤仓村、八村,八里有齐池村,十里有北车吴、南车吴、龙虎村、堡兴村、国乡村,十二里有贾家村、吴公寺、曹家嘴、上谋庄,十三里有庞家村,十五里有杏园、杜家河、王化嘴、三化村、南胡通、谟庄村、高家河,二十里有引安村、嘴头村、邓家嘴、李原、库底村,二十二里有大槐树,二十五里有阎村、落房村、白家村、萧家原、北鱼车、石桥镇、师家原,三十里有秦庄村、下村、炮留村、柿园、谢家山、贾家山、朱家嘴,三十五里有郭家原,四十里有山李家、吕家沟、新庄村、南阴原、汉寨、魏寨、南鱼车、北阴原、树村。

西路六十六村。县西四里有南撑底、西撑底,五里有中撑底、辛店镇,八里有石河村,十里有牛卷铺、居集村,十五里有河村、郑家崖,十七里有干沟村,十八里有皂角树,二十里有祭阳村、通润镇、野王家、得义村、永丰村,二十五里有火留村、西坡村,三十里有李梅庄、刘家河、坡边头、曹村、崔王村、北温汤、梁家庄、汉阳宫、嘴头村,三十五里有齐家村、朱村、白家村、小碛沟、于家村,四十里有平底堡、温汤村、上黄城、下黄城、张村、张家村、南仙家村、北仙家村、官庄村、姜嫫河、侯家村、党家村、蒲家村、崔家村、王家村、北陈府、高埝村、梁家嘴,四十二里有寨里村、小原村,四十五里有孙家村,五十里有沟渠头、郝家村、北庄村、申阳村、南庄、陈村、邢家村、赵家庄、景罗家村、北洞村、赵家村。

北路六十五村。县北五里有罗家庄、大家庄、西屯庄、东屯庄,八里有下柳沟,十里有上柳沟、姚家堡,十二里有南寨邨、南想武、杜家嘴,十五里有草地邨、北寨子邨、后子头、湫地沟、岭上村、西坡村、秦家坡、北想武、东三德、西三德、下南村、大圪塔,十七里有上南村,二十里有姚家村、北村、西安村、王家坡、古城村、塔儿寺、铁王村、丁胡村、胡家嘴、退驾原、白卜村、中嘴村、神堡、安社、袁家堡,二十二里有窟驮村,二十三里有堡子头,二十五里有善化村、姚家村、秦家河,三十里有南家村、宋家村、西奉内寺、东奉内寺、白庙村、核桃沟、青阳凹、范家堡、油房村、北桃渠,三十五里有董家村、张家村,四十里有牌子村、小池村、土家村、程前村、西沟村、蒋家山,四十二里有沟儿里,四十五里有马家山,五十里有程家堡、庄子上。



## 五桥

《旧志》：县北门外有广济桥。顺治十五年重修。又有永安桥。相传汉昭帝时遗址，后圯修。明万历中荡废。国朝康熙四十年二月，知县张如锦重建。县东南二十里有石桥。明季重修。县南三十里有圣人桥。相传汉武帝所过，故名。明嘉靖中重修。又南有赛翁桥。相传昔有人既修圣人桥，其子妇复修此桥，因取名焉。

## 湘子桥

《旧志》：在县南十五里。泾阳曹隆音重修。

---

### 校勘记：

本卷所述十八里十五乡，实际是十七里带乡，只有一里不带乡。其中，永宁里乡管十四村堡，实际只有九村堡，齐阳里管九村镇，实际只有七村镇。

## 淳化县志卷四

### 山川记第二

#### 甘泉山

《战国策》范雎说秦昭王曰：北有甘泉、谷口之固。《史记·封禅书》公孙卿曰：黄帝接万灵明廷。明廷者，甘泉也。《汉书》注：应劭曰，甘泉山在云阳县；晋灼云，云阳甘泉山，黄帝以来祭天鬯邱处也。《括地志》：甘泉山一名石鼓原，俗名磨石岭。在雍州云阳县西北九十里。《关中记》云：甘泉宫在甘泉山上。年代永久，无复甘泉之名，失其实也。宫北云有连山上人（此下当脱一名字）为磨石岭。见《史记正义》。《元和郡县志》：云阳县甘泉山，一名磨石岭。在县西北九十里，周回六十里。《太平寰宇记》：云阳县甘泉山。按《汉书》云：单于烽侯以应甘泉，即此山也。又有甘泉水，经县北。《长安志》云：《十道志》甘泉出石鼓西原。《新唐书·地理志》：云阳有甘泉山。明万历中《邠州志》：在淳化县北九十里。

#### 荆山

《夏书·禹贡》：导沂及岐，至于荆山。《汉书·地理志》：怀德。《禹贡》北条荆山在南。《郊祀志》：黄帝采首山铜，铸鼎于荆山下。刘昭注《郡国志》：云阳有荆山；引《帝王世纪》云：禹铸鼎于荆山，在冯翊怀德之界。今其下荆渠也。《元和郡县志》：云阳县嵯峨山，亦名嵯嶺山。在县东北十里，东西二十五里，南北二十里。山有云必雨，常以为候。《太平寰宇记》：云阳县嵯嶺山，在县东北十里。一名慈峨山。王褒《云阳宫记》：东有慈峨山，今土人谓之嵯峨山。昔黄帝铸鼎于此山。《长安志》：嵯峨山一名嵯嶺山。《汉书》：嵯嶺山在池阳县北。师古曰：俗呼嵯峨山是也。音截啮。《云阳宫记》曰：风东有慈峨山，盖又名慈峨四夷。《郡国图记》曰：山顶有云起即雨，人以为候。昔黄帝铸鼎于此山下。

《新唐书·地理志》：云阳嵯峨山，在西北四十里。旧志：嵯峨山在县东南五十里。五峰秀立，土人亦呼北五台。古名荆山，亦名巖嶭山。《云阳宫记》：东有慈峨山，即此。西南属泾阳界，东南属三原界，西北属淳化。

### 石门山

《史记·秦本纪》：献公二十一年，与晋战于石门；《正义》引《括地志》云：尧门山，俗名石门，在雍州三原县西北。上有路若门。《地形志》：高平有石门山。《元和郡县志》：三水县石门山，在县东五十里。峰岩相对，望之似门。《太平寰宇记》：山水县石门山。王褒《云阳宫记》：东北有石门，冈峦纠纷，千霄秀出，有石岩容数百人。《甘泉赋》云：冈峦石闢，施靡虜延属。《新唐书·地理志》：山水有石门山。《金史·地理志》：三水有石门山。明《邠州志》：石门山在淳化县北六十里，两山壁立如门。旧志：石门山在县北六十里，亦称石门关，相传始皇公子扶苏赐死处。今俗以扶苏为石门神，立庙。唐初置石门类县，明初筑关。西南属三原界，北属三水界，故三县并载。此山在三原曰尧门山。《陕西通志》：石门山在淳化县北方六十里，亦称石门关，与耀州山水交界。亮吉按：诸地志尧门山在三原县西北，与淳化县界稍远，故旧志为之说曰：在三原者为尧门，在淳化者为石门。其实不然，尧门、石门，古今异名，非二山也。盖山界耀州、三原、三水、淳化四州县境，故志四州县者皆得载及之。若以道理稍远，遽分为二山，则又失其实矣。又《新唐书·地理志》：云阳有尧山，疑即此。

### 中山

《史记·封禅书》：汾阴巫锦得鼎，天子使使以礼迎鼎至甘泉，从行，上荐之。至中山，曛暝<sup>①</sup>，有黄云盖焉。《河渠书》：水工郑国凿泾水，自中山西邸瓠口为渠。徐广云：关中有仲山，非冀州也。《括地志》：中山（今本脱山字）一名仲山，在雍州云阳西十五里。颜师古注《汉书》曰：中山即今九峻山之东仲山也。《太平寰宇记》：云阳有中山。《长安志》：云阳县中山，在县西北四十里。《云阳宫记》曰：宫南三十里有仲山，未详古之何山，山有竹箭生焉，俗传高祖兄

① 曛暝(yàn wēn)：日出温暖。《汉书·郊祀志》作“晏温”。

仲所居。今山有仲子庙，积旱祈之，围此射猎，则风雨暴至。庙有一泉，未尝水竭。《文献通考》：淳化有中山。《金史·地理志》：淳化有中山。明《邠州志》：中山在县东南二十五里。旧志：仲山在县南三十里，即郑国凿渠引泾水处。汉武帝迎宝鼎至中山，即此。西九峻，东嵯峨山，在二山中得名。俗以嵯峨为孟，此山为仲，故又名仲山。亮吉按：仲山见《项羽传》，非因高祖兄得名可知。又刘仲城在合阳县，是仲封邑，不应又远居此山。俗传盖误也。

### 牛首山

《三辅黄图》：甘泉宫中有牛首山。亮吉按：甘泉宫在甘泉山上，则此牛首山或属甘泉山之别峰，或又谓《旧志》有牛山，疑即牛首。今考甘泉宫在县北五十里，牛山在县南三十里，明非一山可知。今别录于此。

### 车箱阪

《元和郡县志》：云阳县车箱阪，在县西北三十八里。萦纡曲折，单轨才通。上阪则平原宏敞，楼观相属，即趋甘泉宫道也。《太平寰宇记》称《云阳宫记》云：车箱阪下有梨园一顷，树数百株；青翠繁密，望之如车盖。《文献通考》：淳化有车箱阪。《金史·地理志》：淳化有车箱阪。明《邠州志》：在县东北三十五里。旧志：车箱阪在县东北二十五里，亦名车盘岭，即走甘泉宫道。亮吉按：《通志》并载入泾阳县，盖阪又界两县也。

### 鬼谷

《史记·甘茂传》：云阳县有鬼谷。

### 冶谷

《汉书·郊祀志》：所谓寒门者，谷口也。师古注曰：谷口，仲山之谷口也。汉时为县，今呼之冶谷是也。《沟洫志》：穿渠引泾水，起谷口。颜师古注：谷口即今云阳县冶谷是。《太平寰宇记》称《云阳宫记》曰：冶谷去云阳宫八十里，《封禅书》所谓谷口是也。其山出铁，冶铸之所，因以为名。入谷便洪潦沸腾，飞泉激射。两峰皆峭壁孤竖，盘横坑谷，凜然沍凝。常如八九月中，朱明盛暑，当昼暂暄，凉秋晚候，温袍不暖，所谓寒门者也。又云：入冶谷二十里有槐树，树北有泉曰金泉。今按此树犹存，在金泉西南百步。谷中今有毛盖监。《长安志》同。旧志：仲山、嵯峨之间曰谷口。有二石如门，立其中。多古迹。

### 五龙谷

《太平寰宇记》：云阳县有五龙谷泉。注《水经》：五龙水出云阳西南。明《邠州志》：在县西南三十五里。五峰如凤，一名五凤山。旧志：五凤山在县西三十五里。五峰如凤，即五龙谷。

### 石蛇

《长安志》：云阳县古石蛇，在县西北四十里。旧志：石蛇阜在冶谷河中，有石如蛇状。

### 黄嵌山

《明史·地理志》：淳化县有黄嵌山。

### 寿峰山

明《邠州志》：在淳化县北门外。《陕西通志》按服虔注：掾峦为甘泉南山。又，李善云：三峦即封峦观。疑掾峦为三楞山，而三峦为观名也。旧志：在县北五里，又东里许高冈上立岱岳庙。宋振麟尝考证，此山即《甘泉赋》所云三峦山，今俗呼三楞山。又按李善注：掾峦为甘泉南山，三峦即封峦观。与宋说异。

### 凤凰山 大唐山

明《邠州志》：在淳化县东北二十里。大唐山在县东五十里。神兔岭在县东十里。旧志：凤凰山在县东北三十里。又十里大唐山，亦名辰头岭。唐人于此取茶，俗呼为神兔岭。南达泾阳、三原、七里坡、三里坡，西北至石门关，通延安、庆阳、平凉。顺治中委官设兵，名其地曰安阳堡。亮吉按：州志凤凰山在淳化县东北二十里，二字应作三，当以旧县志为是。

### 相山

明《邠州志》：一名盘寨岭，在县东北二十五里。旧志同。

### 巴山

明《邠州志》：在县西南三十里。下有石，将雨则湫出。旧志，通志同。

### 牛山

明《邠州志》：在县南三十里。旧志同。

### 避暑山 退驾原

明《邠州志》：在县东北三十里。旧志：退驾原在县东北三十里。《陕西通

志》:避暑山相近有退驾原。

#### 张果崖

明《邠州志》:在县东北七十里。旧志:张果崖在县东北五十里,属耀州。其西南据本县境。

#### 吃茶岭

旧县志:在县东五十里。

#### 枣坪

旧县志:在县南二里。其西曰封赠原。《通志》:封赠原下有泉。

#### 蝎子掌山

《陕西通志》:在县北四十里,冶谷水出此。

#### 车箱坡

旧志:车箱坡在北门外二里河。东坡在南门外三里。东门外亦有坡。明万历中,知县王国治以母命捐俸斲石,民立石以颂。

#### 泾水

《隋书·地理志》:云阳有泾水。《元和郡县志》:泾水在县西南二十五里。《太平寰宇记》云阳县泾水注:《水经注》云:泾水东流历峡,谓之泾峡。《长安志》云阳县:泾水在县西南二十五里。《水经注》云同《太平寰宇记》。《陕西通志》:泾水又东南入淳化界。淳化县:泾水在县西南,自邠州流入,又东南过醴泉入泾阳界。旧志:泾水在县西南二十里。

#### 冶谷水

《水经注》:郑渠东迳中山南,又东迳捨车宫南,绝冶谷水。《长安志》:云阳县冶谷河水,自县西北淳化县界来,经嵯峨、武康、青龙等乡,溉民田。明《邠州志》淳化县:淳化河在县东。《陕西通志》:冶谷河,一名淳化河,一名县河,一名临江潭,又名龙潭水。在淳化县东门外,即县河。源出蝎子掌山。迳县东,甘泉水自北来入之,马跑泉自东北来流入之。又东南流迳县南,葫芦河自县西南流入之,又一泉水自东北流入之。又流迳泾阳县,至三原县之谢家村与清谷水合。旧志:县河南流出冶谷,故名冶谷水,一名临江潭,俗又呼为龙潭水。宋政和中,有人刻石于潭之东山。又,河中有石如蛇,名石蛇阜。

### 甘泉

《隋书·地理志》：云阳有甘泉。《长安志》：云阳有甘水，经县北。《十道志》曰：甘泉水出石鼓西原。明《邠州志》：淳化县甘泉在县北四十里。《陕西通志》：其味甘美，异于他水。又有游驾河，在县北十里，直通古甘泉，即秦汉以来诸君经游地也。旧志同。

### 走马水

《隋书·地理志》：云阳有走马水。明《邠州志》：淳化县马跑泉在县北四十里云陵城西。《陕西通志》：在县东北四十五里，迳太山庙下流入冶谷河。旧志：唐太宗猎此，马跑地出涌泉，故名。亮吉按：马跑泉即隋志走马水，出淳化县东北凤凰山，西南流入于冶谷水。旧志所传唐太宗事，或因水名附会也。

### 五龙水

《隋书·地理志》：云阳有五龙水。《太平寰宇记》：云阳有五龙谷泉，《水经注》五龙水出云阳宫西南。《长安志》称《水经注》同。《陕西通志》：淳化县五龙山，在县西南流合七里川入泾。旧志：在县西四十里。

### 蒲池水

《魏书·地形志》：云阳有蒲池水。《陕西通志》：葫芦河在县西，源出石河，流迳城南入冶谷河。旧志同。亮吉按：葫芦与蒲声相近，当即一水。

### 七里川

明《邠州志》：淳化县姜嫫河（一名七里川），在县西北四十里，流入于泾。《陕西通志》：七里川，一名姜嫫河。源出石门山，自三水县西南流为七里川。又迳三里原为姜嫫河，合小峡沟水南入于泾。其小峡沟水在县北三十里。旧志：七里川在县东南，其地为旧宁谷驿，去佛面坡不远。亮吉按：州志云在县西北四十里，通志则云在县南六十里，县志亦云在东南，彼此不同。今考七里川源出三水县东南，西南流入淳化县西北界。又南小峡沟水西南注之。七里川又南，五龙谷水西南注之。七里川又西南至张村西入于泾。

### 清水

《水经注》：五丈渠水出云阳县石门山，谓之清水。东南流迳黄嵌山西，又东入袞县。《明史·地理志》：淳化县东有清水。《陕西通志》：在县东六十

里,源出石门山,东南流入耀州界。亮吉按:耀州即汉祿翊县地。清水盖出三水县东石门山,东南流入耀州界。又南至泾阳县北,合于冶谷水也。

### 金泉

《太平寰宇记》云《云阳宫记》曰:人冶谷二十里有一槐树,树北有泉,名曰金泉。《长安志》云《云阳宫记》曰:泉出数穴,清彻无底。《雍州记》言,有人昔饮此泉水,见有金色从山中照水,往取得金,故名金泉。旧志:在县东南三十里。又名观音泉,世传其水甘香,目眇者洗之可明。唐郑谷诗“地涌金泉过石门”,即此。

### 通沟渠

明《邠州志》:在淳化县北二十里。亮吉按:水出淳化县北,南流迳县西,又南入于泾。

### 方里沟水

《陕西通志》:在县东北四十里。源出神兔岭,流入三原界,入清河。旧志同。

### 郑泉

《长安志》:云阳县郑泉,在县西四十里。《云阳宫记》曰:汉郑朴,字子真。隐于谷口,高节不屈。耕于岩石之下,名震京师。时人因子真所居,名为郑泉。

### 流金泊

《长安志》:云阳流金泊,在县东北一十里。

### 白龙泉

明《邠州志》:在淳化县东北三十里。

### 小师泉

《陕西通志》:在淳化县东南,称为仲山胜地。州志、旧志同。

### 小河

《陕西通志》:在淳化县西四十里。旧志:城前头村有小河,流至奉内寺,水即伏地,不得过善化村。俗云水过善化村,非兵即荒。

### 小硖沟

明《邠州志》:在淳化县北四十里。



## 干沟河

旧志：干沟河，俗称干沟儿，在县西北十五里。旧《长安志》云：邢堰不知起自何时，盖为北限地高、水势不能及。引清、冶二谷水，经三原县龙桥镇，东至邢村，截河为防堰。其水与泾合流，以溉云阳、三原并渭南屯所田。堰长四十余步，下分水二渠。中有深沟二道，盖白渠故道也。水不敢入，故堰绝之，分灌高田。今曰干沟，数里间往来取水，犹为沃壤。

## 洪口堰

旧志：在仲山南。其水即白公渠发源处。

## 郑白渠

《史记·河渠书》：水工郑国，凿泾水自中山，西邸瓠口为渠。《正义》曰《括地志》云：渠首起云阳县西南二十五里。今枯也。《沟洫志》：太始二年，赵中大夫白公复奏穿渠，引泾水起谷口。颜师古曰：谷口即云阳冶谷是。《新唐书·地理志》：云阳有古郑白渠。《长安志》云阳县：郑国渠、大白渠自西南四十里泾阳县界取泾河水，洪门、六门、三门来，经县入三原县界，溉民田。

## 六辅渠

《史记·沟洫》：在元鼎六年，兒宽奏请穿凿六辅渠。《元和郡县志》：初，郑国分泾水置郑渠，后兒宽又穿六辅渠。今此县与三原界六道小渠，犹有存者。谨按：秦始皇元年韩闻秦好兴事，欲疲之。乃使水工郑国间说，令凿泾水自仲山西瓠口为渠，东注洛三百馀里，欲以溉田。中作而觉，秦欲杀国。国曰：始臣为间，然渠成亦秦之利。秦以为然，卒使就渠。渠成，注填淤之水，溉泽卤之地四万余顷，收皆亩一钟。于是关中为沃野，无凶年。秦以富强，卒并诸侯，命为郑国渠。后至汉武帝元鼎六年，一百三十六岁。兒宽为左内史，又奏请穿六辅渠，以益溉郑渠旁高仰之田。后十六岁，赵中大夫白公又奏穿泾水注渭中，溉田四千馀顷，人得其饶而歌之。大唐永徽六年，雍州长史长孙祥奏言：往日郑白渠溉田四万馀顷，今为富僧大贾，竞造碾硃，止溉一万馀顷。于是高宗令分检渠上碾硃，皆毁撤之。未几，所毁皆复。广德二年，臣吉甫先臣文献公

为工部侍郎<sup>①</sup>，复陈其弊。代宗亦命先臣拆去私碾碓七十余所。岁余，先臣出牧常州，私制如初。至大历中，利所及才六千二百馀顷。《长安志》：云阳县有六辅渠。

### 冶谷诸渠

《长安图说》诸渠云：至元十一年九月初三日，准奉大司农司札付呈准中书省札付，先后讲究定条划使水法度内一款节文：自古以来，清、冶、浊谷、石川、金定、薄台等水，并耀州、三原、富平，邠州管下淳化县行流河水，俱系灌田禾，于民久利之事。并令河渠司管属，听受节制。每渠设渠直、渠长一名。依泾水利请给申破水直。又云：云阳北境高印，泾水不及。今引冶谷水西北淳化界来，分为七渠，以溉近山之地。亮吉按：以上诸渠，俱起淳化县界，故备录之。

<sup>①</sup> 这里指李栖筠。他是《元和郡县志》编者李吉甫的父亲，死后谥文献公。吉甫因称其亡父为先臣。

## 淳化县志卷五

## 大事记第三

## 秦

《史记·秦始皇本纪》:三十五年,除道,道九原,抵云阳。

徙五万家于云阳,复不事十岁。

亮吉按:程大昌《雍录》以甘泉名宫者三:秦甘泉在渭南;汉甘泉在云阳磨石岭上,隋甘泉在鄠县。旧县志作年表,误合秦汉甘泉宫为一,故始皇本纪二十七年作甘泉宫前殿等皆录入。今不取。

颜师古《汉书》注:秦二世造林光宫。

## 汉

《汉书·文帝纪》:三年五月,匈奴人居北地河南为寇,上幸甘泉。上自甘泉至高奴。

十年冬,行幸甘泉。

《匈奴传》:孝文十四年,匈奴单于十四万骑入朝那、萧关,杀北地都尉卯,虏臣民畜产甚多。遂至彭阳,使骑兵入烧回中宫,候骑至雍甘泉。颜师古注:甘泉在云阳,本秦林光宫。

《武帝纪》:元朔四年冬,行幸甘泉。

元鼎五年十一月辛巳朔旦冬至,立泰畤于甘泉。天子亲郊,见朝日夕月。

元封元年冬十月,行自云阳,北历上郡、西河、五原,出长城。还祠黄帝于桥山,乃归甘泉。

自辽西历北边九原,归于甘泉。

二年作甘泉宫通天台。六月,诏曰:甘泉宫内中产芝,九茎连叶。上帝博临,不异下房,赐朕宏休。其赦天下,赐云阳都百户牛酒。作《芝房之歌》。

五年夏四月，还幸甘泉，郊泰畤。

太初元年春，还，受计于甘泉。

天汉元年春正月，行幸甘泉，效泰畤。

四年春正月，朝诸侯王于甘泉宫。

太始元年春正月，徙郡国吏民豪杰于茂陵、云陵。《注》师古曰：此当言云阳，而传写者误为陵耳。茂陵帝自所起，而云阳甘泉所居，故总使徙豪杰也。

三年，行幸甘泉宫，飡外国客。

征和二年夏，行幸甘泉。

后元元年春正月，行幸甘泉，郊泰畤。

二年春正月，朝诸侯王于甘泉宫。

《郊祀志》：（元狩五年），天子病鼎湖甚，巫医无所不致。游水发根言上郡有巫，病而鬼下之。上召置祠之甘泉。（元鼎四年）六月，汾阴巫锦为民祠魏睢后土营旁，见地如钩状，掇视得鼎。鼎大异于众鼎，文镂无款识，怪之，言吏。吏告河东太守胜，胜以闻。天子使验问巫得鼎无奸诈，乃以礼祠，迎鼎至甘泉宫，从上行，荐之。（元封二年）甘泉则作益寿、延寿馆，使卿持节设具而候神人。乃作通天台，置祠具其下，将招来神仙之属。于是甘泉宫更作前殿，始广诸宫室。夏，有芝生甘泉殿房内中。上还以柏梁灾故。（太初元年）受计甘泉。公孙卿曰：黄帝就青灵台，十二日烧，黄帝乃治明庭。明庭，甘泉也。方方多言古帝王有都甘泉。其后天子又朝诸侯甘泉，甘泉诸侯邸。震电灾林光宫门。

《礼乐志》：武帝祠太一于甘泉，就乾位也。正月上辛，用事甘泉圜邱。昏祠至明，夜有神光集祠坛，天子自竹宫望拜。

《武五子传》：征和二年夏，上避暑甘泉宫。

《昭帝纪》：武帝后元二年，追遵赵婕妤为皇太后，起云陵。《注》文颖曰：婕妤先葬于云阳，是以就云阳为起云陵。

始元元年夏，为太后起原庙云陵。

三年秋，募民徙云陵，赐钱、田宅。

四年夏六月，徙三辅富人云陵，赐钱，户十万。

《宣帝纪》：元康四年，神爵集甘泉泰畤殿中。

神爵元年春正月,行幸甘泉,郊泰畤。

五凤元年春正月,行幸甘泉,郊泰畤。

三年春正月,行幸甘泉,郊泰畤。上自甘泉宿池阳宫。

黄龙元年春正月,行幸甘泉,郊泰畤。匈奴呼韩邪单于来朝,礼赐如初。

《匈奴传》:甘露三年正月,朝天子于甘泉宫。

元帝初元二年春正月,行幸甘泉,郊泰畤。赐云阳民爵一级,女子百户牛酒。

三年六月,罢甘泉、建章宫卫,令就农。

四年春正月,行幸甘泉,郊泰畤。

永光元年春正月,行幸甘泉,郊泰畤。赦云阳徒,赐民爵一级,女子百户牛酒,高年帛。

五年春正月,行幸甘泉,郊泰畤。

建昭二年春正月,行幸甘泉,郊泰畤。

《郊祀志》:元帝即位遵旧仪,间岁正月一幸甘泉,郊泰畤。

成帝建始元年十二月,作长安南北郊,罢甘泉,汾阴祠。是日大风拔甘泉畤中大木十围以上。

鸿嘉二年春,幸云阳。

永始三年冬十月,皇太后诏有司,复作甘泉泰畤、汾阴后土、雍五畤、陈仓陈宝祠。

四年春正月,行幸甘泉,郊泰畤。

绥和二年春正月,行幸甘泉,郊泰畤。

《郊祀志》:成帝初即位,丞相衡、御史大夫谭奏言:往者孝武皇帝居甘泉宫,即于云阳立泰畤,祭于宫南。今行常幸长安,郊见皇天反北之泰阴,祠后土反东之少阳,事与古制殊。又至云阳,行溪谷中,阨狭且百里,汾阴则渡大川,有风波舟楫之危,皆非圣主所宜数乘。奏可。明年,匡衡坐事免官爵,众庶多言不当变动祭祀者。又,初罢甘泉泰畤作南郊日,大风坏甘泉竹宫,折拔畤中树木十围以上百馀。天子异之,以问刘向。刘向对曰:家人尚不欲绝种祠,况于国之神宝旧畤!且甘泉、汾阴及雍五畤始立,皆有神祇感应,然后营之,非苟

而已也。后上以无继嗣故，令太后诏有司复甘泉泰畤、汾阴后土如故。天子复亲郊，礼如初。

成帝末年，谷永说上书云：乃三月甲子，震电灾林光宫门。成帝崩，皇太后诏有司曰：皇帝即位，思顺天心，遵经义，定郊礼，天下说喜。惧未有皇孙，故复甘泉泰畤、汾阴后土，庶几获福。皇帝恨难之，卒未得其祐。其复南北郊长安如故，以顺皇帝之意也。

哀帝三年冬十一月，复甘泉泰畤，汾阴后土畤，罢南北郊。

《郊祀志》：哀帝即位，寝疾。复令太皇太后诏有司曰：皇帝孝顺，奉承圣业，靡有怠意，而久疾未瘳。夙夜惟思，殆继体之君，不宜改作，其复甘泉泰畤、汾阴后土祠如故。上亦不能亲至，遣有司行事而礼祠焉。

平帝元始二年，谕说江湖贼成重等二百余人皆自出，送家在所收事。重徙云阳，赐公田宅。

《郊祀志》：平帝元始五年，大司马王莽等奏：徙甘泉泰畤、汾阴后土皆复于南北郊。奏可。

## 后汉

《续汉书·五行志》：桓帝延熹元年七月乙巳，云阳地震。

## 后魏

《魏书·刘芳传》：云阳伯郑演，荥阳人。显祖初，内附入朝，以功除洛阳侯，后改爵云阳伯。卒，谥曰懿。子长猷袭爵，永平五年卒，谥曰贞侯。子廓袭，卒，子元休袭。齐受禅，爵例降。魏有阉臣传白整，太和末为大长秋，赐爵云阳男。亮吉按：《路史·国名记》云阳，上古帝王之世国。《通志》录之。今考《路史》所列国名，大率难据，今不取。又，县邑建省，《土地记》已详，此不更录。旧志又于年表载苻坚置三原护军等事。考《晋书·载记》：苻秦于池阳置三原护军，与云阳无干，今亦削之。

## 后周

《周书·太祖纪》：魏恭帝三年九月，太祖有疾，还至云阳。十月乙亥，崩于云阳宫。《尉迟纲传》：尝从太祖北狩云阳，值五鹿俱起，纲获其三。贺若敦尝从太祖校猎于甘泉宫。时围人不齐，兽多逃匿。太祖大怒，人皆股战。围内惟

有一鹿，俄亦突围走。敦跃马驰之，鹿上东山，敦弃马步逐至山半，便掣之而下。太祖大悦，将亦得免责。

《周书·武帝纪》：建德三年二月乙卯，行幸云阳宫。三月辛酉至是云阳宫。秋七月庚申，行幸云阳宫。戊子至是云阳宫。

四年秋七月（旧志作八月，误）丙辰，行幸云阳宫。丁卯至是云阳宫。

五年六月丁巳，行幸云阳宫。八月乙卯，至是云阳宫。

六年五月癸卯，行幸云阳宫。六月丁未至是云阳宫。

宣政元年五月癸巳，帝不豫，止于云阳宫。六月丁酉，帝疾甚还京。亮吉按：帝纪之例，行幸必书。今考《周书·武帝纪》，凡幸云阳者六。《北史》惟书建德三年七月行幸云阳，余皆不书，盖延寿之略也。旧志又以宣政元年一条为周宣帝时，更不足辨。

《宣帝纪》：大象二年四月壬午，幸中山祈雨。至咸阳宫，雨降。

## 唐

《唐书·五行志》：太宗贞观十三年六月，云阳石自燃，投草木，皆焚。

《资治通鉴》：唐太宗贞观二十年八月，铁勒十一姓入贡。壬申，上幸汉故甘泉宫。

《唐书·王仁皎传》：中宗景龙中，仁皎以将帅举授甘泉府果毅，迁右卫郎将。亮吉按：此则甘泉亦唐府兵之一，故录入大事记。

《唐书·代宗纪》：永泰元年，诏李光进屯云阳。

《唐书·武宗纪》：会昌四年十一月，猎于云阳。

《唐书·宣宗纪》：大中四年，以郑光孝为平庐节度使，徙河中凤翔。又赐鄠、云阳二县良田，诏除其租。

《唐书·昭宗纪》：乾宁二年，制削王行瑜官爵，以李克用为招讨使讨之。以并帅讨邠宁，驻军梨园寨，败邠宁军于梨北。行瑜走入邠州。

## 后唐

《五代史》：庄宗同光元年，以云阳县隶顺义军。

## 宋

李焘《长编》：太宗太平兴国二年，以云阳县隶感德军。

淳化四年，以金龟等六乡建为县。

明

《明史·五行志》：嘉靖三十七年闰七月，淳化雨雹云。

万历四十四年夏六月，大雨五六日。泾阳口子镇有羊化为龙，横截谷水，推激大石如雷声，两岸山俱动，直抵云阳，漂没七十余村。

---

校勘记：

汉武帝元封二年纪事有错句。将秦林光宫与宣帝许皇后事错置于此，疑为印刷装订之误。现据《汉书·武帝纪》和《三辅黄图》所记，予以更正。

“成帝末年，谷永说上书云”后，似有漏句。据《汉书·郊祀志》“乃三月甲子，震电灾林光宫门”，不是谷永说所云，而是此后杜邺上给王商的说词。



## 淳化县志卷六

## 道里记第四

## 秦道里

《三辅黄图》：秦林光宫仙人观。缘山谷行至云阳三百八十里入右扶风，周回五百四十里。《括地志》：秦之林光宫，汉之甘泉，在雍州云阳西北八十里。

## 汉道里

《汉旧仪》：通天台去长安三百里，望见长安城。《汉官仪》注同。《玉海》云《关辅记》：甘泉宫周十九里，去长安三百里。《括地志》：云阳城在雍州云阳县西八十里。

## 唐道里

《元和郡县志》：京兆府，东至东都八百三十五里，东至华州一百八十里，东南至商州二百六十五里，南取库谷路至金州六百八十里，西南至洋州六百三十里，正西微北至凤翔三百一十里，西北至邠州三百里，东北至坊州一百五十里，正东微北至同州二百五十里。云阳县西南至府一百二十里。汉云阳故县在县西北八十里。

## 宋道里

《太平寰宇记》：云阳属耀州。州正东偏南至东京一千二百里，正东偏南至西京一百六十里，东至同州一百八十里，西至邠州三水县界一百二十里，南至永丰军一百六十里，北至坊州一百八十里，东至华州一百八十里，西南至永兴军泾阳县界六十七里，东北至坊州宜君县界八十三里，西北至邠州一百八十里。云阳县东州西南七十里。《长安志》：县境东西七十里，南北一百二十里。西南至京兆府一百二十里。

### 明道里

《明史·地理志》：邠州东南距府三百五十里。淳化县在州东南。明万历中《邠州志》：州东南至西安府，正南凤翔府，正西至平凉府，北至庆阳府，俱三百五十里。东至泾阳县二百八十里，东南至永寿县七十里，南至麟游县一百二十里，西南至灵台县一百二十里，西至涇州一百八十里，西北至宁州一百四十里，北至真宁县八十里，东北至宜君县一百六十里。淳化县西北至邠州一百四十里。

### 国朝道里

《陕西通志》：邠州治在布政司西北三百二十里。淳化县在州东少南一百四十里。东至耀州界四十里，西至本州界四十五里，南至醴泉县界四十里，北至三水县界四十五里，东南至泾阳县界四十里，西南至南庄村醴泉县界五十里，东北至孟侯村耀州界四十五里，西北至二十里原三水县界四十里。距省一百六十里，编户六里。东至耀州治九十里，西至本州治一百四十里，南至醴泉县治一百二十里，北至三水县治一百里，东南至泾阳县治九十里。

## 淳化县志卷七

### 户口记第五

#### 秦徙云阳五万家

《史记·秦始皇本纪》:三十五年,徙五万家云阳,复不事十岁。

#### 汉云陵徙户

《汉书·昭帝纪》:始元四年夏六月,徙三辅富人云陵。赐钱,户十万。

《外戚传》:云陵邑,三千户。

#### 明淳化户口

明州志:淳化县,户二千五百四十八,口三万三千一百五十三。

#### 国朝淳化门丁

旧志:原额三门九则不等,共折下下门九千八百三丁。每丁征银一钱二分六厘九毫四丝四忽九微。除优免三百八十五丁,实行差九千四百一十七丁。顺治七年九月,督抚汇题奉旨豁免逃亡六千五百三十六丁。又节年审,除去绝丁一千一百二十八丁外,招回并审出五百二十五丁。通计实在下下门丁二千二百四十八丁。《陕西通志》:雍正五年,以粮载丁,共均丁银一千九十五两八钱九分八厘二毫三丝二忽八微七纤七尘五渺。又,永不加赋丁二十丁。

## 淳化县志卷八

### 风土记第六

#### 士农

旧志科目,不及诸大邑。然士多苦志,笃于诵读。长吏之庭,无茂才投谒。僧寮道宇,皆设蒙塾。农务耕耘,勤力作,即列子衿,恒操耒耜。所患饥寒,往往轻去其乡,未能概劝以开垦之利。

#### 工商

旧志:朴斫塗茨,率皆粗率,无淫巧粉饰之习。商旅不通,亦鲜资本逐末贸易。

#### 妇女

旧志:虽纺绩亦疎,而闺范严谨,街衢间平日无行踪。娼妓久经驱逐,尤为前人善政。

#### 僧道

旧志:寺观寥寥,闾邑止二三人。游方亦绝不至。

#### 屋宇

旧志:绳枢圭窞,比户类然。山崖间大都穴居。

#### 饮食

旧志:饭惟菽粟,尤以麦为常。饮祇淡醪,即鸡豚多畜,宰烹亦鲜。

#### 服饰

旧志:男妇贵贱,皆布素,绝不见绮纨纱縠之饰。故城无质库,过者知为积贫。

#### 婚嫁

旧志:婚礼简易。城中无肩輿,无鼓吹音乐,更喜无优人。惟赛神招自邻县,则间行之。

#### 丧葬

旧志:举殡引柩之礼久绝,盖习俗为常。非如通都,以偷丧貽笑。惟寒食

焚衣,子孙拜扫,其葬穴多在岭崖。妇女亦遵行不废。

### 宴会

旧志:户鲜百金之产,故流连燕饮之习绝稀。间行吉礼,以饔飧为供,亲朋分食之。芦酒亦名咂嘛,注水为汁,用筒各吸至味尽乃止。朋酒羔羊,犹觉古豳风之侈也。

### 五谷

旧志:麦为上粟,次之菽与荞麦;又次之,欲得稻米,必购自他邑,民鲜知味者。

### 菜蔬

旧志:葱、蒜、韭、芥、菠、蒿、蔓菁、莴苣、茄子、芦菔、瓠卢,其种颇饶。冬菜大而嫩,藏窖中,经春不坏。

### 瓜果

旧志:枣、栗、榛、柿、桃、李、梨、杏、石榴、核桃诸类俱有,黄瓜、冬瓜、甜瓜俱自地产。七八月西瓜有大如斗者。

### 花木

旧志:牡丹、芍药为冠,秋菊多品。桃、李、梨、杏外,莺粟、蔷薇、长春蛺蝶、虞美人、紫茉莉、月季花亦楚楚争胜。俗呼葵为大叶花,一种黄如盘,曰向日葵,又名固本花。惟梅则邻邑植之,此地绝少。其梧桐、榆、槐、椿,多历年久。竟未见苍松。惜桑亦间有,而执筐之业久废。

### 羽毛

旧志:鹅、鸭、鸡、雉,皆供食外,如鸦、鸠、鹰、鹞。独雀多鹊少,燕亦稀至。民以驴骡为生产,牛、羊、猪、犬、鹿、兔不乏。间有获狼虎者,远山丛林弋而取之。

### 药品

旧志:柴胡、苍术、防风、黄芩、麻黄、牵牛、白蒺藜、车前子大都产山谷中。虽小茴香遍地皆生,故为贱种。州志:县有枸杞,今则必取自他郡。其他药味颇多,类仍州志所载,以存其概。

## 淳化县志卷九

### 祠庙记第七

#### 黄帝圜邱

《汉仪注》：甘泉，黄帝已来圜邱祭天处。《陕西通志》：圜邱在甘泉山下，黄帝祭天处也。

#### 汉泰畤

已见上。《陕西通志》：泰畤在甘泉山下，汉元鼎五年立。

#### 汉休屠金人祠

《汉书·地理志》：云阳有休屠金人及径路神祠三所。《音义》曰：匈奴祭天处，本云阳甘泉山下。秦夺其地，后徙休屠右地。师古注：汉武帝得休屠祭天金人，祠诸甘泉，以为天神主。

#### 汉径路神祠

已见上。《长安志》：径路神祠在甘泉山下。

#### 汉越巫媯鄴祠

《汉书·地理志》：云阳有越媯鄴祠三所。孟康曰：媯音辜磔之辜，越人祠也。鄴音襁。亮吉按：今本汉书媯作媯，误。今改正。

#### 汉武帝庙

《太平寰宇记》：云阳县汉武帝庙，在县西北一百里。《通志》：庙在淳化县北四十里。旧志：在县北三十里。

#### 唐振锡寺

《长安志》：云阳县振锡寺，在县北一十五里嵯峨山上，唐元和七年置。

#### 唐寿峰寺

旧《陕西通志》：在县北一里，唐大中五年建。明《一统志》：在县治北。旧志：明万历中，僧书法华经刻石立幢。国朝顺治七年知县赵宾、康熙三十八年

知县佟世禄重修。

#### 唐柏林寺

《陕西通志》：唐人郎士元有柏林寺诗。旧志：在县北五十里。亮吉按：《通志》云在县北五里，盖误。

#### 唐佛图塔

旧志：在县南门内，浮图七级，系唐时建造。明崇正中，知县赵之琴重修。邑人罗大缙记刻石甃其旁，今已渐圯。

#### 宋崔府君祠

旧志：县有宋所建崔府君祠，金大定中改为东岳庙。

#### 金东岳庙

《陕西通志》：在县北门外二里高冈上。旧为崔府君祠，金大定中改建。明代累修，邑人关邦镇、罗宏诰、贾克忠有记。国朝乾隆四十二年，知县万廷树捐俸重修献殿三间，正殿三间，寝殿三间，东西廊房十六间。

#### 西岳庙

旧志：在县西南二里。国朝乾隆二十八年，邑人王运隆、王永清重修。

#### 元大德中公子扶苏庙

旧志：在县西北十五里。旧传元大德中修复。国朝顺治初年，邑人张志炜修；康熙十年张凤翼重修。邑人宋振麟有记。

#### 明城隍庙

旧志：在县治北。明嘉靖三年，署县事县丞毕经移建；隆庆初，邑人罗中夫同众修；万历八年重修，三十六年增飨殿，四十二年增石栏。邑人罗廷绣、廷绅、贾克忠各有碑记。国朝顺治十二年，知县张邦佐重修；乾隆四十六年，知县万廷树捐俸重修寝室、正殿各五间，献殿三间，廊房十六间，又新建乐楼三楹。

#### 八蜡庙

旧志：在南门外。明隆庆七年，署县事童思善以废养济院改建。国朝康熙二十五年，知县张纶重修。

#### 关帝庙

旧志：在县治西南。明天启四年，邑人贾克忠等修。崇正十五年重修，山东司郎中杨国柱碑记。后三义殿，万历三十五年增建，邑人郗应芳碑记。崇正

中重修,知县杨泰贞碑记。乾隆十八年,把总朱富荣重修。

### 文昌阁

旧志:在城东南角,因山为台而立。明万历中,知县欧阳煖以山城形胜,巽位卑逊,创建以补风脉。有碑记仆地,文断灭莫辨。国朝顺治十二年,知县张邦佐重修。

### 龙王庙

旧志:在仲山洪堰旁,以铁为瓦,俗呼铁瓦殿。

### 公刘庙

旧志:在县西五十里。

### 汉薄太后庙

旧志:在县东四十里。明正德中,里人寇琪、谈敏修复。国朝康熙七年,里人重修,邑人宋振麟有记。

### 汉博陆侯霍光庙

旧志:在县西南五里,地名车坞。

### 唐汾阳郭子仪庙

旧志:在县南八里齐池村。

### 娘娘庙

《通志》:在县西二十里泾水上。俗传偶来一闺女,坐化于此,因塑像立庙。山麓有小湫,每岁旱,远近争取水祷雨,奉祀为神。旧志同。亮吉按:已上祠庙,皆明《州志》及明旧《通志》所有,故列入明代。

### 国朝四公生祠

旧志:在县治西南。康熙八年,县耆士为总督山陕都御史莫公、巡抚陕西都御史白公、布政司阿公、按察司穆公建。有邑人贾我琪万民戴德碑记。

### 赵公生祠

旧志:在县治西北。康熙三年,合县士庶为知县赵宾建。有碑记。

### 文公生祠

旧志:在县治西南。康熙八年,合县士庶为知县文秉濂建,近已圯废;四十年,知县张如锦别设木主,同供赵公祠中,题曰赵、文二公合祠。有记。



### 朱公生祠

旧志：在县治东北。康熙三十三年，邑人为知县朱廷铉建。有碑记。

### 六烈女

旧志：在县治东。康熙四十年四月，知县张如锦为罗氏一门五烈、葛氏十三岁烈女捐俸创建。有记。

### 风云雷雨山川坛

县册：在南门外。

### 社稷坛

旧志：在北门外。

### 县厉坛

旧志：在北门外。

### 云寂寺

旧志：在县西南十里。

### 广延寺

旧志：在县北四十里。

### 金轮寺

旧志：在县南三十五里。寺已废，惟佛像及一钟尚存。

### 准提庵

旧志：在县治北。顺治十三年，县人贾我琳创建。

### 保真观

旧志：在南门外。顺治十二年，知县张邦佐重修。

### 真武殿

旧志：在北门外。

### 老君庵

旧志：在县西二十里。

## 淳化县志卷十

### 冢墓记第八

#### 上古少昊陵

《遁甲开山图》：帝少昊葬云阳。《陕西通志》：少昊金天氏，葬云阳。旧志：县有少昊陵。亮吉按：诸家地志，自元以前均不载有少昊陵及所在，至金始祭少昊陵于兖州。今考刘恕《外纪》注云：云阳，山名，在曲阜县，盖金祀典所据也。然《路史》少昊葬云阳，注又云：在茶陵之露水乡攸县界，故今《茶陵县志》亦载有少昊陵。古事传疑，不获一定，必据彼驳此，又非事理。今姑从旧志及通志等存之。又，《汉书·郊祀志》及诸地志咸云：云阳甘泉，古帝王之所常都。晋灼云：云阳甘泉，黄帝以来祭天圜邱之处。必求其说，则较诸陵茶荒渺，反觉可稽。但疑者传疑，圣人所尚。过为论证，又恐启路泌诸人臆造之习，无益地志也。

#### 汉钩弋夫人陵

《汉书》：钩弋赵婕妤，昭帝母也。从幸甘泉，有过见谴。以忧死，因葬云阳。昭帝即位，追尊为皇太后。发卒二万人起云陵，邑三千户。《史记·外戚世家》：夫人死云阳宫，暴风扬尘，百姓感伤。使者夜持棺往葬之，封识其处。《史记正义》引《括地志》云：云阳陵，钩弋夫人陵也，在云阳西北五十八里。颜师古《汉书》注：云陵在甘泉宫南，今土人呼为女陵。干宝《搜神记》：初，钩弋夫人遭死。既殡，尸不臭而香闻十馀里，因葬云阳。上哀悼之，又疑其非常人，乃发冢开视，棺空无尸，惟丝履存焉。《太平寰宇记》：汉武帝钩弋赵婕妤，昭帝母也。昭帝即位，追尊为皇太后。发卒二万人大起云陵，邑三千户。《列仙传》：钩弋夫人，齐人，姓赵。少好酒，病卧六年，右手拳，饮食少。望气者云：东北有贵人。推而得之，召到，姿色甚佳。武帝披其手，得玉钩而手寻展，遂生昭

帝。后武帝害之，及殡，尸香一月。昭帝即位，更葬之，棺空但有采履。《云阳记》：钩弋夫人从至甘泉而卒，尸香闻十里馀，葬云阳。武帝思之，为起通灵台于甘泉宫。有一青鸟集台上，往来至宣帝时乃止。《长安志》：汉昭帝赵太后云陵，在故云阳县南。《三秦记》曰：钩弋夫人居甘泉宫，遂即葬之，名曰思合墓。《陕西通志》：在县北三十里，即云陵。旧志：昭帝发卒二万筑陵，号云陵。自汉始元迄今一千七百六十馀年，遗冢巍然，俗呼大圪塔。

#### 唐杨员外郎令一墓

张说《杨令一墓碑》：令一，仙掌人。十九举进士。高第大中大夫、检校天官员外郎。圣历元年六月卒，粤乙卯，假葬于合宫县平乐乡之北阜，郭门十里邛山西。冈峦万古之阡，都邑九重之地。隧寄新垅，魂怀故城。亮吉按：杨冢，《通志》及旧志俱无考。

#### 明罗御史廷绣墓

《通志》：在县北十三里。旧志同。

#### 明罗知府奎墓

《通志》：在县北十五里。旧志同。

#### 国朝韩游击玺圣墓

《通志》：在县北三十里。玺圣，郟阳守备，康熙十七年，勦竹房贼死节，赠游击。旧志同。

## 淳化县志卷十一

### 宫殿簿第九

#### 黄帝明庭

《汉书·郊祀志》：黄帝接万灵明庭。明庭者，甘泉也。《注》服虔曰：黄帝升仙之处也。又公孙卿曰：黄帝乃治明庭。明庭，甘泉也。

#### 秦林光宫

《文选》注云《汉宫阙疏》曰：甘泉林光宫，秦时二世所造也。颜师古《汉书》注：秦二世造林光宫。又云，林光宫纵广各五里，汉又于其旁起甘泉宫。又云林光，秦离宫名也。《三辅黄图》：林光宫纵广各五里，在云阳县界。《长安志》云，《汉宫殿疏》曰：甘泉林光宫，秦二世造。又云，《关中记》曰：林光宫亦曰甘泉宫，秦所造。在今池阳县西北故甘泉县甘泉山上，周回十余里。汉武帝建元中增广之，周回十九里一百二十步。有宫十二，台十一。武帝尝以五月避暑于此，八月乃还。程大昌《雍录》：秦之林光，至汉犹存。元封二年始，即磨盘岭山秦宫之侧为宫，是为汉甘泉。孟康曰：甘泉亦名林光。师古曰：汉于林光旁起宫，非一名也。文、景皆幸甘泉，不曰有宫，当是秦林光尚可用也。武帝虽别创一宫，而林光如故。

#### 长定宫

《三辅黄图》：林光宫有长定宫。《汉书·外戚传》：宣帝许皇后、成帝许皇后并居长定宫。

#### 仙人观

《三辅黄图》：秦林光宫仙人观，缘山谷行至云阳三百八十里入右扶风，周回五百四十里。亮吉按：此条《长安志》两引之，并作三百八十里，与徐坚《初学记》微异。

## 汉甘泉宫

《三辅黄图》：甘泉宫，一曰云阳宫。《汉书·文帝纪》：三年五月，上幸甘泉。《注》臣瓚曰：甘泉，山名。应劭曰：甘泉在冯翊云阳县。师古曰：甘泉在云阳，本秦林光宫。晋灼曰：云阳甘泉，黄帝以来祭天圜邱之处也。《郊祀志》：建元三年，武帝因齐人李少翁言，作甘泉宫。中为台室，画天地、太乙、诸鬼神，而置祭具以致天神。元鼎四年夏六月得鼎。公孙卿曰：黄帝接万灵明庭。明庭者，甘泉也。方士多言古帝王有都甘泉者。其后，天子又朝诸侯甘泉。《金日磾传》：磾母诏图画于甘泉宫。《外戚传》：图画李夫人于甘泉宫。司马彪《续汉书·舆服志》：大驾。公卿奉引，大将军骖乘。属车八十一乘，备千乘万骑，西都行祀天，郊甘泉。备之官有其注，名曰甘泉卤簿。《史记正义》云，《括地志》曰：秦之林光宫，汉之甘泉宫，在雍州云阳西北八十里。《魏书·地形志》：云阳有云阳宫。《元和郡县志》：云阳宫即秦之林光宫，汉之甘泉宫。在云阳县西北八十里甘泉山上，周回十余里，去长安三百里，望见长安城。黄帝以来祭天圜邱处也。汉武帝以五月避暑于此，八月乃还。《太平寰宇记》云，《关中记》曰：林光宫亦曰甘泉宫，秦所造。在今池阳县之西北故甘泉山上，周回十余里。《三辅黄图》云：甘泉宫，汉武帝建元中增广之，周十九里。《汉仪注》曰：甘泉宫去长安二百里，望见长安城。《开山图》曰：云阳，先王之墟也，中有神书铁券玉石之记。《长安志》云，《关中记》曰：甘泉宫有铜人二，在门外。余与《太平寰宇记》同。亮吉按：王应麟《玉海》称《关辅记》，今考与乐史、宋敏求所据《关中记》文同，疑属一书也。

## 甘泉苑

《三辅黄图》：武帝置甘泉苑，缘山谷行至云阳三百八十里入右扶风，周五百四十里。旧志：甘泉苑在县北车盘岭。汉时上林苑在南，甘泉苑在北，皆秦苑，汉修广之，所包地甚广，其名则专主耳。

## 甘泉谷

《长安志》云，《十道志》曰：今按甘泉谷北岸有古槐树，在故宫之南。《云阳宫记》曰：甘泉宫北有槐树，今谓之玉槐树。根干盘峙，三二百年木也。耆旧相传，咸以为此树即扬雄《甘泉赋》所谓玉树青葱者也。

### 前殿

《汉官仪注》：武帝于甘泉宫更置前殿，始广诸宫室，有芝产甘泉殿边房中。《汉旧仪》：芝有九茎，金色绿叶朱实，夜有光，乃作《芝房之歌》。《玉海》云，《三辅黄图》：甘泉宫亦曰云阳宫。《史记》始皇二十七年，作甘泉宫及前殿，筑甬道，自咸阳属。

### 紫殿

《三辅黄图》：武帝起紫殿，雕文刻、赧<sup>①</sup>黼黻，以玉饰之。成帝永始四年，行幸甘泉，郊泰畤，神光降于紫殿。《西京杂记》：武帝设云帐、云幄、云幕于甘泉紫殿，世谓之三云殿。

### 灵波殿

《述异记》：甘泉宫南昆明池中有灵波殿七间，皆以桂为柱，风来自香。

### 应门

《甘泉赋》注晋灼曰：应门，正在燹阙之内也。

### 通天台

《汉书·武帝纪》：元封二年夏四月，至瓠子，临决河。还作甘泉宫通天台（《史记》作通茎台）。师古曰：言此台高，上通于天。《郊祀志》公孙卿曰：仙人好楼居，于是上令长安则作飞廉、桂馆，甘泉则作益寿、延寿馆。使卿持节设具而侯神人，乃作通天台。《汉旧仪》：通天台高三十丈，去长安三百里，望见长安城。《汉仪注》：上有承露仙人掌，擎玉杯承云表之露。元凤间台自毁，榱桷皆化为龙凤，随风雨飞去。《汉武故事》：筑通天台，去地百余丈，望云雨悉在其下，去长安三百里，望见长安城。黄帝以来祭天闾邱处。武帝祭太乙，上通天台。舞八岁童女三百人，置祠祀招仙人祭太乙，会人升通天台以侯天神。天神既下祭所，若大流星。乃举烽火而就竹宫望拜。《王温舒传》：上欲作通天台，复中尉脱卒，得数万人作。上说，拜为少府。《西域传》赞：营千门万户之宫，立神明通天之台。《括志志》：云阳宫有通天台。《元和郡县志》：通天台在云阳县西北八十一里甘泉宫中，高三十五丈，望雷而雨在下。《上林赋》：置酒乎

<sup>①</sup> 赧：错的俗字。倩(qiāng)，意同“精”。

颢天之台。《注》张揖曰：台高上于颢天也。旧志：通天台，今遗址犹存，高二十余丈。又云，按《关中记》：左右通天台，则是双台对峙。通灵台不在此列，故《西都赋》又云：抗仙掌以承露，擢双立之金茎也。

### 侯神台

《三辅黄图》：通天台亦曰侯神台，又曰望仙台。

### 望仙台

见上。

### 通灵台

《汉武帝内传》：钩弋夫人既殡，香闻十余里。帝哀悼，疑其非常人也，乃起通灵台于甘泉，常有一青鸟集台上。《太平寰宇记》云，《云阳宫记》曰：钩弋夫人从至甘泉而卒，尸香闻十里馀。葬云阳，武帝思之，为起通灵台于甘泉宫。有一青鸟集台上，往来至宣帝时乃止。

### 腾光台

《洞冥记》：武帝建元二年，起腾光台以望四远。常有飞光如星，集于台上，亦曰经星台。集方士说仙事。

### 招仙台

《洞冥记》：又起招仙之台于明庭宫（原注：即甘泉宫别名），于台上撞碧玉钟。

### 望风台

《洞冥记》：太初二年，起甘泉宫望风台。

### 竹宫

《汉书·郊祀志》：成帝初置甘泉泰畤作南郊日，大风坏甘泉竹宫。《礼乐志》：武帝祀太一于甘泉，就乾位也。正月上辛，用事甘泉圜邱，昏祠至明。夜有神光集祠坛，天子自竹宫望拜。《注》韦昭曰：以竹为宫，天子居中。《汉旧仪》：竹宫去坛三里。

### 高光宫

《玉海》云，《关辅记》：甘泉有高光宫。

### 洪崖宫

《长安志》：甘泉宫有洪崖宫。《汉甘泉宫记》：近有洪崖旁皇。

### 弩陔宫<sup>①</sup>

《长安志》：甘泉宫有弩陔宫。《汉甘泉宫记》：储胥弩陔。

### 棠梨宫

《汉书》注师古曰：棠梨宫在甘泉苑垣外。张揖曰：棠梨宫在云阳东南三十里。《玉海》云《关辅记》：甘泉苑南有棠梨宫。

### 师得宫

《汉书》注：师得宫在云阳界。其余皆甘泉苑垣内之宫。《汉甘泉宫记》：棠梨、师得接于外。

### 寿宫

《汉书·郊祀志》：武帝病愈，起，幸甘泉，置寿宫。《注》臣瓚曰：寿宫，奉神之宫也。

### 北宫

《汉书·郊祀志》：又置寿宫、北宫。张羽旗，设供具，以礼神君。

### 增成宫

《三辅黄图》：增成宫在甘泉宫垣内。

### 走狗宫

《史记》：甘泉又有增成、走狗、天梯、瑶台等。亮吉按：《黄图》有增成宫，则下三者，盖皆宫观名。

### 通天宫

《汉武故事》：通天台旁又有通天宫。

### 益寿馆

《汉书·郊祀志》：甘泉则作益寿、延寿馆。《史记》作益寿、延寿观。

### 延寿馆

《史记》益、延寿观：《正义》云，《括地志》曰：延寿观在雍州云阳县西北八

<sup>①</sup> 陔(qū)：依山谷作栏圈，称陔。



十一里通天台西八十步。《索隐》云，《汉武故事》曰：延寿观高三十丈。

### 迎风馆

《汉书·扬雄传》：武帝复增通天、高光、迎风宫。又云汉武帝因秦林光宫，元封二年复增通天、迎风、储胥、露寒。《西京赋》：既新作于迎风，增露寒与储胥。《文选》陆士衡诗：置酒迎风馆。《玉海》云《关辅记》：武帝作迎风馆。

### 露寒观

《三辅黄图》：武帝先作迎风馆于甘泉山，后加露寒、储胥二馆。

### 储胥观

见上。

### 石关观

《汉书·司马相如传》上林赋：蹶石关，历封峦，过鸚鵡，望露寒。《注》张揖曰：此四观，建元中作，在云阳甘泉宫外。《三辅黄图》：甘泉有石关观。《长安志》：关一作阙。

### 封峦观

《汉书·扬雄传》甘泉赋：封峦石关，施靡乎延属。又云度三峦。《注》李善曰：即封峦观也。《三辅黄图》：甘泉有封峦观。《长安志》：封峦，一作三峦。

### 鸚鵡观

《三辅黄图》：建元中作石关、封峦、鸚鵡观。《长安志》：鸚一作枝。

### 旁皇观

汉《甘泉宫记》：近作洪崖、旁皇。《长安志》：甘泉宫有旁皇观。《玉海》云，《关辅记》：甘泉宫西厢起徬徨观。

### 高华观

《史记》：甘泉又有高华、白虎、温德、相思观。

### 白虎观

见上。亮吉按：《后汉书·章帝纪》会诸儒白虎观，自在东京，非此。盖以仿旧名为之。

### 温德观

见上。

### 相思观

见上。

### 仙人观

《三辅黄图》：甘泉苑中有仙人观。亮吉按：此仙人观，《黄图》与石关、封峦、鵙鹊并言，则与秦林光宫仙人观是属二观也。

### 天梯观

见上。

### 瑶台观

见上。

### 昭祥观

《洞冥记》：昭祥苑在甘泉宫西，周十里。万国献异物，皆集此中。

### 梨园

《长安志》云，《云阳宫记》：车箱阪下有梨园。汉武筑之，大一顷，树数百株。青翠繁密，望之如车盖。

### 木园

《汉魏宫志》：甘泉宫有木园，武帝时园也。今俗呼为仙草园。

### 赤关

《玉海》云，《关辅记》：武帝造赤阙于南，以象方色。《甘泉赋》注晋灼曰：燹阙，赤色之阙，南方之帝曰赤燹怒。

### 驰道

《汉书·翟方进传》：方进为司直，从上甘泉，行驰道中。既至甘泉宫，会殿中。

### 诸侯邸

《汉书·郊祀志》：武帝朝诸侯于甘泉，作诸侯邸。

### 居室

《史记·卫将军传》：卫青尝从入甘泉居室。《正义》曰：居室，署名。武帝改曰保宫。灌夫繫居室是也。

### 昆明池

《玉海》云，《关辅记》：甘泉宫南有昆明池。亮吉按：与长安昆明池，盖皆武帝肄水军所作，故二池同名昆明也。

### 黄图水

《汉书》注晋灼曰：黄图、波浪，二水名也。在甘泉苑中。

### 波浪水

见上。

### 泰畤

《汉书·武帝纪》：元鼎五年十一月辛巳朔旦冬至，立泰畤于甘泉。

### 紫坛

《汉书·郊祀志》匡衡言：甘泉泰畤紫坛，八觚宣通象八方。《注》服虔曰：八觚，如今社坛也。又云紫坛有文章采缕黼黻之饰及玉、女乐。

### 五帝坛

《汉书·郊祀志》：五帝坛周环其下。

### 群神坛

《汉书·郊祀志》：又有群神之坛。以尚书禋六宗、望山川、徧群神之义。

### 石坛仙人祠

《汉书·郊祀志》：石坛、仙人祠，厓鸾路、驎驹，寓龙马，不能得其象于古。

### 径路神祠

《汉书·郊祀志》：云阳有径路祠，祭休屠王也。《注》师古曰：休屠，匈奴王号也。径路神，本匈奴之祠也。又注曰：元狩二年，霍去病击匈奴，得休屠祭天金人，祠诸甘泉，以为天神主。《地理志》：云阳有休屠金人及径路神祠三所，越巫觯酈祠三所。亮吉按：以上诸祠皆在甘泉宫中，故录入之。

### 汉云阳宫

《汉书·外戚传》：冯昭仪徙云阳宫。《魏书·地形志》：云阳有云阳宫。《长安志》云，《开山图》曰：云阳，先王之墟也，中有神书铁券玉石之记。又云，王褒有《云阳宫记》。旧志：云阳宫在故云阳县，秦离宫也。亮吉按：《黄图》及《关辅记》等皆云甘泉宫一曰林光宫。今考《汉书·外戚传》及服虔、师古等注

与《开山图》诸说,则是甘泉宫外,又别有林光、云阳二宫。师古等注《汉书》皆云:云阳,秦离宫名。疑汉甘泉宫实兼秦林光、云阳二宫之地。故合言之则曰甘泉宫;分之则甘泉宫外,又别有林光、云阳宫也。今故分录之如古。

#### 汉阳宫

旧志:汉阳宫在县西二十里,事迹无考。

#### 后秦姚苻宫

旧志:姚苻宫在小杜村西北,有永安故城。有唐贞元中碑,载其事。亮吉按:旧志又载有秦王殿,云姚苻兄襄所造,在县北五十里白堡箭干山。今考其地属耀州境,故《陕西通志》亦载入耀州。今不录。

#### 后周云阳宫

《北史》:后周有云阳宫。

## 淳化县志卷十二

## 会计簿第十

## 国朝原额地

旧志：原额金银铜铁地，凡四等，共地八千二百五十八顷八亩六分一厘二毫。内金地一十二顷九十亩零，每亩科粮六升；银地三百三十九顷八十六亩零，每亩科粮五升；铜地一千五百三十一顷七十二亩零，每亩科粮四升；铁地六千三百七十三顷五十九亩零，每亩科粮二升六勺四抄三撮七圭。共粮二万一千六十一石二斗一升五合一勺零。每石折征银一两四分二厘七毫三丝八微。共征银二万一千九百六十一两一钱七分八厘九毫零。

## 豁免无主荒地

县册：顺治七年九月，督抚汇题奉旨豁免无主荒地三千七百二十二顷八亩六厘零，免粮一万八百二十三石五斗二升九合二勺。除银一万一千二百八十六两一钱八分二厘六毫零。

## 后丈出铜铁地

县册：后丈首出铜地。又前兴屯垦过及节年开垦首报铁地共一千八十五顷五十亩二分七厘零。溢粮二千三百七十三石二斗三升九勺零，征银二千四百七十四两五钱一分一厘零。

## 豁免有主荒地

县册：顺治八年十月，督抚汇题复奉旨豁免有主荒地一千五百三十九顷四十四亩九分一厘零。免粮四千六百一十四石四斗九千二合二勺零，除银四千八百一十一两三钱八分七毫。

## 外开垦铜铁地

县册：外兴屯开垦过及节年开垦铜铁地三百四十三顷六十四亩一分五厘

零。溢粮九百一十五石九斗七升六合六勺零，征银九百五十五两一钱一分四厘零。

#### 豁免续荒地

县册：顺治十五年四月，督抚汇题复奉旨豁免续荒地一百八十六顷七十一亩。免粮四百五十一石五斗八升一合五勺，除银四百七十两八钱七分七厘零。

#### 豁免各年捏垦并新荒地

县册：康熙八年五月，督抚汇题奏属蠲免等事，复奉旨豁免各年捏垦新荒地九百六十九顷四十七亩四分八厘零，免粮二千二百三十五石三升九合一勺零。除银二千三百三十两五钱四分四厘一毫零外，康熙二十八年开垦铁地一顷二十亩九分九厘零，溢粮二石四斗九升六合七勺零，征银二两六钱三厘四毫零。

#### 实在熟地

县册：通计实在熟地三千二百七十顷七十二亩五分六厘零。征粮六千二百二十八石二斗七升五合四勺零。折征银六千四百九十四两四钱二分三厘五毫零。

#### 实在丁银

县册：四百三十二两三钱七分三厘五毫零。丁虽亏缩，银未豁免。

#### 增军籍丁银

县册：二百三十六两八钱七分四厘零。

#### 原额均徭银

县册：一千六百五十五两九钱七分一厘二毫零。内除荒银九百八十一两七钱九分三厘六毫零。

#### 豁免均徭银

县册：一百七十五两七钱三分三厘四毫零。

#### 实征均徭银

县册：康熙二十八年开垦铁地，征均徭银一钱九分六厘三毫零。通计实征均徭银四百九十八两六钱四分五毫零。

### 额外课程银

县册：一十六两二钱六分，遇闰加银一两三钱五分五厘。匠价银二十九两二钱五厘，遇闰加银二两四钱三分三厘零。又停免银四十一两六钱六分六厘零。按以上丁徭额外合前地粮共征银七千七百九十四两四钱四分三厘六毫七丝八忽一微七纤九尘一渺。遇闰地丁内加银五十五两四分四厘二毫一丝四忽四微六纤七尘七渺，课匠内加银三两七钱八分八厘七毫五丝。

### 起运银

县册：地丁并裁充各项除留后，开存留应起解银六千九百七十两一钱六分六丝八微三尘三渺，遇闰连课匠加银二十二两三钱七厘七毫七丝三微一纤八尘三渺。

又解巩昌布政司裁站充饷银一十两六钱三分四厘三毫一丝二微七纤五尘五渺。

又解礼部买解本色药味脚价盘缠银二钱二分五百七毫三丝一忽。

又解匠价银二十九两二钱五厘。

又解课程银一十六两两钱二分。

外供应本省驻防官兵莞豆、谷草，奉文派征本色，每年数目多寡不等，令民挽运。又本县额设城守兵马，月粮、豆、草，每年支給报完。二项俱于起运项内扣算。

### 存留银

经费、杂支、站支三项，节年裁省并除荒充饷外，应存留银七百二十二两九钱五分八厘零，遇闰加三十六两五钱二分五厘零。又内解站支新垦二百五十二两八钱五分八厘零，又新垦增银四钱八分一厘零。布政司半留纸札银五钱九分四厘零。夫马新垦银二十一两八钱七分三厘零。自首夫马银八两七钱五分八厘零。夫马编审丁增银三钱七分四厘零，又夫马增银三分三厘零。除起解外，实存留银四百三十七两九钱八分三厘六毫七丝四忽四微二尘二渺。

### 经费银

县册：本县知县俸薪、油烛、伞扇，原额七十五两四钱九分。内议裁除荒，实支一十四两二钱七厘零。遇闰加俸，扣解充饷。门子二名，原额一十四两四

钱。内议裁除荒,实支银三两七钱八分八厘零。遇闰加二钱七厘零。皂隶十六名,原额一百一十五两二钱。内议裁除荒,实支三十两三钱八厘零。遇闰加二两四钱五分六厘零。马快八名,原额一百四十四两。内议裁除荒,实支四十二两四钱三分一厘零。遇闰加三两四钱三分九厘零。民壮五十名,原额三百六十两。内议裁除荒,实支九十四两七钱一分三百零。遇闰加七两六钱七分六百零。灯夫四名,原额二十八两八钱。内议裁除荒,实支七两五钱七分七厘零。遇闰加六钱一分三厘守零。轿伞扇夫七名,原额五十两四钱。内议裁除荒,实支十三两二钱五分九厘零。遇闰加一两七分四厘零。库子四名,原额二十八两八钱。内议裁除荒,实支七两五钱七分七厘零。遇闰加六钱一分三厘零。禁子八名,原额五十七两六钱。内议裁除荒,实支一十两一钱五分四厘零。遇闰加一两二钱二分七厘零。斗级四名,原额二十八两八钱。内议裁除荒,实支七两五钱七分十厘零。遇闰加六钱一分三厘零。典史俸薪。原额三十一两五钱二分。内议裁除荒,实支九两九钱五分一厘零。遇闰加俸,扣解充饷。门子一名,原额七两二钱。内议裁除荒,实支一两八钱九分四厘零。遇闰加一钱五分三厘零。皂隶四名,原额二十八两八钱。内议裁除荒,实支七两五钱七分七厘零。遇闰加六钱一分三厘零。马夫一名,原额七两二钱。内议裁除荒,实支一两八钱九分四厘零。遇闰加一钱五分二厘零。

教谕、训导薪俸,原额三十一两五钱二分。内议裁除荒,实支九两九钱五分一厘零。遇闰加俸,扣解充饷。斋夫六名,原额三十六两。内裁三名,又议裁除荒,实支一十一两三钱六分五厘零。遇闰加九钱二分一厘零。膳夫二名,原额四十两。内议裁除荒,实支四两二钱九厘零。遇闰加三钱四分一厘零。门斗五名,原额三十六两。内裁一名,又议裁除荒,实支四两五钱四分六厘。遇闰加三钱六分八厘零。

廩生月粮,原额一百九十二两,向经全裁。康熙二十一年,诏复准支一十八两三钱九分九厘零。遇闰加一两六钱一分八厘零。

以上经费,全书开载。原额知县火烛、纸张、修宅、家伙修理、监仓并书吏、库书、仓书,典史书办,教谕、训导书办、喂马草料等项,节年久经奉裁,不复详列。



### 杂支项

县册：春丁、秋丁、清明、七月十五节，原额八十九两。内除荒，实支二十七两九钱三分四厘零。乡饮酒礼，原额一十两。内议裁除荒，实支一两五钱六分九厘零。祭旗纛并犒赏民壮，原额四两。内除荒，实支一两二钱五分五百零。各铺司兵二十五名，原额一百两。内除荒，实支三十一两三钱八分六厘零。遇闰加二两五钱四分四厘零。钟鼓夫三名，原额七两二钱。内除荒，实支二两二钱五分九厘零。遇闰加一钱八分三厘零。协济邠州水夫并船木，原额一十七两六分六厘零。内议裁除荒，实支二两六钱七分八厘零。孤贫口粮，原额二十八两八钱。内除荒，实支八两五钱七分七厘零。布花，原额五两。内除荒，实支一两四钱八分九厘零。

以上杂支，全书开载。除举贡盘缠统入起运，其修理仓铺垫板席、置买刑具并芒神、土牛供应按临等项，节年久经奉裁，不复详列。

### 站支项

县册：走递马匹、夫役工料。县本无驿，旧设走递马十四，扛轿夫十四名。后议裁，止留马四匹、驴二头，喂马驴夫四名。除荒豁免外，原额工料一百二十二两八钱九分零。续于敬陈减差等案，裁去马二匹，驴二头，夫三名。止存工料五十四两四钱五分一厘。遇闰加四两四钱三分一厘。

### 学祖

县册：学田不等地一顷三十八亩三分六厘。岁征祖谷一十一石二斗二升四合，散廩贫诸生。

### 牙帖税银

县册：一十两二钱。系各牙行办纳起解。

### 牲畜税、房窑地税

县册：二项无定额。市集久虚，置买绝少。按季征收，尽数起解。

### 盐额引

县册：凡一千道，计食河东盐八百石。民少且贫，食不及额，商人艰于销引。迩来户口日繁，增引二十五，商人利之。

### 积贮

县册：常平仓共贮京斗谷一万七千二百零四石。康熙三十二年，知县及绅衿人等随力捐输，以备赈济。县册：社仓八座，雍正六年建：徐村社，距县三十里；引安社，距县二十里；安舍社，距县二十里；干沟社，距县十五里；通润社，距县二十里；梁家社，距县三十里；北公社，在县城北街；南公社，在县城南街。以上各社，共贮京斗谷八千五百八十八石人升六合。

### 军需火药铅子

县册：顺治十三年始，知县量力储备，见贮县库。

## 淳化县志卷十三

## 学校志第十一

## 宋淳化县学

旧志：儒学有宋大观二年八行八刑碑。

## 元淳化县学

县册：元儒学在县南。

## 明淳化县学

旧志：明洪武二十年，迁儒学于县东南，面城。嘉靖三年，按察司副使何天衢行县，以逼南城下，命署县事县丞毕经复移置今地。有碑记。

## 大成殿

明州志：先师庙有两庑、戟门、棂星门。旧志：文庙大成殿，明万历中知县李朝忠修。本朝康熙十一年，知县文秉濂重修。有碑记。

## 启圣祠

旧志：在文庙西北。康熙十一年，知县文秉濂修；四十年，知县张如锦重修。有碑记。

## 名宦祠

明州志：在棂星门外，东向享祀五位：汉云阳令王吉，宋知淳化县张安祖，金淳化令梁襄，明淳化县知县刘玉，县丞毕经。旧志：明隆庆四年，署县事布政司理问童思善创建。国朝康熙二十五年，知县张纶重修。增祀唐云阳县丞王播，云阳县尉韩皋，元县令艾元老，明知县郭儒、欧阳煖，教谕耿文璿、潘天民。亮吉按：明州志名宦祠有县丞毕经，盖因嘉靖三年移建儒学之绩。今县册及旧志皆无之，或明万历后及国朝所撤去也。

### 乡贤祠

明州志：在棣星门外，东向享祀五位：汉丞相黄霸，明金华府同知张景芳，刑科给事中赵信，交趾当道知县第五宁，绛州同知贾贯。旧志：明隆庆四年童思善创建。国朝康熙二十五年，知县张纶重修。增祀汉大司徒宣秉，明知州罗楫，知县关贵、袁谭，布政使司贾克忠。按《邠州志》：乡贤有明同知张景芳，给事中赵信，知县第五宁，同知贾贯，无汉司徒宣秉。今所祀，考系明崇正中更定。如名宦中唐王播、元艾元老，乡贤中汉宣秉，皆须考正。明毕、张、赵、贾、第五诸君撤去，未知何据？又，国朝名宦如赵宾、文秉濂先后请豁荒粮有功。地方乡贤如明罗廷绣创修志乘，国朝姚开先殉节蜀中，久宜从祀，皆尚有待。

### 明伦堂

旧志：明万历中，知县李朝忠修；署县事西安府通判白鉉重修。皆有碑记。本朝康熙二十五年，知县张纶重修。堂上有迁学碑记、宸翰碑记。乾隆三十五年，学博苟宏德同诸生捐资重修。

### 东西庑 戟门 棣星门

旧志：康熙二十五年，知县张纶重修。有碑记。

### 祭器库

明州志：库贮铜筮二百七十一，铜爵一百二十八个，琉璃爵三十八个。今少筮二，爵三。所存半已损坏。旧有黄帐、香炉、椀楪，已久废。

### 书籍库

学中典籍，系明永乐年间颁置，约十馀部。历时已久，朽腐脱落，诸籍俱已无存，故不复录。自本朝定鼎以来，雅意作人，精加考订，所颁书籍甚夥，特详录部数卷册于左：

《驳吕留良四书讲义》一部，雍正十三年颁发。《乐章》一抄本、《学政全书》一本，俱雍正十三年颁发。

《御纂周易折中》二部二套二十本。

《钦定书经传说汇纂》二部四套四十八本。

《钦定诗经传说汇纂》二部四套四十八本。

《钦定春秋传说汇纂》二部四套四十八本。

《御纂性理精义》二部二套二十本。

《御纂朱子全书》二部六套六十六本。

以上俱乾隆六年颁发。

《钦定前朝四书文》一部十四本。

《钦定本朝四书文》一部八本。

以上俱乾隆六年颁发。

《圣谕广州》二本，《四礼初稿》一部二本，《四礼翼》一部一本，《明史》一部一百一十二本，《从正遗规》一部共二本，《孝经注解》二部每部一本，《在官法戒录》一部二本，《小学纂注》二部共八本，《纲鉴正史约》一部十六本，《近思录集解》二部共八本，《大学衍义补辑要》一部六本，《大学衍义辑要》一部二本，《养正遗规》一部一本，《教女遗规》一部一本，《训俗遗规》一部二本。

以上俱乾隆十年颁发。

《豫章学约》一部二本，《钦定康济录》一部六本，《批资治通鉴纲目》一部八套八十本，《御选古文渊鉴》正集一部四套四十本，《御选唐宋文醇》一部一套二十本。

以上俱乾隆十三年颁发。

《钦定科场条例》一部四本。乾隆十五年颁发。

《钦定乡饮仪注》一本，《续增学政全书》一部四本。乾隆二十一年颁发。

《御纂周易述义》一部一套四本，《御纂诗义折中》一部一套八本，《御纂春秋直解》一部一套八本。

以上俱乾隆三十四年颁发。

《御制文初集》一部一套八本，《御制诗初集》一部一套二十本，《御制诗二集》一部五套三十本。乾隆四十二年颁发。

《御制训饬士子文》，《学政条约》，《请定教职条例》。以上俱在《学政全书》一部一本内。

《钦定增辑学政全书》一部，乾隆四十七年颁发。

### 桂林坊

旧志：临街面东。按：明万历中，知县欧阳煖、教谕孙友以大门卑下，风脉

不利,特令工筑高数倍。国朝康熙二十五年,知县张纶又嫌过高,乃铲基址,就低如旧。

#### 魁星楼

旧志:在大门外。

#### 教谕公廨

旧志:文庙后见存房舍十余楹。今分前后二院为教谕、训导衙署。

#### 训导公廨

县册:在教谕公廨后。

#### 义学

旧志:康熙三十八年冬,知县张如锦捐俸,延明经为师,设义学四公生祠内,后移城隍庙道院。乾隆四十一年,知县万廷树又移准提庵捐俸,延师见在,贫民子弟从学甚众。

#### 社学 医学 阴阳学

旧志:俱在治北,久已圯废。

## 淳化县志卷十四

## 衙署志第十二

## 宋淳化县署

《陕西通志》：旧在北门内。宋宣和七年，县令张安祖完治西堂，使南向。  
州志：宋淳化中建。旧志：宋县令张安祖“吏隐堂”额尚存。

## 明淳化县署

《陕西通志》：明洪武初，移建城内正中。崇正中，知县杨泰贞拓修。州志：  
明知县宅在正堂后。旧志：始建在北门内。明洪武初年，知县楚桓移置今地，  
堂曰“节爱堂”。自太守吴公六泉氏以训词颁行各邑，后俱仍之。今其词悬西  
壁，俱吴公名及岁月俱不载，考通志名宦补缺。

## 寅宾馆

州志：在仪门外土地祠前。明崇正中，知县杨泰贞创建。有记刻石。

## 马神祠

旧志：在射圃内。明崇正中，知县赵之琴创建。有节爱碑。县册：仍明旧。

## 马厰

州志：在仪门内。

## 书院

州志：在仪门内。县册：今废。

## 申飭法纪亭

旧志：在大门东。明天启四年，知县张显谟立。

## 钟楼 鼓楼

州志：在大门外。

## 明察院行署

旧志：在县治南，今废。

### 国朝淳化县署

《陕西通志》：康熙中，知县张如锦重葺。旧志：前正中仪门，东西角门。大堂颜曰“节爱堂”。堂西为库房，堂前甬道为六房吏廨；堂后为宅门、为后堂，左右有书室；又后为房舍从屋，西首为马厩、厨房，水火马夫等伏宿从屋。乾隆三十二年，知县于琏请动项重修；四十五年，知县万廷树捐修仪门内东快班厅三间、大堂西刑左房二间、大堂东收粮房三间、宅门内二堂西书房三间。

#### 典史署

旧志：在堂东。县丞公署旧在堂西，久废。

#### 戒石亭

旧志：在堂前。旧有亭，今废。

#### 常平仓

旧志：在仪门仓廩后。康熙三十年，知县朱廷铉修复。

#### 监狱

旧志：在仪门内西。

#### 土地祠

旧志：在仪门外东。

#### 大门东西二碑亭

旧志：一，申飭法纪事，即明天启四年所立；二，勒禁约事，国朝康熙四年邠州州判韩必陞立。

#### 射圃

旧志：在衙署西。

#### 演武亭

县册：在南门外。

#### 旌善亭 申明亭

旧志：在仪门内。县册：今俱废。

#### 养济院

县册：在南门外。

#### 专城营署

县册：旧无公署，赁民居。今创建南街。



## 淳化县志卷十五

## 职官志第十三

## 秦

郑 国 《汉书·沟洫志》：韩闻秦之好兴事，欲罢之，无令东伐。乃使水工郑国间说秦，令凿泾水，自中山西邸瓠口为渠，并北山，东注洛三百馀里，欲以溉田。中作而觉，秦欲杀郑国。郑国曰：臣始为间，然渠成，亦秦之利也。臣为韩延数岁之命，而为秦建万世之功。秦以为然，卒使就渠。渠成而用注填淤之水，溉鹵鹵之地四万馀顷，收皆亩一钟。于是关中为沃野，无凶年，秦以富强，卒并诸侯，因名曰郑国渠。旧志云：郑国，非宦也，以其凿渠之始，特首录之。

## 汉

倪 宽 《汉书·沟洫志》：自郑国渠起至元鼎六年，百三十六岁，而倪宽为左内史，奏请穿凿六辅渠，以益溉郑国旁高仰之田。上曰：农，天下之本也。泉流灌浸，所以育五谷也。左、右内史地，名山川原甚众，细民未知其利，故为通沟渎，畜陂泽，所以备旱也。今内史稻田祖挈重，不与郡同，其议减。

白 公 太始二年，赵中大夫白公复奏穿渠。引泾水，首起谷口，尾入栢阳，注渭中，袤二百里，溉田四千五百馀顷，因名曰白渠。民得其饶，歌之曰：田于何所？池阳、谷口。郑国在前，白渠起后。举锸为云，决渠为雨。泾水一石，其泥数斗。且溉且粪，长我禾黍。衣食京师，亿万之口。

## 唐

黎 幹 《新唐书》本传：大历中为京兆尹，开郑国支渠水利，民甚便之。

## 宋

叶清臣 《宋史》本传：字道卿，长洲人。庆历中知永兴军，浚三白渠，溉田

逾六千顷。文学政事，卓称一时。

周良儒 《宋史·河渠志》：为都水丞，议自石门开渠引泾水至三限口，以广白渠溉田之利。诏从之。

范 镐 穆卞 赵佺 《宋史·河渠志》：镐为宣德郎，卞为澧州观察推官，大观中议以熙宁殿中丞侯可自仲山旁凿渠引泾水，以岁歉弛役，其迹可考。乃诏永兴军常平使赵佺董其事，与镐、卞相地计工，疏泾水入渠，汪洋湍激，凡溉云阳、泾阳、三原、高陵、富平、醴泉、栎阳七邑田二万五千九十二顷。

皇甫选 何亮 《宋史·河渠志》：至道初，有言三白渠当修，时选为大理丞，诏偕光禄卿何亮修之，增筑堤障，开水分道，溉云阳、泾阳、栎阳、高陵、三原、富平六县田三千八百五十餘顷。

### 金

傅慎徽 《金史》本传：字几先，沙溪人。同知京兆尹权陕西诸路转运使，修三白、龙首等渠以溉田，募民屯种贷牛种给之，田皆丰熟。

### 元

王 琚 《元史》本传：字仲瑗，济南人。大德中为县令，与伯颜帖木儿共疏泾渠。后迁陕西诸道行御史台监察御史，上言于丰利渠上更开石渠，民甚赖之。

### 明

项 忠 《明史》本传：字荇臣，浙江嘉兴人。由进士任陕西按察使，民饥荒，不待奏报，发仓赈之，全活千万计。迁巡抚右副都御史，以郑白古渠久废，奏募工疏凿石山一里馀，引谷口上流入渠，名广惠渠。成化中，率师靖满四乱，屡立战功，升都御史，进兵部尚书。谥襄毅。

阮 勤 《明史·河渠志》：成化中，陕西巡抚都御史发帑募工，修筑堰渠，凿石引泾入渠，溉五县田八千餘顷。

沈子章 《陕西通志》：万历辛未，邠乾兵巡道亲历泾渠，督夫疏浚；又于洪口堰设水夫，防壅漏，为久远计，民受其利。

旧志云：以上所录，皆以疏通泾渠，灌溉本具地亩，至今利赖，虽未周详，庶可颂述。

## 淳化县志卷十六

## 职官志第十三

## 汉县令

王吉 《汉书》本传：字子阳，琅琊皋虞人也。少好学明经，以郡吏举孝廉为郎，补若卢右丞，迁云阳令。举贤良，为昌邑王中尉，数直谏。及王入立，旋以淫乱废，诸昌邑旧臣多坐法，吉以尝谏正得未减。后起家为益州刺史，复征为博士谏大夫。宣帝时上政事疏，不纳，遂谢病归。元帝初遣使征，以年老，道病卒。复遣使吊祀。今祀名宦。

朱博 《汉书》本传：字子元，杜陵人也。成帝即位，大将军王凤秉政，奏请陈咸为长史。咸荐萧育、朱博除幕府属，凤甚奇之，举博栝阳令，徙云阳、平陵三县，以高第入为长安令。

## 宋县知事

刘云 《儒学八行八刑碑记》：大观二年，知耀州淳化县事刘云立石。旧志：淳化令姓名始见于此。

张安祖 杜陵石彦政《吏隐堂记》：宣和中，以宣教郎赐绯鱼袋知淳化县事。为政优游，临事不扰。甫期月，一境称治。今祀名宦。

王康朝 杨葆光《法相寺诗跋》：字公起，河南人。宣和间承德郎，以大观初宰云阳，施惠政，民至今怀之。

袁灼 旧志：建中靖国元年云阳令，有移任诗六首，为世传颂。

旧志：以上二人，俱系淳化已分县后，今从《泾阳县志》以其为云阳令录之。

## 金县令

梁襄 《金史》：字公赞，山西绛州人。少孤，养于叔氏，性颖悟，日记千余言。大定二年登进士，由同官主簿三迁为淳化县令，有善政，察廉升庆阳推

官。旧志：今祀名宦。

宋从仁 《儒学八行八刑碑阴》：冯翊人，天眷中任。时文庙毁，特创建大成殿。

张文林 《儒学八行八刑碑阴》：归德人，天德中任，重建文庙讲堂、斋舍、重门、两廊，内外完整。

张承德 《儒学八行八刑碑阴》：临泾人，画七十二贤像于壁。

白伟 《改建岱岳庙碑记》：大定二十七年，朝散大夫、行邠州淳化县令、骑都尉、南阳县开国男、食邑三百户、赐紫金鱼袋白伟立石。

#### 元县令

艾元老 旧志：字长卿。元季任县令，宽而能断，严而不苛，有惠爱及民。秩满去，进士孟正亨为作《去思碑》。今祀名宦。旧志按：金永安<sup>①</sup>中任泾阳县，今仍前志存之，以俟再考。

#### 明知县

楚恒 旧志：邠州志题名碑：洪武六年。

邢清 宣德四年任，修复永安桥，地方利益。

李仲贤 旧志：无考。

赵文博 山西代州人，进士。成化初年由御史谪任，有守有为，百废俱兴。历官都御史。

范锦 直隶霸州人，监生。成化十年任。

柏茂卢 龙卫人，监生。成化十三年任。

贾伦 直隶庆都县人，举人。成化十五年任。

赵昌 四川建始县人，举人。成化十九年任。

范安 直隶通州人，举人。宏治<sup>②</sup>五年任。

石确 直隶任邱县人，举人。宏治十年任。

刘玉 宣府人，监生。宏治十三年任，除强去暴，修山通路，往来便之。

① 金永安：金有“承安”“大安”，无“永安”年号。此有误。

② 宏治：即弘治。因避清代乾隆皇帝弘历名讳，遂易弘为宏。

今祀名宦。

徐 林 山东曹州人,监生。宏治十六年任。

张 茂 山西徐沟县人,监生。宏治末年任。

冯 玘 山西太宁卫人,举人。正德初年任。

南 拱 山西绛州人,举人。正德七年任。

吴 瑛 四川罗江县人,举人。正德十三年任,处事明敏,二载调泾阳县。

王 鼐 卢龙卫人,举人。嘉靖初年任。

姚文亨 山西阳曲县人,监生。嘉靖四年任。

李 友 四川南充县人,举人。嘉靖五年任,刚明不畏强御,以调去。

马 崇 字德夫。四川双流县人,举人。嘉靖十年任,增城垣,立桂林坊。

三载后,感一小民负母求赈,自慨缺养于母,即告归里。

王 莲 锦衣卫人,举人。嘉靖十三年任。

陈 爵 云南临安人,举人。嘉靖十五年任,和易,善楷法。

李 锦 直隶完县人,举人。嘉靖十八年由祥符县调任,甫两月告去。

袁 继 山东武定州人,举人。嘉靖十九年由扶风县调任,有文学。

乔 祐 河南洛阳县人,进士。嘉靖二十三年由御史谪任,为政和平,士民悦服。升顺德府同知,历官山东参议。

林文明 湖广麻城县人,举人。嘉靖二十四年任,有藻鉴,能甄别士类。

郭 儒 山西祁县人,举人。嘉靖二十六年任,节省里甲,调停徭役;修文庙、学舍、城堡、墩台,不伤民财;亲课诸生文艺,给纸笔油炭。躬自俭约,历任以来,衣不再易,食惟疏粝。越五年致仕去,行李肃然,餽送一切不受。以鲠介不曲奉上官,不得上考,公论惜之。今祀名宦。

胡 然 云南临安人,举人。嘉靖三十三年任。

李 梁 河南磁州人,举人。嘉靖三十六年由山东陵县调任,性刚有守,遇事敢为,剖决如流。以疾乞休去。

张 介 四川阆中县人,举人。嘉靖三十八年由耀州学正升任,政尚平易,能振拔士类。以均田累去,公论惜之。

褚 宾 直隶通州人,举人。嘉靖四十二年任,诚愨简易,以调去。

阎文宪 直隶永宁县人，监生。嘉靖四十三年任。

周 官 直隶元城县人，监生。隆庆元年任。

汤 浙 湖广临湘县人，监生。隆庆三年由洛南教谕升任，刚明倜傥，见事了然，士民依赖。县志久缺，特请绅士罗廷绣创修。

欧 梅 四川广安州人，监生。隆庆四年由汉阳教谕升任，复升徽州知州。

傅岩举 山西汾西县人，监生。万历元年由夏津教谕升任。

宋 桐 山东平原县人，举人。万历二年任。

李朝忠 直隶顺天府人，监生。万历五年任，重修学宫、明伦堂、大成殿。

李应科 山西霍州人，举人。万历八年任，升平凉府通判。

王国治 云南石屏州人，举人。万历十二年由云南训导升任，修理坡路以便行人，至今称之。

高 翼 河南陕西州人，监生。万历十九年任。

刘 点 山东滕县人，监生。万历二十年由邠州判官升任。

宋井南 山东灵山卫人，监生。万历二十三年任。

欧阳煖 字熙宇，直隶遵化县人，举人，万历二十三年任。县治面南，论形势者称为孤舟出峡势，但东面卑逊，特因山筑台，创建文昌阁其上，立学田碑于学中，题名碑于堂上，至今得以稽考。劳心抚字，百姓颂述，见宽裕碑记。今祀名宦。

王应选 《增刻题名碑》：河南洛阳人，举人。万历三十一年任。

连守度 《增刻题名碑》：山东乐安县人，贡生。万历三十三年升任云南镇安州知州。

方应节 《淳化县题名碑记》：直隶玉田县人，举人。天启中任，宽严允惬，撻<sup>①</sup>发如神，吏民畏服。后调浦田县。

杨 熂 字我生。贵州铜仁县人，举人。天启二年任，著《宽裕记》，刻石立节爱堂下。

<sup>①</sup> 撻(tì)：揭露奸邪。

杨泰祯 山西曲沃县人,举人。天启中任,捐俸创建寅宾馆。

张显谟 天启中任。

赵之琴 字舜清。辽东铁岭卫人。崇正八年任,时七盘诸隘盗警,豫储火器,完城櫓。及贼至,躬冒矢石。斩馘多级,贼始退,得保全地方。创立马神祠,恤里甲马头之役。详见节爱碑记。

赵日慧 山东霑化县人,贡生。崇正中任,于草土中得前令杨宽裕记碑,重立堂上。

孟学孔 直隶宛平县人,贡生。崇正末年任,受事之始,设敌台为保障计。及闯贼入关,省城陷,度民无固志,潜迹而去。

## 国朝

庄天麟 江南武进县人,明崇正十三年特用贡生。原任永寿县,闯贼伪檄任本县。国朝顺治元年,投诚英王军前,先受札委,后具题实授。

赵宾 字锦帆。河南阳武县人,顺治丙戌进士。本年十一月任。时寇氛未靖,缮修城堞。民方苦明季浮粮,详请蠲豁,巡按御史题荐升刑部陕西司主事,百姓爱戴,共建生祠。有碑记。

张邦佐 辽东广宁人,镶红旗生员。顺治十年任,修理文昌阁、城隍庙。升永宁州知州。

扈标 山东临淄县人,顺治丙戌进士。十四年任。

许务 江南江宁县人,监生。顺治十八年任。

周敞 山东即墨县人,贡生。康熙五年任。

文秉濂 字天池。广西全州人,顺治丁酉科举人。康熙七年任,时方苦捏垦新荒,节年逋税累积,具详亲诣上台,哀吁得疏请豁免,地方有更生之庆。其他善政,不具举。百姓建祠以祀,详见碑记中。升行人司行人。

张纶 字朝弼。直隶涿州人,生员。康熙十八年任,留心修复,凡学宫、堂庑、门祠及诸庙宇,多所增葺。

朱廷铉 旧志:字玉汝。江南江阴县人,康熙己酉举人、壬戌科进士。二十八年任,三十三年行取考选,擢湖广道监察御史。

佟世禄 字希白。奉天人,正白旗生员。康熙三十三年任,三十八年调长

安县知县。

张如锦 字汉孙。江南长洲县人,康熙壬戌中式,乙丑科补殿试进士。初任山东商河县知县,丁母忧服阙;三十八年补授长安县,引见未蒞任,调补本县。重修邑志,士民为立生祠。

黄 坦 山东曹州府嘉祥县人,举人。

金 美 江南松江府青蒲县人,举人。

汪 碧 浙江杭州府钱塘县人,举人。

李 (名无考)镶白旗汉军。

商兆麟 浙江绍兴府会稽县人,举人。

刘 璞 江南常州府武进县人,举人。

鲍志周 浙江杭州府余杭县人,举人。

黄必达 四川成都府华阳县人,举人。

彭敦祖 河南南阳府邓州人,举人。

万希韩 福建泉州府晋江县人,举人。

陈尧文 贵州贵阳府贵筑县人,举人。

唐植延 镶黄旗汉军,工部笔帖式。

杨锡禄 云南临安府宁州人,举人。

吴国栋 江西九江府湖口县人,捐贡。

于 珽 镶白旗汉军,举人。

万廷树 江西南昌府南昌县人,举人。乾隆四十年任。今见任。



## 淳化县志卷十七

## 职官志第十三

## 教谕

明以前无考。旧设教谕一员，国朝因之，康熙三年奏裁，二十四年复设。

## 明

杨 崇 《邠州志》：四川绵阳人，举人。有善教，升唐府长史。

徐 昇 四川重庆府人，监生。

王尧臣 山西忻州人，举人。由三原知县谪任，笃学勤敏，升西华知县。

赵文奎 河南仪封县人，监生。

王 继 字世德。直隶保定府人，监生。德高教严，迁学之役，克勤效劳，士林颂之。升琰成王府教授。

彭 璜 四川金堂县人，监生。嘉靖四年任。

侯 苾 山西蒲州人，举人。嘉靖八年任，能品识士类，尝为山东同考，升会宁知县。

杜 惇 四川南充县人，监生。嘉靖十三年任。

沈 科 河南沈邱县人，监生。嘉靖二十二年任。

郭 相 山西临汾县人，监生。嘉靖二十六年任，善诗画。

耿文璿 山西解州人，监生。嘉靖二十八年由本学训导升任，待士未尝见怒容，不拘束修，间升永兴王府教授。今祀名宦。

石 山 山东德州人，监生。嘉靖三十五年任。

潘天民 河南睢州人，监生。嘉靖四十一年由孝义训导升任，善吟咏，宽和不校脩贲，有长者风，士争慕者。今祀名宦。

马朝宣 四川交州县人，监生。隆庆二年由荆州府训导升任，谦慎好义，

每课士自设供膳,捐资修葺庙门、学舍,当道数嘉奖之。(以上俱见旧志、《邠州志》)

关邦畿 见《重修明伦堂碑》:山西山阴县人、举人。万历中任。

孙友 见《修学碑》:万历中任。

庞士雅 见《寅宾馆》碑:崇正中任。

### 国朝

王杰 西安府鄠县人,生员。顺治二年任。

任鸿业 山西大同府人,贡生。顺治三年任。

符锡祚 汉中府西乡县人,贡生。顺治八年任。

王际泰 汉中府西乡县人,贡生。顺治十年任。

纳以洪 西宁卫人,贡生。顺治十四年任。

柳人望 延安府绥德州人,贡生。顺治十五年任。

高中道 延安府葭州人,贡生。顺治十八年任。

杨栖凤 庆阳府宁州人,举人。康熙二十四年任。

李一鹏 字伯翔。凤翔府宝鸡县人,康熙丙午科举人。初任澄城县教谕,丁母忧服阕,三十六年补授。

史昌孟 同州府华州人,进士。初任浙江杭州府於潜县知县,后改授。

辛玮 西安府渭南县人,副榜。

杜怀义 西安府高陵县人,恩贡。

张廷极 同州府白水县人,副榜。

李继祖 商州人,副榜。

赵克昌 平凉府隆德县人,拔贡。

刘乃均 同州府韩城县人,副榜。

史藻 同州府华州人,进士。

张述湛 西安府咸宁县人,举人。今见任。

### 训导

明以前无考,旧设训导一员,国朝因之。

明免冒 河南阳信县人,监生。

- 郝 珍 直隶新城县人,监生。
- 杨 锦 山西蒲州人,监生。善书法。
- 王汝岗 山西陵川县人,监生。升宁夏宏化王府教授。
- 杨 佑 直隶容城县人,监生。兵部员外,諡忠愍椒山公。
- 祖吏经 河南汝宁府人,监生。
- 曹 士 河南商水县人,监生。嘉靖四年任,忠厚有学识。
- 辛 玠 河南陕州人,监生。嘉靖九年任,升霍州学正。
- 马 纯 山西安邑县人,监生。嘉靖二十八年任,升商州学正。
- 耿文璿 详见本学教谕。
- 胥 鉴 四川成都府人,监生。嘉靖三十五年任。升上高县教谕。
- 许希颜 湖广景陵县人,监生。嘉靖四十一年任,升辽府教授。
- 时凤翔 河南通许县人,监生。隆庆三年任。
- 王 第 见《重修明伦堂碑》。西夏人,万历中任。
- 李尚荣 见《修学碑》:万历中任。
- 赵腾蛟 见《寅宾馆碑》:崇正中任。

#### 国朝

- 丁延儒 巩昌府洮州人,贡生。顺治二年任。
- 王家俊 巩昌府秦州人,贡生。顺治三年任。
- 阎光宗 凤翔府陇州人,贡生。顺治八年任。
- 黄恩泰 汉中府略阳县人,贡生。顺治十年任。
- 李 灼 延安府葭州人,贡生。顺治十四年任。
- 刘文进 巩昌府岷州卫人,贡生。康熙五年任。
- 张士俊 汉中府洋县人,贡生。康熙十年任。
- 张体仁 延安府宜川县人,贡生。康熙十九年任。
- 李国瑄 字玉鼎。延安府府谷县人,贡生。康熙三十年任。
- 许 瑗 平凉府镇远县人,岁贡。
- 王维新 狄道人,拔贡。
- 张师傅 延安府安定县人,贡生。乾隆十九年任。

魏 枢 西安府鄠县人，贡生。乾隆二十六年任。

李作樾 兴安州白河县人，贡生。

苟宏德 兴安州汉阴县人，贡生。

安 恭 延安府延长县人，贡生。

权宏信 兴安州石泉县人，贡生。

白士钧 绥德州清涧县人，举人。

荔<sup>①</sup>浚 乾州永寿县人，贡生。今见任。

---

① 荔( lì ):同荔。《干禄字书·去声》:荔,荔的俗字。

## 淳化县志卷十八

## 职官志第十三

## 县丞

明洪武初设二员，成化中分三水县裁一，嘉靖中又裁。国朝因之。

## 唐

王 播 字明敷<sup>①</sup>。《新唐书》：本太原人。父恕，为扬州仓曹，遂家焉。德宗贞元中，与弟炎、起皆擢进士。播举贤良方正异等。补盩厔尉，以善治狱，御史中丞李实荐为监察御史，云阳丞。今祀名宦。（旧志按《通志》：王播擢监察御史，李实以私忿表为三原令，《三原县志》亦云。今从旧志，以俟考）

## 明

武 振 《邠州志题名碑》：山东霑化县人，监生。

孙 恂 直隶柏乡县人，监生。

师 忠 山东临淄县人，监生。

毕 经 字世用。直隶井陘县人，监生。正德十五年任。旧志称：刚明勤慎，迁修学宫，经画最有大略。今祀名宦。

苏伯珠 字文光。四川南川县人，监生。嘉靖四年任。旧志称：行己无私，催科有法，升盩厔县知县。

宋 训 四川永宁县人，监生。

刘 伦 辽东辽阳卫人，监生。

石 瑛 直隶元城县人，监生。

都 玺 直隶宣化县人，监生。嘉靖十五年任。

<sup>①</sup> 敷：同“揭”。《说文·手部》：“扬，飞举也。敷，古文。”

### 主簿

明洪武初设二员，成化中分三水县裁一，嘉靖中又裁。国朝因之。

### 宋

郑仲光 《儒学八行八刑碑记》：大观二年，将仕郎、华原县主簿、管勾学事、权淳化县簿尉郑仲光书。

### 金

李英 《金史》：字子贤。先辽阳人，后徙益都。明昌五年进士，第调淳化县主簿。

白朝散 《儒学八行八刑碑阴》：大谷人，主簿。

斜<sup>①</sup>卯儒 《儒学八行八刑碑阴》：会宁人主簿。

高迁 《邠州题名碑》：四川射洪县人，监生。

乔信 《邠州题名碑》：山西应州人，监生。

王琢 《邠州题名碑》：直隶河间府人，监生。

### 典史

自汉以下皆称尉，元设尉、典史各一员，明只设典史，国朝因之。

### 唐

韩皋 《新唐书》：字仲闻。资质重厚，有大臣器。德宗时为云阳尉，政尚简要，策贤良方正异等，拜右拾遗。迁考功，历官吏部尚书。穆宗加右仆射，为东都留守。卒，赠太子大保，谥曰贞。今祀名宦。

### 金

刘武义 《儒学八行八刑碑阴》：大兴人，将仕郎县尉。

刘景山 《改建岱岳庙碑记》：大定二十七年，武义将军、行邠州淳化县尉、飞骑尉刘景山篆额。

### 明

虞金 旧志《邠州题名碑》：四川犍为县人。

刘循 山东章邱县人。

① 斜(dóu)：姓。《广韵·厚韵》“斜，姓，出《姓苑》。”

- 西 铭 山西阳城县人。
- 王 准 直隶真定府人。嘉靖四年任。
- 阎世爵 山西代州人。嘉靖十年任。
- 陈 言 四川威远县人。嘉靖十二年任。
- 陈 锦 山西闻喜县人。嘉靖十六年任。
- 高 增 山东盐山县人,嘉靖十八年任。
- 张 贤 山东阳信县人。嘉靖二十一年任。
- 陈尚爵 四川眉州人。嘉靖二十五年任。刚明有才,两署县事,升阶州吏目<sup>①</sup>。
- 于 宾 山东昌邑县人。嘉靖三十二年任,升磁州守御所吏目。
- 杨继臣 直隶南皮县人。嘉靖三十四年任。
- 郭永申 四川眉州人。嘉靖三十七年任。
- 张云霄 云南太和县人。嘉靖四十一年任。
- 杨孟贤 湖广巴陵县人。隆庆元年任。
- 王从夏 山西襄陵县人。隆庆五年任。
- 刘起凤 四川隆昌县人。万历二年任。
- 丁 涓 浙江长清县人。万历六年升苑马寺武安监正。
- 耿 禄 直隶浚县人。万历九年任,升通州仓大使。
- 葛一正 山西榆茨县人。万历十四年任,升秦王仓大使。
- 何子达 四川西充县人。万历十五年任。
- 韩钟灵 山西襄垣县人。万历十七年任,升晋王仓大使。
- 李华臣 四川西充县人,万历二十年任,四年升贵州土司吏目。
- 刘 镡 山西介休县人。万历二十二年任。
- 史大贤 直隶人。万历二十四年任。
- 孙光先 《淳化县寅宾馆碑》:直隶长垣县人。崇正中任。
- 梁腾蛟 《淳化县节爱碑》:崇正中任。

① 吏目:明置。掌出纳文书或分领职事。

### 国朝

- 戴大才 旧志：江南建平县人，吏员。顺治元年任。
- 孙大德 浙江山阴县人，吏员。顺治五年任。
- 董钦禹 浙江会稽县人，吏员。顺治十一年任。
- 冯际泰 浙江会稽县人，吏员。顺治十五年任。
- 何光晋 浙江山阴县人，吏员。康熙八年任。
- 冯杰 浙江山阴县人，吏员。康熙十一年任。
- 陈一瑞 浙江金华县人，吏员。康熙十三年任。
- 项仕 江南歙县人，吏员。康熙十六年任。
- 武廷梅 字君凋。直隶通州人，吏员。康熙三十一年任。
- 郝元标 顺天府大兴县吏员。
- 全者昌 浙江绍兴府山阴县监生。
- 郑国钦 江南宁国府旌德县吏员。
- 陈绳祖 浙江杭州府钱塘县吏员。
- 陈以游 江南池州府石埭县监生。
- 刘维藩 顺天府宛平县吏员。
- 朱绅 河南怀庆府河内县吏员。

### 兵防

明以前俱无考。

本朝顺治年间，防汛专城未定经制。查康熙七年属西凤协镇分豁委员二员，统兵一百名，分驻城中及城外神兔岭。十四年，拨属金锁关营，始设经制，奉总督题授把总一员。二十八年改为专城把总，所统兵先经详请，俱驻县城。原设马战兵一百名，于二十年奉文裁汰马战，改为守兵；见在马战兵二名，步兵八十名。近又奉文：马兵一名拨充乌鲁木齐，守兵二名拨充肃镇。并木营公费消除外，实存应操守兵五十名。

### 把总

张一春 字震天。兴安州人。康熙十四年任，奉调随征吴逆，加功守备街。三十三年正月，于干沟村擒获响马贼众，地方安堵。



蔡承祖 字扶九。江西吉水县人。由浙江杭州卫世职千总告降。康熙三十四年任,辑兵安民,境内宁谧,以疾告解任。

马成凤 字鸣岐。临洮府狄道县人。康熙三十九年任。

黄甲鼎 潼关卫人。康熙四十四年任。

张奉明 西安府人。康熙六十年任。

王宗世 西安府长安县人。雍正元年任,四年五月调补提标把总。

张 玉 固原人。雍正四年任。

陈进孝 肃州山丹县人。雍正六年任。

田 驹 山西汾州人。雍正八年任。

刘玉成 凉州府靖远县人。乾隆二年任。

朱富荣 长安县人。乾隆十四年任。

王又章 同州府潼关厅人。乾隆二十五年任。

张大魁 长安县人。乾隆三十六年任,四十一年十月内升授庆阳协千总。

甘玉荣 咸宁人。乾隆四十一年任。今见任。

## 淳化县志卷十九

### 登科志第十四

#### 进士

旧志：凡已见进士者，乡科不重录。

#### 宋

侯莫潜 王洲 李高 侯莫逸 董持 田克 叶宾 以上俱见《儒学八行八刑碑阴》。

#### 明

罗廷绣 嘉靖辛卯科举人，戊戌科进士，详见《士女志》。

罗廷绅 嘉靖丙午科举人，癸丑科进士，详见《士女志》。

罗 奎 嘉靖甲子科举人，隆庆戊辰科进士，详见《士女志》。

贾克忠 万历癸卯科举人，甲辰科进士，详见《士女志》。

#### 举人

#### 宋

张 财 张绅 金吕滨 惠敦书 李珽 邢贲 张执礼 江安 张从谦  
以上俱见《儒学八行八刑碑阴》。

#### 明

张景芳 洪武时人。详见《士女志》。

任泰亨 洪武时人。任光禄寺署丞。

张志学 永乐时人。任沧州判官。

桑 本 永乐时人。任山西介休县训导。

罗 政 永乐乙酉科解元。任山西绛州训导。

赵 信 永乐时人。详见《士女志》。

- 米 禄 永乐时人。任山西晋府教授。
- 淡 渊 永乐时人。
- 张 瓚 永乐时人。
- 关 贵 正统丁卯科,详见《士女志》。
- 罗 楫 景泰庚午科,详见《士女志》。
- 王 迪 天顺乙卯科。
- 袁绍宗 宏治己酉科。
- 王启霄 字九重。宏治壬子科,任山西闻喜县知县,补直隶靖江县知县。
- 白 素 字纯夫。正德己卯科。
- 马自显 字以忠。嘉靖戊子科,任直隶饶阳县知县,补行唐县知县。
- 王尚友 嘉靖甲午科,详见《士女志》。
- 王永寿 字体仁。嘉靖癸卯科,任山东临邑县知县。
- 袁 祯 嘉靖己酉科,详见《士女志》。
- 葛舜臣 嘉靖壬子科,任直隶柏乡县知县,以才调永清县知县。
- 李承薰 字子香。嘉靖戊午科,任山西屯留县教谕,升直隶枣强县知县,历任四川重庆府通判。
- 王建中 字民极。嘉靖辛酉科。
- 王思恭 字肃叔。嘉靖辛酉科。
- 罗廷杰 字公兴。嘉靖辛酉科。
- 郗应芳 字惟实。隆庆丁卯科,任直隶河间县训导,升东光县知县,历任山西潞安府同知。
- 罗希益 字景虞 万历壬午科,详见士女志。
- 罗 胄 字汉章。万历甲午科,任四川宜宾县知县,补河南西华县知县。
- 罗宏谊 字西愚,廷绅子。万历癸卯科。
- 贾我琪 崇正壬午科,详见《士女志》。
- 以上俱见旧志、邠州志《儒学题名》。
- 国朝**
- 王 珏 字明玉。顺治丙午科,任河南密县知县。

贾献廷 字公辅。顺治辛卯科,授四川苍溪县知县。

罗璇袞 字九章。康熙己酉科,初任延安府府谷县教谕,后任凤翔府汧阳县教谕。

张灿垣 康熙壬子科经魁,详见《士女志》。

王开基 字笔岐。康熙壬子科,初任临洮府狄道县教谕,后任汉中府西乡县教谕。所著古今文,门人刊刻行世。当荒岁赈贷全活,宗党至今称之。

王 玺 字帝珍。康熙壬子科,任汉中府西乡县教谕。

姚 谦 字六吉。康熙癸酉科。

姚启文 字彩生。康熙癸酉科。任浙江处州府遂昌县知县。

高 倬 字挺生。康熙甲午科。

葛 蓄 字渊若。康熙甲午科,任甘肃凉州府永昌县教谕。

葛联桂 字棠鞞,毓秀子。雍正己酉科。

宋 炎 字云峰,希曾子。乾隆壬申恩科拣铨,江苏试用知县,借补两淮盐务广盈库厅大使。

张 昌 字泰交。乾隆己亥恩科。

范兆昶 永东昇。乾隆庚子科。

贡生

明

第五宁 洪武时人。详见《士女志》。

贾 贯 永乐时人。详见《士女志》。

任 泰 任山西汶溪知县。旧志:汶上县,与袁让任县丞,疑误。今从《邠州志》。

武 斌 历任山东按察司佥事。

李 贯 成化时人。任四川宝县知县。

袁 让 成化时人。详见《士女志》。旧志:天顺中,今从《邠州志》。

王 都 成化时人。任河南汲县县丞。

朱 珽 任直隶无锡县县丞。

姚 温 任直隶舒城县县丞。

仙得春 任直隶东光县知县。

姚 昇 任直隶曲周县县丞。

李 贯 任直隶州判官。

刘 泰 任直隶通州判官。

闵 文

罗 恕 宏治时人。任直隶衡水县知县。升四川布政司理问。致任年九十四。

刘 祥 任直隶处州府知事。

郭 缙 严 政 杜 广

王 忠 任隶山海卫经历。

关珊贵子 任直隶宛平县县丞。

关珊贵子

武 英 任四川保定府知县。

陈 情 任直隶江都县主簿。

关瑞贵子 张斐 任直隶清苑县主簿。

马 聪 杨 威 姚 文

罗九思 字一之，楫子。由三水县宏治中任山西夏县知县，卒于官，民为立遗爱碑。

袁珠让子

李逢春 字元之。任直隶永平府经历。

李 时 字以中。任山东兖州府教授。

袁 宁 字世安。由三水县学正德中任都察检校，升山西浮山县知县。

苟 英 字会德。正德中任四川温江县主簿。

王 毓 字萃华。正德中任四川长寿县主簿。

于 聪 字尚德。任湖广襄阳王府奉祀。

朱 杲 字东阳。嘉靖中任山东高密县主簿，改四川营山县主簿。

魏 辅 字良弼。嘉靖中任山西黎城县县丞，升直隶赞皇县知县。

仙尚廉 字宗义。嘉靖中任山西平陆县县丞，升直隶肃宁县知县。

任 宏 字文用。嘉靖中任直隶浚县县丞。

罗天爵 字良贵。嘉靖中任直隶滦州判官。

罗尚锦 字在中。嘉靖中任直隶高邮州判官。升深泽县知县，调南召县知县。

刘 源 字本盛。任河南原武县主簿，升直隶博野县县丞。

罗正夫 字孟修。

王志敏 字天性。嘉靖中任直隶涿州训导。

王济周 字惠民。任山东夏津县主簿。

李 性 字復性。

关邦镇 字汝节，瑞子。任山东钜野县县丞，诬误去官，人共惜之。

刘 铿 字鸣远。任河南永宁县训导，升南阳县教谕。

罗贤夫 字孟育。任直隶庆云县知县，调镇江府教授。

罗仁夫 嘉靖时人，详见《士女志》。

郭献忠 字汝显。

李朝阳 字鸣凤。

袁秉真 字希鱼。任山东章邱县县丞。

任光裕 字德彰。任辽东广宁卫教授。

罗 朝 字以时。

刘天祥 字子和。任直隶顺义县训导。

王 恒 字伯占。

王 化 字以诚。任山东登州府训导。

姚元德 字继舜。任山西沁州吏目。

寇从皋 字希唐。任四川马湖府经历。

关治教 字孟明，邦镇子。

寇 盈 字子虚。

罗 鯤 字子鱼。嘉靖辛酉科副榜，任直隶青县知县。

王 昂 字伯俛。隆庆时恩贡。

杜孟舒 字纪政。

以上俱见旧志、邠州志，年分俱无考。

罗云凤 字应瑞。万历时人。

罗吉夫 字天详。任山西太谷县知县。

罗大缙 万历时人，详见士女志。

罗 蟾 字蒲川。任山东肥城县主簿。

罗 元 字忍轩，廷绣子。任光禄寺丞，升河南南州府通判。

罗 元 任河南嵩县训导，升湖广陨县教谕。

罗 椿 字葵峰。善书，通古文。任河南汝阳训导，升四川黔县教谕。

罗宏讚 字相如，廷绅子。任直隶繁昌县训导，升保安县教谕。

罗宏浩 字勤轩，廷绅子。博学，善楷书。任青县训导。

以上俱见《罗氏家谱》，年分无考。

宋明道 天启六年岁贡，详见《士女志》。

张 坊 崇正八年岁贡，详见《士女志》。

余俱无考。

## 国朝

郭 峤 顺治二年岁贡，任河州训导，升鄜州学正，又升榆林卫教授。

贾我理 克忠子。顺治二年拔贡，任江南常州府通判。

杨其道 顺治四年拔贡。

姚开元 顺治五年拔贡，详见《士女志》。

王克诚 顺治六年岁贡。

马谏德 顺治八年岁贡。

罗万里 顺治八年恩贡，授河南睢州判官。

任玉绶 顺治十年岁贡。

宋振麟 顺治十年拔贡，详见《士女志》。

王兆熊 顺治十二年岁贡。

罗延祚 顺治十四年岁贡，任巩昌府文县训导。

杨其德 顺治十六年岁贡，任庆阳府环县训导。

秦国翰 顺治十八年岁贡。

潘祚昌 顺治十八年恩贡。

张鹏翼 康熙三年岁贡。

贾我瑛 康熙九年岁贡,任兴安州平利县训导。

罗嘉积 康熙十一年恩拔贡监。

刘从圣 康熙十一年岁贡,详见《士女志》。

安仁 康熙十三陵三年岁贡,详见《士女志》。

王新运 字熙还。康熙十五年恩贡,任巩昌府西和县训导,年九十引年归里。

罗延祊 康熙十五年岁贡,任高台卫守御所训导。

郝之奚 康熙十七年岁贡,详见《士女志》。

王御风 康熙二九年岁贡,详见《士女志》。

杨其文 字子素。康熙二十一年岁贡。

贾文耀 康熙二十三年岁贡,详见《士女志》。

张九经 字于一。康熙二十四年拔贡。

吕鼎周 字卜年。康熙二十五年岁贡。

罗万图 字还贞。康熙二十七年岁贡。

吕奋渭 字建勋。康熙二十九年岁贡。

任圣任 字莘叟。康熙三十一年岁贡。

张远猷 字伯宏。康熙三十三年岁贡。

刘大烈 字丕承,从圣子。康熙三十五年岁贡,家贫苦志,勤于训课;三十九年,知县张如锦捐俸具束脯,延为义学师。

白调元 字扬辉。康熙三十七年拔贡。

葛松龄 字寿生。康熙三十七年岁贡。

李绍远 字久唵<sup>①</sup>。康熙三十九年岁贡。

葛毓秀 字子实。康熙戊子年岁恩贡。

<sup>①</sup> 唵:此字印刷模糊,疑为唵(jin);《墨子·士》:“近臣则暗,远臣则唵。”又疑为唵(yin):同“崕”,形容山高峻貌。存此备考。



- 李自新 乾隆元年恩贡生。
- 葛 敞 字荣齐。乾隆庚午恩贡生。
- 郝 焕 字唐华。恩贡生。
- 郭帝居 字紫官。乾隆壬午恩贡生。
- 韩 琳 字五玉。恩贡生。
- 吕集成 字振声。乾隆壬辰恩贡生。
- 何锡予 字袞黼。乾隆己亥恩贡生。
- 宋希曾 字惟心，宣子。雍正癸卯拔贡生，任西安府蓝田县教谕。
- 王文昭 字世泽。雍正己酉拔贡生，任福建兴化府莆田县知县，升台湾府海防理番同知。
- 吕临齐 字建东。雍正己卯拔贡生。
- 李佐唐 字邨侯。乾隆辛酉拔贡生，考取州判。
- 葛善应 字毅胎，纯熙子。乾隆癸酉拔贡生，任甘肃凉州府武威县教谕，服阙补授直隶乾州武功县教谕。
- 罗雯浩 岁贡生。
- 郭 遴 康熙五十七年岁贡生。
- 郭葳都 岁贡生。
- 郝存义 字子正。岁贡生。
- 宋 宣 岁贡生。
- 葛攀桂 字丹林，毓秀子。康熙庚子岁贡生，任汉中府略阳县训导。
- 张 源 岁贡生。
- 张 綵 雍正十年岁贡生。
- 贾懋善 雍正四年岁贡生。
- 罗 金 字丽川，万藻子。雍正己酉岁贡生。
- 张 瑄 岁贡生。
- 任元臣 岁贡生。
- 罗懋贤 岁贡生。
- 郭世藩 字延年。乾隆己未岁贡生。

- 贾子恂 乾隆丙辰岁贡生。
- 罗 乔 乾隆己未岁贡生。
- 张 端 字于始。乾隆己丑岁贡生。
- 仙步月 岁贡生。
- 罗长庆 岁贡生。
- 张 铎 字振文。岁贡生,任西安府耀州训导,服阙补秦州徽县训导。
- 罗汝信 字恂若。乾隆丁卯岁贡生。
- 白毓华 岁贡生,任凤翔府岐山县训导。
- 杨大夏 岁贡生。
- 郭兆丰 岁贡生。
- 王学孔 岁贡生。
- 葛纯熙 字时菴,攀桂子。乾隆丙子岁贡生。
- 王宪典 岁贡生。
- 李 芳 字馨若。乾隆庚辰岁贡生。
- 侯世爵 字公锡。乾隆壬午岁贡生。
- 郭德一 字长民。乾隆乙酉岁贡生。
- 李树本 字务滋。乾隆甲申岁贡生。
- 罗汝明 字绘邻。乾隆戊子岁贡生。
- 王尚仁 字善长。乾隆庚寅岁贡生。
- 张万钟 岁贡生。
- 邵继奎 乾隆壬辰岁贡生。
- 罗孔宣 字圣章。乾隆丁酉岁贡生。
- 王 霞 字赤城。乾隆戊戌岁贡生。
- 郭承林 字仍宗。乾隆己亥岁贡生。
- 王式毅 字体性。例贡生。
- 王式般 字体恒。例贡,候铨州同。
- 南万福 例贡生。
- 唐启贤 廩贡生。任延安府训导,服阙补西安府三原县训导。

葛德充 字含章。乾隆壬寅岁贡生。

罗懋德 字允中。康熙戊子副贡生。

范伯棠 字荫南。乾隆庚子副贡生。

刘原清 字洁操。乾隆庚子副贡生。

武榜,本朝俱无考。

## 进士

## 国朝

## 举人

贾我湖 字禹谟,克忠子。康熙戊午科。

## 廕封<sup>①</sup>

## 明

罗文善 化子楫贵。赠文林郎、河南商水县知县。妻李氏封<sup>②</sup>孺人。

罗志刚 以子恕贵。赠文林郎、直隶衡水县知县。妻李氏赠孺人。

罗仁夫 以子廷绣贵。补封中宪大夫、通政司右通正。妻袁氏累封恭人。

王 纪 以子尚友贵。赠奉政大夫、户部福建司郎中。妻刘氏赠宜人。

罗中夫 以子廷绅贵,封承德郎、户部山西司主事。妻刘氏封安人。

罗廷辉 以子奎贵。赠中宪大夫、兵部员外郎。妻姚氏封宜人。

罗 琚 以子希益贵。赠中宪大夫、湖广郧阳府知府。妻姚氏赠恭人。

罗 楫 妻韩氏封孺人。

罗 恕 妻杨氏赠孺人。

罗廷绣 妻姚氏累封恭人。

王尚友 妻李氏封宜人。

罗廷绅 妻吕氏赠安人,继妻张氏封安人。

罗 奎 妻任氏累封恭人。

<sup>①</sup> 廕(yì)封:这里指封建社会推恩及先、推恩及外戚的制度。明、清时,推恩及先的称封赠,推恩及远祖或外戚的称廕封、廕赠。即一人当官,其父母、祖父母、原、继配妻室可得到同职级的封赠。还可呈请对其远祖、伯叔及外祖父母的廕封、廕赠。

<sup>②</sup> 封:在世者称封,去世者称赠。

罗希益 妻任氏累赠恭人,继妻张氏封恭人。

以上俱见旧志《罗氏家谱》。

郝允中 以子应芳贵。于万历十六年,诰<sup>①</sup>赠奉政大夫、山西潞安府同知。

妻刘氏赠宜人。

葛毓秀 以子攀桂贵。于乾隆三年,敕赠修职郎、陕西汉中府略阳县教谕。原配罗氏,继配郭氏俱赠孺人。

宋 宣 以子希曾贵。于乾隆十六年,敕赠修职郎、陕西西安府蓝田县教谕。妻郝氏赠孺人。

王家楨 以孙文昭贵。于乾隆十九年,诰赠奉政大夫、福建台湾府军民海防同知。妻罗氏赠宜人。

王之璧 以子文昭贵。于乾隆十九年,诰赠奉政大夫、福建台湾府军民海防同知。元配罗氏,继配宋代俱赠孺人。

葛纯熙 以子善应贵。于乾隆三十六年,敕封修职郎、甘肃凉州府武威县教谕。妻王氏赠孺人。

唐继舜 以子启贤贵。于乾隆三十六年,敕赠修职佐郎、陕西延安府训导。妻李氏封孺人。

<sup>①</sup> 诰:五品以上称诰封,六品以下称敕封。

## 淳化县志卷二十

## 士女志第十五

郑朴 《高士传》：字子真，谷口人。修道静默，世服其清高。时大将王凤以礼聘之，不屈。扬雄盛称其德曰：谷口郑子真，隐于岩石之下，名震京师。冯翊人刻石祠之，至今不绝。《云阳宫记》：子真所居处有泉，时人名为郑泉。

宣秉 《后汉书》列传：字巨公，冯翊云阳人也。少修高节，显名三辅。哀平际见王氏据权专政，侵削宗室，有逆乱萌，遂隐遁深山。州郡连召，常寝疾不仕。王莽为宰衡，辟命不应。及莽篡位，又遣使者征之，秉固称疾病。更始即位，征为侍中。建武元年，拜御史中丞。光武特诏御史中丞与司隶校尉、尚书令会同，并专席而坐，故京师号曰“三独坐”。明年迁司隶校尉，务举大纲，简略苛细，百僚敬之。秉性节约，常服布被，蔬食瓦器。帝尝幸其府舍，见而叹曰：楚国二公，不如云阳宣居公，即赐布帛、帷帐、什物。四年拜大司徒，直所得俸禄，辄以收养亲族，其孤弱者分与田地，自无担石之储。六年卒于官，帝愍惜之，除子彪为郎。《东观汉记》：彪官至元淳太守。

旧志载：秉，泾阳人。今考《汉书》光武云：云阳宣巨公，是时云阳未分县也，故仍旧志首录。

亮吉按：旧志又载第五伦。今考《汉书》，伦，京兆长陵人，是与云阳无涉。即云后裔居淳化者，因而载及伦，则强祖就孙，又非史例。今不录。

王隆 《后汉书》列传：字文山，冯翊云阳人也。王莽时以父任为郎，后避难河西，为窦融左护军。建武中为新汲令。能文章，所著诗、赋、铭、书凡二十六篇。初，王莽末沛国史岑子孝亦以文章显，莽以为谒者。著颂、诔、复神、说疾凡四篇。

王宏毅 《泾阳县志》：字子远，唐王珪裔也。总角<sup>①</sup>通诗书，善属文。元兵克汴，避难习医。及归元，管勾<sup>②</sup>太医院事，治疾如神。年四十，即求退隐谷口之文川，结庐溪上，寿七十五而终。

### 元

赵 弼 《泾阳县志》：字元辅。父得贤，丰州军民总管，以征蜀过京兆云阳，因家焉。弼年十一，父卒。会世祖平云南，归驻平凉，母携往谒。世祖怜而爱之，视遇甚优。后官朝列大夫，历签书枢密院事。大德三年，以平章政事议陕西省事。卒，赠潞国公。公事母至孝。为大都留守，屏驺从<sup>③</sup>，惟家僮一二。馈食平生。珠帽锦衣，非燕内廷不服，其简抑如此。

### 明

张景芳 旧志：洪武中举人。任浙江金华府同知，有善政。旧祀乡贤。

第五宁 洪武中贡生。任交趾当道县知县，远人畏服。旧祀乡贤。

赵 信 永乐中举人。任刑科给事中，刚直敢言。旧祀乡贤。

贾 贯 永乐中举人。任山西绛州同知，清白有守。旧祀乡贤。

关 贵 字天爵。正统丁卯科举人。任直隶良乡县教谕，转四川成都府教授，升梓潼县知县。《四川通志》载筑城事迹。后补绵竹县，调巴县。《保宁府志》载循良传。今祀乡贤。

罗 楫 字济川。景泰庚午科举人。任河南商水县知县。巡抚王端毅公<sup>④</sup>题荐，令行禁止，政妥民安，通省卓异第一。升直隶开州知州。政绩详《开州志》。今祀乡贤。

袁 让 天顺中贡生。任山东汶上县知县，持守公廉，善于抚字，当道交荐其贤，载《山东通志》。秩满堂迁民，伏阙奏留。复任后以疾归，皆遮道泣送。今祀乡贤。旧志按：旧称任县丞，恐佐贰无复任之例。今从《邠州志》。

罗九霄 字隐之。年十二，随父楫任开州，能襄理善政，却馈金。嘉靖初

① 总角：古代男女未成年时束发为两结，形状如角。故称总角。

② 管勾：办理。宋以管勾为官称。金、元之际，各职司多置管勾，办理具体事务。

③ 驺从：显贵出行，在车前后的侍从。

④ 王端毅公：王恕，三原人。官至太子太保、吏部尚书。谥端毅。

迁学官,众共推监督,勤慎不苟,以恩例有司劝冠带。屡举乡饮,晚号福田翁。复建永安桥,为地方风水所重,工费浩繁,皆捐资以给。时年已耄,扶杖亲率,工作无倦容。子仁夫、贤夫俱贡生,任知县。又督诸孙学。年九十余,见廷绣登进士、任文选;廷绅举于乡。旧志载耆德详,见马理撰《隐德传》,载《邠州志》。

罗仁夫 字孟居。尝读书寿峰山下,自号寿峰,嘉靖中选贡生。子廷绣任吏部郎中,考绩当封,不受;及任通政,当封,又不受。就任山西平乐县知县,以廷绣巡抚四川,取道省亲,乃致仕归。在任多实政,士民攀援拥道。及卒,补封右通政,遣官谕祭于墓。详见乔世宁撰墓碑。

罗廷绣 字公裳。嘉靖辛卯科举人,戊戌科进士。由行人历任吏部郎中、太常寺卿、通政,仕至四川巡抚都御史。明县中无甲第,自公发祥,遂跻显仕。制词称其朴茂之质,谏达之才。晚年家居,创修县志,纂述淹贯,考论详核,为乡先达文学之冠。惜状志遍索不得,其他著述,亦俱失传。

王尚友 字子益。嘉靖甲午科举人。初任四川通江县知县,由知州历升户部福建司郎中。居乡惠爱及人,于封赠原筑堰蓄水,为近村灌溉之利,乡人德之,立王郎中祠。

罗廷绅 字公书。嘉靖丙午科举人,癸丑科进士。由主事历任至四川保宁府知府。赞其兄廷绣成本县志,留心金石遗迹,不致泯没,士大夫博学好古,略见一斑。所著有《小山志》,不传其状,志亦无考。

袁 桢 字伯祥。嘉靖己酉科举人。隆庆中抚按汇题荐举孝廉,授国子监学正,升户部员外郎。

罗 奎 字文光。嘉靖甲子科举人,隆庆戊辰科进士。任河南上蔡县知县,荐举卓异。后历升兵部郎中,从朝廷大阅,赐金帛。仕至山东莱州府知府。详见袁桢撰墓志。

罗希孟 《通志》:字景虞。万历壬午科举人。初任直隶望江县知县,由户部员外郎历郎中,升湖广郧阳府知府。仕至云南按察司副使监军,多功滇中,有长城之望。卒于官,得旨赠恤。

贾克忠 字献我。万历癸卯科举人,甲辰科进士。初任直隶黟(xī)县知

县,调繁休宁。升刑部主事,审录四川,以衿疑出死罪以下百六十余人,蜀人颂之。寻任直隶庐州府知府,除强暴,兴学校,善政著闻。历山西布政司参政,升按察使司按察使。素性谨厚,家居杜门,课子不妄交游,教诸生多所造就,乡曲敬服。今祀乡贤。

宋明道 《通志》:字景程。天启六年贡生。任西乡县训导,寻改紫阳县。升肃州卫教授。性宽和温厚,而不轻言笑,为诸生模范肃如也。以年老引归,杜门。发所藏书教其子振麟,遂为名士。尝躬亲垆亩,云:农以资学,虽老不可忽。及崇正末大饥荒,家人间食糠核,以粟分给宗党,人交赖之。

王近泉 《通志》逸其名不传。生有奇气,博览古今,不屑为举子,业以理学,有名关中。三水文光禄太青尝从之游,推为高隐。

罗大经 旧志(按以下同):以岁贡生任湖广郧县训导,升竹山县知县。在任有功,随升郧阳府推官。监军六营,又升本府清军同知。

### 国朝

贾我琪 字元圃,克忠仲子。明崇正壬午科举人。国朝顺治十三年任直隶大明府通判。修黄河金龙口,勤慎有功,加升广西庆远府知府。行至襄阳,慨然曰:奈何以父母之身,轻投瘴疠之乡哉?遂请致仕归里。

张坊 字南谷。明崇正中岁贡生。初任兴平县训导,升汧阳教谕,又升宁夏卫教授。端方正直,勤课多士,当道三次荐擢,委署平凉府推官。国朝顺治初年留任教授。引年归,自号南谷老人。烟霞邱壑,宁静淡远,不入城市,复十余年。知县赵、文二君皆推重,屡举乡饮。卒,年九十四。

姚开先 字尧门。顺治五年恩拔贡生。初任汾州府临县知县,复补四川盐井卫经历。康熙十三年,吴逆变滇中,贼党入蜀逼投顺,不屈,于会盐营自缢死。子谦被掠后,冒险扶梓归奉母王氏。矢志力学,中癸酉科乡试,不幸早卒。忠烈之后,不得食报,识者痛之。孙源浚,县学生。

宋振麟 字子桢。顺治十二年恩拔贡生。性狷介,博极群书。尤究心理学。部檄应受职,以疾辞;及当事荐举博学,复坚辞不应。所至郡邑,诸有司先达争聘,致为经师。康熙三年,贾中丞延修通志,与华阴王三史、朝邑李叔则诸君同任纂辑。叔则题像赞有:“文献不足,有宋存焉”之句。富平李天生又云:



“其貌古以苍，其神清以刚，其操洁而行芳，其中坦而外方”，亦可见其为人矣。所著《大学知止义说》《二程语录实鉴》及诗文甚夥，学者宗之。年近七十，端坐而逝。私谥文介先生。子越、崑、宣，县学生。

葛大才 字文涵。旧义门里人。年十七丧母，哀毁过人，事继母孝谨。为诸生闭户潜修，教子孙淳淳天理人欲之辨。当明祚将终，梦日月并陨；及闯贼至，又梦城隍神告丁忧；平生无妄语，人皆信之。年六十，预尅期，聚亲族笑语而逝。里中李善者，死三日复甦，述于冥中见其衣冠谈笑如生前，且告以善恶果报，历历不爽，人于是更异之。子毓秀，孙攀桂，俱廩膳生。

罗万藻 字含素，青县君五世孙。食饩于庠，善承家学，清操介节，终身如一。日与同县姚门宋子楨为道义交，讨论性命之学；又能海迪后进，多所造就。子楨子鉞，受业万藻；万藻子金，复受业于鉞，有文誉，试尝冠军。

寇宏化 字禹门。县学生。性醇厚，与人温和可亲。晚自号东皋处士。生平好施，与时值岁凶，解衣推食，全活者甚众。名流赠言云：“在《易》为敦民之确，在《诗》为载阳之熙，”良非虚语。

张灿垣 字帝彩。县学生。凤翼子也。少聪敏，年十七两冠童子科，二十饩于庠。三应秋闱不利，父怒诃之，跪而对曰：儿功候未到耳。闭户揣摩，思慰义方<sup>①</sup>之训。康熙壬子科，云间叶忠节公典试，以春秋冠多士，为第三人；制艺<sup>②</sup>，人传诵之。平日笃志事亲，和睦族党。所居近河村，有公子扶苏庙，与同里修葺。设乡约，朔望宣讲上谕，化导乡人。屡上春官，不售，身后家徒壁立云。

刘从圣 字孔门。康熙二十一年岁贡生，读书教子，足迹不履公门。任庆阳府环县训导时，兵燹后栖止城楼，捐俸修葺文庙，立御制碑。告老归，卒，年八十有九。子大定，县学生；大烈，贡生；安仁，岁贡生，任凤翔府扶风县训导，捐俸重修启圣祠，立碑棖星门。又修三班、三马庙。

郝之奚 岁贡生。任汉中府褒城训导，以身施教，为士林楷模。捐俸修马

① 义方：指以做人的正道为主旨的家庭教育。《左传·隐三年》：“爱子教之以义方，弗纳于邪。”

② 制艺：明、清科举考试的文章程式。又称制义，即八股文。

道、青桥二驿桥梁，复于鸡头关施茶汤以供商旅。虽小惠，出自俸，人多诵之，立有碑记。

王御风 字郑圃。以岁贡生任潼关卫训导。时康熙三十一年值大荒歉，捐俸以助祭典；又贷粟赈恤灾黎。越三岁，卒于官。

罗璇究 康熙己酉举人。任府谷、汧阳两县教谕，遵鹅湖规条<sup>①</sup>，多方陶成，士司为之丕变。及致仕归，教人训俗，不特士林推之，即编氓亦致敬云。

罗金 字明川。雍正己酉贡生，孝友性成，端慤自矢，苦心读书，毫不倦，人咸称之。

葛攀桂 以岁贡任汉中府略阳县训导。幼即颖悟，潜心经史。及官略阳，训迪有方。人才蔚起，一时士风丕振。壬戌致仕归，学问德望，为乡里所重，三举乡饮大宾。其子纯熙，丙子岁贡生；孙善应，癸酉拔贡生，见任武功县教谕。孙曾为诸生者继起。

宋希曾 文介公季孙。雍正癸卯拔贡生。幼颖悟，年十四，通六经。长为诸生，屡试冠军，且孝友性成，品端学粹。当事以贤良方正荐，秉铎蓝田士林，遵为法守。其致仕也，邑大夫雅重其品，创立云陵书院，延为师范。三举乡饮大宾。长子焕，增生<sup>②</sup>；次子炎，壬申举人，拣发江苏试用知县，借补两淮盐务广盈库大使。

葛联桂 字棠韡，毓秀次子。雍正己酉举人，学优行正，卓犖不群，为名公巨卿所重。常语人曰：“学以正心诚意为本，必不愧不作，乃可为父母之肖子，天地之完人。”故游其门者，必先行而后文。知县鲍公、彭公钦其学行，延为西宾。寿七十而终。子绵泽、继亮，俱增生；孙德充，廩生；教成，庠生。

王大受 字作楫。增广生。赋质纯谨，孝友性成。生平留心经史，驰誉士林。知县黄公重其品，举乡饮介宾。长子洁，次子喜，俱诸生。克继家声，众咸称为善人之报云。

<sup>①</sup> 鹅湖：指江西庐山。宋淳熙二年，朱熹与吕祖谦、陆九渊兄弟讲学鹅湖寺，后题额文宗书院。明正德中徙于山麓，改名鹅湖书院。鹅湖规条，即指鹅湖书院的规章模式。

<sup>②</sup> 增生：科举制度生员名目之一。明代生员都有月廩，每人米六斗，有一空名额，为廩膳生员。后又于正额之外，增加名额，称为增广生员。请承明制，简称廩生、增生。

郭世藩 字延年。乾隆乙未岁贡生。博极群书,试辄冠军,而又存心宽厚,持己端方。知县黄公延为义学师范。游其门者,俱有名士林。两膺乡饮大宾。至老好学不倦。子三:容、安、兆千,俱诸生。

张 端 字于始。乾隆丙寅岁贡生。品端行正,学问优长,谦恭由其养裕,孝友本自性生。知县黄公重其品,三举乡饮正宾。子大受,诸生。

李 芳 字馨若。乾隆庚辰岁贡生。赋性孝友,待人温恭,文章本乎经史,品行著于端方,且循循善诱,游其门者,类多知名士。知县于公重其学行,延为义塾师。时过里閤,即贩夫孺子,亦肃然起敬曰:吾家先生来也。

罗汝明 字会邻。乾隆戊子岁贡生。天性孝友,学问渊深,律己端严,待人宽厚。知县万公重其品,两举乡饮正宾。子际昌,诸生。

罗汝信 字洵若。乾隆丁卯岁贡生。赋性高古,质朴无华,少壮时聚童子为小学之教。凡洒扫应对之属,曲尽其节。既耄后,犹孳孳教人,不惮烦碎,有古乡先生之风焉。子全年,诸生。

吕集成 字振声。乾隆壬辰恩贡生。性耿介,不妄交游。少时家綦贫,承颜愉志,人钦其孝。素嗜学,博极群书,毫而不倦。凡旗亭茶肆,未尝见履迹,士林咸推为模范云。

郭帝极 字民瞻。邑廩生。品行端方,学问纯粹,家庭尽孝友之道,乡里笃姻睦之风。三举优行,学者宗之。孙中都,诸生。

## 淳化县志卷二十一

### 士女志第十五

#### 孝子

##### 明

王尚贤 字贵德。邑廩生。事父母尽孝。父卒，事母刘，极恭顺，有戏綵娱亲之意；与友朋无竞，言犯而不校。人称为长者。子思恭，举人。

郭庆元 字汝节。幼孤，赖嫡母齐氏抚养，童时事齐能尽孝。及长，生母刘氏既他适，迎归亦善事无异志。嘉靖初年，恩例冠带，举乡饮。

##### 国朝

贾文耀 字彬彬。祖克忠，父我琪。幼寄居省中。明崇正十六年十月，闯贼入潼关，省城陷，举家窜散。文耀时年十八，负母任氏，冒锋刃，兼值雨雪，徒步涉渭河归县。未几，土贼郭君振破县，同父母匿高楼。贼诱我琪下，缚之。文耀求以身代，不许。缚至石门山张果老岩，复号泣求赎，乃释其父而囚之。贼婪索无厌，日拷挞绑营外，欲杀五六次。贼首刘文炳怜其孝，得稍纵。历二载余，赤身跣足，苦楚万状，一夕潜逃归，幸父母俱无恙，勉励读书。本朝顺治初年为庠生，康熙二十二年岁贡生。父历仕至知府，母封安人。人皆以孝子备尝艰险，殆不易得云。

葛俊 字前山。少失怙恃，养于外大母赵氏。赵素封<sup>①</sup>欲以为嗣，坚辞之，以祖父宗祧自重。明季徭役烦苦，里多流亡，经营赔累，皆称长者。子崇明，性笃孝，母病侍汤药、尝粪，料不起，昼夜号泣。值岁奇荒，令从远方贩粟，赈济族人。可让等邻里、马三用等数十家，俱赖以全活。督课子孙，得岁贡者

<sup>①</sup> 素封：指不仕之人有田园收养之富。《史记·货殖列传》：“今有无秩禄之奉，爵邑之人，而乐与之比者，故曰‘素封’也。”

一:松龄;食饩者一:桧龄。年八十二而终。崇明年五十余,父歿哀毁,释服日过恸,一仆竟卒。详见李教谕一鹏撰《孝义传》。

刘名翰 原长安人。早丧父母,其伯父母鞠育之。及长,充本县营伍。伯母病思食肉,因向天默祷,刲股为羹以进,伯母病随愈。县令文公闻而异之,以花红鼓乐迎送,邑中共称孝子云。

焦克讲 五岁丧父,事母最孝。母歿,结庐墓侧,朝夕拜奠,不饮酒,不茹荤,人问其故,曰:余少有疾,母依医言素食,余疾就痊。余虽终身斋素,尚不足报母恩,况三年内乎。见年五十二岁。

孙景道 善事继母黄氏,孝养备至,即果蔬必先奉母,然后入口。温清定省,依依孺慕之忧,朝夕不懈。见年五十一岁。

王 缙 年十一,生母见背,善事父。与继母昼则躬稼穡之事,夜则侍父母之侧,命之寝乃寝。父母歿,号泣不食,几于灭性。守丧三年,未见有笑容。年六十歿。

郗汝梓 字朴庵。县学生。天性孝友,家贫,亲老菽水承欢,就馆泾阳。未两月,夜忽心动,次日即旋里,父果染疾。朝夕侍奉,衣不解带;典物易药,必先尝之。迨父歿,丧葬尽礼,岁时荐新,无异生前,知县杨公表其间。年六十二岁歿。

贾 刚 字乾若。县诸生。少有至性,事继母极孝。家甚贫,夫妻咽藜藿,而堂上甘旨不缺。当母病,躬侍汤药,衣不解带者数月。迨母歿,哀毁骨立,须发尽白,年五十有五,歿。县人罗三畏有传。

## 义行

### 金

卢安抚 史失其名。初,金于仲山之巔下临泾水处屯兵,其上设安抚司主其事。末年,卢某为安抚。壬辰,元兵收陕西,与妻子同投泾水死,时人哀而义之。

李子敬 字恭甫。世云阳人。性孝友质谨,善治生致富。宗族乡党赖以葬者三十丧,婚者八十馀家。有贷不能偿者辄焚券,总为钱六万若干缗。里中失火,比屋延烧,近其居自熄,人皆谓积德所致。尝于三原建书院,割田百亩,

供释奠廩饩。行省以闻，朝廷旌其门曰义士。至元六年，奉元路县尹同毅为撰《李君义行记》。

### 明

和孟阳 里民也。嘉靖二十六年，为本县税粮折布轻则减少抛荒地多，抱奏诣阙。事下布政司查问，与高陵民白世万等折辨争论，至折齿不悔，后得照旧办纳，阖邑义之。详见旧《田赋志》。

葛竹溪 邑庠生。素善射。崇正十四年，流寇满天星过县，恣剽掠，竹溪不胜忿。及贼至寺坡崖，奋然挽弓挟矢，射杀十余人。矢尽弦绝，力不能支，遂被害。知县赵之琴题其门曰：文武全材。

### 国朝

王 兴 字两槐。顺治初年，从兄平遭寇伤身故，遗嫂郭氏及三孤，穷苦不能自给，迎归奉养。家本贫，解衣分食，遭岁饥荒，夫妇枵腹露肘无怨言。为犹子<sup>①</sup>婚娶成立，终嫂三十余年苦节，乡党皆高其义。子开基，举人。

王宏毅 行伍。祖居白堡村。务农，膂力过人。康熙十三年，王辅臣叛平凉。五月中，贼纵掠至白堡里，民皆窜走，宏毅独立敌，被擒。闻其勇，投以伪札，立碎之，大骂不绝口，遂受害。甘泉寓叟得其事而义之，为合姚经历殉节，作小传。

韩玺圣 世居集义里，起自行伍。顺治二年，从征逆孽王二等，补湖广鄖阳守备。康熙十七年，奉命进剿竹房，与贼战岔山，力竭被擒。时吴逆方僭踞衡州，贼械以往逼降之。不少屈，骂贼而死。后具闻奉旨赠署游击事，详见罗璇哀墓碣。

李自裕 诸生。上事父母，承颜养志；下育二姪以慈。虽非素封之家，性好施济，造桥梁以便往来，赈贫乏以助昏葬。年逾五十，乃得三子，两为县诸生。

王 珽 字世珍。乡饮耆宾。事继母极孝。从姪得福，幼失怙恃，抚于

<sup>①</sup> 犹子：兄弟之子。《礼记·檀弓上》：“兄弟之子，犹子也。”本义是将兄弟之子看做己子，后来因称兄弟之子为犹子。汉代亦称从子。此处指其从兄之子。

家。且为之娶里人，欠粮银二百馀金，代为完纳。凡慷慨仗义之事，不能枚举，乡党咸称其德。七十五岁歿。

刘昌世 轻财重义。每遇荒岁，出粟赈贷，乡党赖以生全；后遇丰年，如数偿还，却之不受。人咸称其德焉。

刘廷玺 国子监生。赋性倜傥，慷慨好施。遇岁荒歉，不惜己粟以助之，族党藉以全活者甚众。子步云，诸生，人以为好义之报。

温尔润 字涵公。诸生。素性温和，好义乐施，不独岁荒济饥乡邻，待以举火，凡贫乏之家昏嫁丧葬，亦慨然助之，毫无德色。至今咸称长厚云。

白居扬 字士义。纯夫九世孙。性笃孝友，人无间言。每值荒歉，解衣推食，族里赖之。从弟永禄，异爨<sup>①</sup>五十馀年。禄后家贫，复引同居。乡里称其古道，知县万公举乡饮。年八十岁。子天质，诸生。

罗懋心 字君卿。天性醇笃，重义轻财。术善岐黄，毫而勿倦。从姪汝寿，年老无嗣，收恤之，以仲孙桂年为之嗣。歿年七十有三。三子汝元，诸生。

张绳瑚 素性好施，遇荒年捐资救贫，乡人德之。见年七十有九。

于世梅 字怀英。秉性高古，孝友堪风。周贫济急，助葬完婚。里人称为周急君子。年七十而歿。

孙克寿 仗义轻财，修桥补路，广行方便，出粟助贫。乡人咸称之，不置。年七十九歿。

李如梅 字蔚然。轻财仗义。遇荒岁旱，周急贫乏；族里之冠昏丧葬，有不给者，咸出资以助，毫无德色，乡人感之。见年八十有一。子二：长秉忠，次秉和，俱国子监生。孙二：长仿白，次傲白，俱诸生。

孙 威 字振远。诸生。慷慨乐施，孝友成性。六行<sup>②</sup>克敦，乡里称善。年七十一而歿。

刘秉鳌 孝友堪风。遇荒歉济急恤贫，助葬完婚，乡人咸感其德。年六十二岁歿。

① 爨：读作 cuàn。燃火煮饭。异爨：分灶吃饭。

② 六行：六神善行。即孝、友、睦、姻、任、恤。亦称仁、义、礼、智、信、乐为六行。

张宏倬 负性慷慨，素行仁慈，济贫乏于荒年，怜孤寡于平日。凡遇邻里冠婚丧葬，补助不吝。子杰，诸生。

王 璧 诸生。九龄季子。娶张氏，生一子，方五岁，张氏歿。时璧年二十四岁，念张氏孝事翁姑，誓不再娶。见年已七十，动履强健。有孙二，曾孙二，四世一堂。乡里称其义行所致云。

李廷苾 字向荣。诸生。娶罗氏。年二十四岁，罗氏早逝，仅生一子，甫四岁。苾誓不再娶，年六十卒。子树本，乾隆甲申岁贡生。

王思顺 诸生。生平慷慨仗义，业精岐黄。出粟周邻里，户鲜庚癸之呼；施药活痼疾，人无夭札之惨<sup>①</sup>。年七十卒。

王朝贤 字儒瞻。诸生。秉性孝友，素行慷慨。每遇凶荒，频为补助。恤鰥寡，助婚嫁，硕德懿行，乡里至今称之。

#### 流寓(附)

#### 秦

程 邈 下邳人。为掾获罪，始皇幽系云阳狱，凡十年，从狱中作篆书奏之，始皇大称善，为著作郎。世以史籀所著为大篆，邈所作为小篆，以籀文变为隶体。时方多戍役，狱事烦兴，以施诸徒隶。故曰隶。魏恭襄<sup>②</sup>《泾阳志》云：邈系此十年所造书，传于后世，余不敢泯也。今亦录之。

#### 汉

黄 霸 字次公。淮阳阳夏人。以豪杰役使徙云陵。为左冯翊察廉，补河东均输长。复察为河内太守。时武帝以刑罚痛绳群下，俗吏竞尚严酷，独霸用宽和为治。后任颍川太守，迁京兆尹。治行第一，人为丞相。今祀乡贤。

#### 隋

赵元淑 博陆人，寓居云阳。父世模，高祖时代陈战没，以元淑袭其父爵。炀帝立，汉王谅作乱，从杨素率师击平之，以功特授将军。寻为司农卿，加柱国。

<sup>①</sup> 庚癸之呼：庚，西方，主谷；癸，北方，主水。古称向人告贷为“呼庚呼癸”或“庚癸之呼”。夭札之惨：因无钱看病致死。

<sup>②</sup> 魏恭襄：魏学曾，泾阳人。諡曰恭襄。



## 淳化县志卷二十二

## 士女志第十五

元

刘氏 通志：云阳人，吴君锡妻也。君锡卒，家贫，氏艰苦自给，守节终身。

齐氏 旧志：县贡生郭缙妻，无子。妾刘氏生子二：庆元、庆春；薛氏生一子：庆东。缙卒，时庆元二岁，庆春、庆东各一岁，二妾俱他适。氏年二十七，以死自誓，抚三子如己出，辛勤爱护，俱得成立。嘉靖中，巡按御史张珩以恩例给与帛米，知县陈爵表其门曰“孀节”。

袁氏 旧志：县学生罗九渊妻，生子一，女三。子方八月，九渊卒。氏年二十八，家贫，躬勤纺绩，以抚诸孤。后二女皆择良配，子食廩于庠。寿至七十。知县乔祐表其门，族人廷绣志其墓。

郭氏 旧志：适县学生罗天祐，生子一，甫八月，天祐病歿。时氏年二十二，欲缢以殉。家人苦劝，以养姑为重，乃止。守节三十餘年，嘉靖中得旨旌表。

杨氏 旧志：县民王彦学妻。年三十，彦学歿，子永安八岁、永寿五岁。躬纺绩训子，备极勤瘁。嘉靖癸卯，永寿领乡荐，人以氏为善教。年七十终。

文氏 通志：三水县人。父礼部郎中，讳在中。氏性聪慧，善读书，适县诸生葛大受。年二十二，大受卒，子方襁褓，抚育成人。父撰述《观宇》《观宙》《天经》《天雅》等书。每一稿成，氏手为编次，教其子，亲加讲究。称未亡四十年，志节愈厉，所著有《君子堂集》《幽居草》《九骚》诸篇，余兵燹略尽。

王氏 旧志：处士罗廷官妻。廷官早亡，遗孤二，皆在提抱。茹斋食淡，不改其节。岁屡侵，勤操作，抚子，经理田亩以起家。历五十餘年，寿八十餘。

知县杨嫌为作《苦节记》，比诸岁寒松柏异于梧竹，以其历久不凋为难云。

罗氏 通志：莱州知州讳奎女，适三水举人文毓凤。好读书，善吟咏，克尽妇道。所著有《拾翠阁草》。

邓氏 旧志：嘉靖中贡生罗云凤妻。云凤卒，年未三十，苦志贞节，抚其子相国成立，为上舍生。知县旌其门曰“共节孟教”。

吕氏 旧志：竹山县知县罗大缙元配。未笄于归，能供妇职。奉其姑任恭人，最得欢心。恭人歿，氏已病，强起视含殓，随襄理窆窆<sup>①</sup>。谓竹山君曰：吾方以不克让大事为虑，今大事毕，虽死无愧矣。无何病亟，竹山君叩以魂归入梦。氏叹曰：“魂魄升沉，茫茫何之。死若有知，何异于生。君能来我于心，我即入君以梦。”言讫而瞑。临终了了，非夙具慧根不能道。

罗氏 《三水县志》：西华县知县讳胄女，适三水县诸生文翔凤。性勤俭，综理中馈，躬亲井臼澣浣<sup>②</sup>，与夫力行袁了凡功过格<sup>③</sup>。夫病，侍汤药，不栉沐。逾月及笃，暗具纆欲从死，家人守之，死而甦者三。嫠居四十年，以礼教诲诸子。年八十二终。子倬天，进士。

姚氏 旧志：适罗克明，即前所录天祐子。生八月而孤，年三十三亦寡居。痛姑郭为翁守节，啮指自誓孝养孀姑，抚子尽瘁。割所居地以广学宫，士林交称之。寿八十有三。

罗氏 旧志：名雁珠，县学生补袞女。适泾阳县诸生郭来辅。婚未匝月，延安寇突起，掠泾阳，众妇女同避匿高楼，贼闻新妇殊丽，索之急，因纵火。氏曰：头可断，身不可辱，从容登绝顶堕火中死。时崇正二年正月上元日，年十八。群贼义之，环拜而去，来辅隐其志，终身不再娶。县人表于泾干曰：女中丈夫。

高氏 名荆媧。兄起凤，诸生。崇正五年，流贼掠继母秦氏及荆媧去，起凤驰赴贼营请赎。贼索二马，起凤倾赏得一马予之，贼止还其母。起凤与妹诀曰：我去，汝即死。贼令劝妹从己，且欲留为书记。起凤大骂不从，被杀。百

① 窆窆(zhǔnxi)：墓穴。

② 澣浣：应为澣浣(píkàng)，漂洗。庄子《逍遥游》：“世世以泝澣浣为事。”疏：泝，浮。澣，漂也。浣，絮也。”

③ 功过格：相传明云谷禅师教袁了凡，把每天行事分善恶记录，有善则记，有恶则消除，叫做功过格。

计胁之，荆媪亦大骂求死。贼悦其色，割发裂衣以恐之，媪益骂不已，贼乃杀之，年甫十六。巡按吴牲上其事，兄妹皆旌。

葛氏女 旧志：乳名经姐。街民葛宗修女也。年十三，当明季癸未，闯逆既借踞西安，贼党分徇各州县，淳化随陷。女潜逃匿来箱坡崖窑，贼掠及之，托女出，女极力挣脱，举身投深崖下。贼去后，父母劝之食。女泣曰：儿手被贼汗，誓不偷生。水浆不入口，五日而死。

姚氏 旧志：堡兴村姚永安女。适陈其元，生三女。夫亡，年二十余，凡资产悉让与夫异母弟。茹荼饮冰，甘贫守志，抚其女皆完配。明末遭贼掠，乘间拔贼刀自刎，血涌仆地，贼惊退。越宿得甦，全节终身，年七十以上，含笑而逝。

郭氏 旧志：县人王平妻。顺治元年十月，土寇王老虎袭破县，平方随众守陴。氏闻贼入城，抱幼子甫一岁，同投七十余尺井中。平归，竭力救起，得不死。既而平被贼研伤，越二年卒。氏鞠育诸孤，家计萧然。赖其夫从弟兴嗣恤，依兴度日。苦节三十余年，年七十余。

罗氏 旧志：名窈芳。县学生襄袞女，即竹山县知县孙女，适三原房大猷。顺治二年正月，值兵噪为乱，避高楼上。闻兵至，从楼投下，死。年十八。氏与补袞女雁珠从姊妹。母方娩，梦奉天窈烈女偕雁珠来，因以窈芳名。雁珠前死越十有七年，同日月氏亦遭变死。若梦是践，其英灵再世，如一辙云。

葛氏 旧志：县人葛嘉乐女，年二十一守节。其夫高某歿，子祥兆甫岁余，截岁，以誓无二志。奉寡姑居高家山，遭贼剽掠，举身投谷中，为贼搜获。复举身从巉峭高崖投下，深数十丈，贼以为死矣，置之去。越三日，得其尸，有微息，及救稍甦，即泣问姑何在？曰幸无恙。乃竭力奉养以终。自是长斋五十余年，诵经持佛号。一夕，虎窥牖，氏误为耕牛，以手搦之，虎恬然伏地而去。近村龙神庙岁旱，每致祷间勿应浼<sup>①</sup>，氏往祷即大雨。远近相传其诚孝节烈，能格异物，感神明如此。年八十七卒。祥兆念母艰厄，奉佛写印诸经典以为永慕。复殫资力，铲削崎岖山径，以便往来，殆有得于内典持地之教。

① 浼：读作(wēi)。同“浼”。请托，央求之意。

杜氏 旧志:县学生光前女,适诸生罗章袞,称未亡十馀年。顺治三年六月,土寇攻破县,氏呼所养女淑明、淑仪曰:我孀妇义不可阻挡见贼。指旁一井曰:吾死所也!遂投井死。二女见之泣,不忍独生,相继俱投井死。章袞有犹子群聘,早夭。遗妻田氏所生女,幼年十四,与杜连墙居,闻变,慨然曰:嫠与女俱不可辱!遂携其女投杜所死井,俱死。及变定,五尸出井上,见者无不垂涕。康熙三十二年,知县朱廷铉题其门曰:一门五烈。先是知县赵宾,合罗氏雁珠,窦芳为《七烈传》,其事迹颇详。惜二养女姓氏,竟俱失传。四十年四月,知县张如锦捐俸立祠,与葛氏十三岁女并祀,题曰六烈。

王氏 旧志:县民罗养真母也。夫某亡,年二十三,抚二子,守志不移。二子相继歿,又抚二孙,藐孤在抱,历尽劬劳。知县张纶立坊以表,曰“节久弥贞”。月给仓米二斗。卒,年九十一。

薛氏 王氏 旧志:薛为县学罗维垣妻。年二十余,维垣卒,遗孤铭鉴方二龄。家贫苦守教其子,髻(tiáo)年入县学。不幸早夭。王氏奉姑,又同育二孤雯瀚、雯浩,俱为诸生。今曾孙懋贤、懋德,皆食饩于庠。五世孙复有继起者。济济文学,人以为世节之报。

张氏 旧志:县学生贾思达妻。年三十,夫亡守节。子献廷,举人,康熙十三年选四川沧溪县知县,值吴逆兵变阻金堂,病故。妻王氏年二十九。次子佑廷歿,妻王氏年二十五。三子佐廷歿,妻罗氏年三十二。献廷子又谊歿,妻王氏年二十三。相继先后守节,较五烈虽常变不同,而艰贞如一,聚于同室。王明经熙还,献廷妻之兄,又谊妻之父也。自西和致仕归里,特撰传一篇。时知县张如锦适修县志,因采入。之后阅数十年,沧溪君母灵梓尚未还,人犹为郗歔云。

罗氏 生员李藩之妻。年二十二岁,夫亡无子,誓死养姑。叔嘉其节孝,与子继嗣。乾隆六年旌表。

罗氏 处士王者璋之妻。年二十一岁,生子二。夫亡,长子甫二岁,次子未弥月,氏矢志抚孤,誓不再醮,抚育二子,克绍家声。年六十二岁歿。乾隆七年旌表。

贾氏 处士吕护之妻。年十九夫亡,遗孤仅一岁。氏上事舅姑,下教孤

子,苦节五十七载,以寿终。乾隆十四年旌表。

王氏 罗克从妻。夫故时,氏年二十五岁,即欲身殉。因念翁姑年老,遗子无依,忍死养亲抚孤,苦节三十七年。乾隆三十七年旌表。

罗氏 儒童郭扬烈妻,诸生罗文元之女。年二十三岁夫亡,遗子仅两月。氏尽心抚育,备尝苦节。宗族乡党,无不称其苦节。乾隆二十八年旌表。

贾氏 国子监生左进生妻,处士贾花蛟女。年十九夫故,遗子昇甫一岁。姑姚氏,因子病故,伤痛欲绝。氏忍泣相慰,事奉老姑,誓不再醮。抚育孤子昇为诸生。守节四十一年,六十岁歿。乾隆四十二年旌表。

程氏 诸生张锦妻。年十九岁夫亡,养姑抚一岁孤子,苦节五十三年,七十二岁歿。乾隆四十五年旌表。

李氏 增广生宋灿妻。夫亡,氏年二十七岁;生一子,仅三岁。姑早逝,翁因哭子失明,氏朝夕奉养,先意承志。其子思诚,名列太学。守节三十七年,见年六十四岁。

王氏 举人张灿垣妻。年二十四岁夫亡,遗子璟方二岁。氏矢志抚孤,誓不再醮。家虽贫,而氏恬如也。惟以十指佐璟读书,驰名士林,年八十七终。

孙氏 拔贡生李佐唐妻,诸生孙威次女。幼执妇道,孝事舅姑,夫亡时氏年二十七岁,自誓曰:夫遗三孤,今弃孤而死,孰若成孤而生。鞠育惟勤,克修母道。长子乔、次子灼、三子嶷,皆诸生。苦节三十六年,见年六十有二。

李氏 儒童贾廷兰妻。夫亡时氏年二十一岁,生一子,甫二岁。曾祖及祖俱在,堂姑早亡,翁鰥居,氏孝养三世。家贫採藿,拾薪教子成立。厥后子又亡,媳改嫁,日夜痛哭,双目失明。族人怜之,以从姪承祧。苦节四十六年,见年六十有七。

杨氏 处士王忱妻。夫亡时氏年二十八岁;生一子,年九岁。辛勤抚育,克尽义方。日事绩纺,免于饥寒。邑令吴赠匾曰:“志凌秋霜”。守节五十三年,卒年八十有一。

薛氏 生员罗雯瀚妻。年二十五岁夫亡,生一子甫岁馀。上有祖母与姑,两世孀居,奉养如礼。教子成立,获入庠序。守节三十二年,五十七岁歿。

贾氏 诸生王九锡妻。夫亡时,氏年二十七岁,遗二子。孝养孀姑,抚

育二子,历尽艰辛。次子运昌,诸生。守节四十一年,六十八岁歿。

任氏 生员罗应时妻。夫故时氏年十九岁。仅一子,不幸早亡,以从姪承嗣。氏孝养孀姑,抚育嗣子,甘苦备尝,始终不懈。知县杨公表其间。苦节三十五年,见年五十四岁。

张氏 生员罗克宽妻。年二十四岁夫故,遗一子甫三岁。氏孝养舅姑,克尽妇道。抚育幼子,恩勤备至。兄嫂又继亡,姪方二岁,氏视犹己子,卒以成立。知县杨公知其事,特旌其间。苦节四十六年,七十岁歿。

罗氏 廩生宋焯妻,诸生罗彬文女。年二十六岁夫亡,仅遗一子甫三岁,翁又失明。氏哀痛迫切,几不欲生。复念上有老翁,下有幼子,矢志自守,孝慈兼尽。后七年而翁亡,丧葬如礼。守节四十一年,六十七岁歿。

葛氏 诸生王尽忠妻。夫亡时,氏年二十四岁。遗二子:长瑤,方七岁;次玉,方三岁。矢志不醮,十指辛勤,以佐衣食。延师训子,瑤为诸生。守节六十四年,八十八岁歿。

罗氏 贡生王式般妻。年二十五夫亡,遗子一,方七月。氏矢志抚孤,守节三十五年,见年六十岁。

何氏 孙起敬妻。年二十五岁夫亡,仅一子,又病故,遣孙二。家道清贫,氏抚育幼孙,受尽难辛。苦节五十年,见年七十五岁。

王氏 李恒妻。年二十二岁夫亡,遗子二:长方二岁,次仅三月。备历辛苦,教养二子,俱克成立。守节三十五年,见年五十七岁。

杨氏 刘绍向妻。年二十八岁夫亡,子方五岁。家贫无依,氏织纺度日。苦节四十年,歿年八十五岁。

苟氏 孙敬祖妻。年二十五岁夫亡,子四岁。家贫衣食不给,以十指辛勤育子成立。苦节四十八年,七十三岁歿。

贾氏 孙继祖妻。年十八岁夫亡,子一岁。备历艰苦,教子成人。守节三十九年,歿年五十七岁。

刘氏 诸生张镕妻。年二十四岁夫亡,子方四岁。氏矢死靡他,教养幼子,勤苦备尝。守节三十七年,年六十歿。

杨氏 里民王尚义继妻。年十九岁夫亡,前妻遗子方三岁。氏抚育教

海,无异己出。苦节三十七岁,五十六岁歿。

张氏 处士马清妻。年二十七岁夫亡,子三岁,翁病愈笃。氏孝养老翁,朝夕不懈。抚育幼子,名列成均<sup>①</sup>。八十一岁歿。

孙氏 左长生妻。年二十四岁夫亡,子方五。家贫,藜藿自甘,养子成立。既又得孙,是即天之报节妇也。六十六岁歿。

罗氏 生员张从龙妻。年二十五夫亡,遗子二。氏善事翁姑,教养二子,绩纺度日,守节三十五年。长子汝翼、次子汝为俱诸生。见年六十岁。

李氏 生员刘师孟妻。夫亡,年二十六岁,遗子一,方五岁。氏善事翁姑,克勤定省。教养孤子,勉以耕读。守节三十七年,见年六十三岁。

陈氏 里民宁士魁妻。夫亡,氏二十二岁。生子一,仅三岁。勤俭持家,克勤妇道。抚育幼子,卒克成立。现年六十八岁。

吴氏 蒙超妻。夫亡时氏年十八岁。生子甫一岁。幼而矢志,白首完贞。见年六十六岁。

韩氏 处士刘积远妻。年二十八夫亡,遗子四。上事孀姑,下育幼子。勤劳罔懈,终无易志。苦节四十三年,歿年七十有二。

任氏 宁士寅妻。夫亡时氏年二十四。生子二:长三岁,次一岁。安贫抚孤,贤贞自矢。歿年六十五。

刘氏 焦珫<sup>②</sup>妻。年二十四夫亡,遗一子甫五岁。氏艰苦自守,敬慎事姑。克勤家务,教子成立。歿年六十有二。

刘氏 白京元妻。夫亡时,年十八,子方一岁。矢志抚孤,誓不再醮。歿年六十二。

白氏 蒲发妻。年十九夫亡,子一岁。困苦自甘,坚贞不易。歿年五十七。

李氏 刘宗英妻。年二十四夫亡,生子二。勤劳家务,教子成立。寒素自甘,不易初志。见年五十六。

① 成均:古之大学。后为官设学校的泛称。

② 珫:读作(sháo)。

蒙氏 李元智妻。夫亡时氏年十八，子仅二岁。家贫，苦节自守，孝养翁姑，抚育幼子。或有劝之嫁者，氏矢志不移。歿年五十一。

张氏 处士刘昌荣妻。年十六孝事翁姑，克尽妇道。以夫贸易于外，衣服饮食，无不尽礼。七世同居，庭无异议。诸孙之为诸生者六。幼子原清，副榜贡生，皆氏孝心所致。见年八十一岁。

蒙氏 宋娶德妻。年二十二夫亡，无子。苦志自守，不易坚贞。殷勤家计，妯娌无不和协。见年六十六。

张氏 于印德妻。夫亡时氏年二十二，生一子。家道清贫，坚志自守。抚育幼子，备尝艰辛。歿年六十有三。

王氏 李桂妻。夫亡时氏年二十六，生子二：长九岁，次五岁。矢志坚贞，教养二子，俱克成立。见年六十一。

刘氏 高尔宽妻。夫亡时氏年十九，生一子。抚孤度日，饥寒困苦，无不备尝。见年六十三。

丁氏 张世鹏妻。夫亡，年十八，子甫一月，矢志自励。后子亡，孙亦夭，单形只影，立志愈坚。歿年六十五岁。

罗氏 贾士玉妻。夫亡子仅一岁。家贫如洗，志苦节坚。与子完娶而其子又亡，心如铁石，终无异志。见年六十一。

王氏 刘均臣妻。夫亡，氏年二十一，子方三月。家计贫乏，或劝之嫁。氏誓云：惟存一脉，以为刘后，若有他念，天神鉴之。孝事老姑，不辞劳瘁，及四旬而双目已盲。歿年八十二。

寇氏 王廷茂妻。夫亡，氏年十六，仅一子。矢志靡他，孝事舅姑，克尽妇道。抚育幼子。备极恩勤。见年六十五。

宋氏 张笃生妻。夫亡，氏年二十七，生一子。家道贫乏，矢志坚贞。教养孤儿，艰辛备历。歿年六十二。

王氏 姚克聚妻。夫亡时氏年二十五。一子早亡，以姪为嗣，视如己出。誓不再醮，尽历艰难。见年六十五。

罗氏 李克纯妻。夫亡，氏年二十岁。养育幼子，恩斯勤斯。苦节四十五年，见年六十五。



王 氏 任功臣妻。夫亡时氏年二十七。子方二岁，氏教养成立为诸生。苦节三十八年，见年六十五。

罗 氏 王朝祥妻。夫亡，氏年二十六岁，生子三：长六岁，次四岁，末二岁。家道贫寒，抚孤成立。歿年五十六。

任 氏 诸生王朝栋妻。夫亡时氏年二十七，子仅三岁。家寒无依，誓不再醮，养子成人。歿年七十四。

王 氏 诸生贾登科妻。年二十三夫亡，遗子二。家道甚寒，孝事翁姑，克尽妇道。教养二字，无愧母仪。见年六十三。

张 氏 诸生俱建成妻。夫亡，氏年二十二，生子二。家计贫乏，甘守恬淡，誓不再醮。抚养二字，俱克成立。见年六十三。

刘 氏 庠生于功成妻。夫亡时氏年二十四，仅一子。家道窘迫，氏忍受饥寒，扶养幼子。苦节四十四年，六十八岁而歿。

王氏 邓氏 王氏，罗中宽妻。年十八夫亡，遗子馨，方五岁。家道贫寒，教子成立，为馨娶妻邓氏。馨年二十而亡，遗子方二岁。邓氏年十九，上事孀姑，下育孤儿。姑歿年七十八，媳歿年五十二。

李 氏 刘良璧妻。年二十三夫亡，遗子二。氏念幼子之无依，坚贞自矢，藜藿不充，教子耕读。见年五十三。

王 氏 诸生罗鹤年妻。年二十一夫亡，有子二人：长四岁、次二岁。或劝之嫁，氏毅然自守，终不从。抚育二子，俱克成立。苦节三十二年，五十三岁歿。

徐 氏 张秀妻。夫亡，妻年十八，仅一子，方一岁。氏志在抚孤，誓不再醮。子十六岁，娶薛氏。数年，子亦歿，氏志愈坚。年六十一。

乔 氏 温尔桂妻。夫亡，年二十五，子甫四岁。因勤养育，训海成人。歿年七十一。

李 氏 王月林妻。夫亡，氏年十九，子二：长三岁，次仅四月。家道甚贫，孝养翁姑，训海二子。见年五十五。

王 氏 罗获聪妻。年十九夫亡，仅遗一女，誓不再醮。人或以无子劝之嫁，卒不能夺其志。守节二十四年歿。

魏氏 李氏 魏为姚大受妻,年二十一夫亡。遗一子,又早亡,仅一孙。因哭子失明,举步颠危。家甚贫,苦节四十二年,见年六十三。大受弟大成妻李氏,年二十六,大成歿。遗一子,方三岁。李誓不再醮,与魏氏妯娌相和,教子成立。亦得一孙。苦节三十五年,见年六十一。

王氏 处士郭崇信妻。夫亡,氏年十八,子三岁。家贫,苦节自守,教子成立。寿七十一歿。

李氏 里民张蒲妻。年二十四岁夫亡无子,甘心守节。见年五十七岁。

贺氏 王大哲妻。夫亡,氏年二十四。生子二:长六岁,次二岁。矢志自守,歿年六十五。

刘氏 处士姚思哲妻。年二十四夫亡。遗一子,方一岁。矢志存孤,从一不二。歿年五十八。

罗氏 王惇妻。夫亡,氏年二十岁,子一岁而亡。孝事翁姑,苦节自守。歿年五十二岁。

王氏 刘益汉妻。年二十七夫亡,子方七月。既无伯叔,终鲜兄弟,家贫自守。见年六十七。

王氏 里民薛昌业妻。夫亡,氏年十九。生一子,方一岁。教养婚娶,无忝母职。不幸子又亡,苦节自守。歿年五十七。

贾氏 王夫振妻。夫亡,氏年二十五,子二。家贫自守,养子成立。见年五十九。

张氏 薛文秀妻。夫亡无子。氏年十九,甘心饥饿,不易坚贞。见年五十九。

王氏 处士张元祥妻。年二十三夫亡,生子二。採薪汲水,育子成立。歿年七十三。

胡氏 张众吉妻。年二十二夫亡,子二。氏孝养孀姑,抚育幼子,矢志不移。歿年五十五岁。

赵氏 王养民妻。年十九夫亡,子二岁。氏矢坚贞,清操自守。歿年八十四。

刘氏 何崇高妻。夫亡,氏年二十三,遗子二岁。奉养翁姑,抚育弱儿。

见年六十三岁。

惠氏 生员寇成德妻。夫亡时氏年二十岁。生子连登甫二岁。氏矢志自守,教养孤儿为诸生。见年七十二岁。

#### 义女

齐氏 名藕花。年十二岁,与六岁弟饴父耕。途遇狼,搏,其弟已倒。女惊呼曰:宁可无我,不可无弟!遂以身翼其上,使狼食己,以全弟命。狼三嗅之,不伤而去,姊弟两全。人以为义之所感。知县蒋公有传并诗,表其门曰“性笃友于”。

## 淳化县志卷二十三

# 金石略第十六

宋

### 学校八行八刑碑<sup>①</sup>

准大观元年三月十九日敕中书省据学制局状,准本局承受送到,内降奉御笔一道:学以善风俗、明人伦而人材所自出也。今有教养之法而未有善俗明伦之制,殆未足以兼理天下。孔子曰:“其为人也孝悌,而好犯上者鲜矣;不好犯上而好作乱者,未之有也。”盖设学校、置师儒,所以敦孝悌。孝悌兴则人伦明,人伦明则风俗厚,而人材成、刑罚措。朕考成周之隆,教万民而宾兴以六德六行<sup>②</sup>,否则威之以不孝不悌之刑,比已立法保任孝、悌、姻、睦、任、恤、忠、和之士。去古绵邈,士<sup>③</sup>非里选,习尚科举,不孝不悌,有时而容。故任官临政,趋利犯义,诋讪贪污,无不为者,此官非其人、士不素养故也。近因馀暇,稽周官之书,制为法度,颁之学校,明伦善俗,庶几于古。诸士有善事父母为孝、善兄弟为悌、善内亲为睦、善外亲为姻、信于朋友为任、仁于州里为恤、知君臣之义为忠、达义利之分为和。诸士有孝、悌、睦、姻、任、恤、忠、和八行,见于事状,著于乡里,耆邻保伍以行实申县,县令佐审察,延入县学考验不虚,保明申州,如令。诸八行:孝、悌、忠、和为上,睦、姻为中,任、恤为下。士有全备八行,保明如令,不以时随奏贡入太学,免试为文学上舍。司成以下引问考验、较定不诬,申尚书省取旨,释褐命官,优加拔用。诸士有全备上四行,或不全一行而兼中二行,为州学上舍上等之选。不全上二行而兼中一行,或不全上三行而兼中二行者,为上舍中等之选。不全上三行而兼中一行,或兼下行者,为上舍下等之选。全

① 此碑碑额名为“耀州淳化县御制学校八行八刑碑”。碑文参照《金石萃编》及《淳化县文物志》校正。

② 六德六行:六德为知、仁、圣、义、忠、和;六行为教、友、睦、姻、任、恤。(参见《周礼·地官·大司徒》)

③ 士:此字《金石萃编》书“上”《淳化县文物志》书“士”,按碑文应作“士”。

中三行或中一行而兼下一行者为内舍之选。馀为外舍之选。诸士以八行中三舍之选者,上舍贡入内舍。在州学半年,不犯第二等罚,升为上舍。外舍一年,不犯第三等罚升为内舍,仍准上法。诸士以八行中上舍之选而被贡入太学者,上等在学半年不犯第三等罚,司成以下考验行实,闻奏依太学贡士释褐法,取旨推恩;中等依太学中等法待殿试年推恩;下等依太学下等法。诸士以八行中选在州县,若太学皆免试,补为诸生之首选,充职事及诸斋长谕。诸以八行考士为上舍上等,其家依官户法,中、下等免户下支移折变借,借身丁,内舍免支移身丁。诸谋反、谋叛、谋大逆,(子孙同),及大不恭诋讪宗庙、指斥乘舆,为不忠之刑;恶逆诅骂,告<sup>①</sup>言祖父母、父母,别籍异财、供养有阙,居丧作乐自娶、释服匿哀,为不孝之刑;不恭其兄、不友其弟,姊妹叔嫂、相犯罪杖,为不悌之刑;杀人、略人、放火、强奸、强贼,若窃盗杖及不道,为不和之刑;谋杀及卖略缙麻以上亲、殴告大功以上尊长、小功尊属若内乱,为不睦之刑;诅骂告言外祖父母,与外祖<sup>②</sup>有服亲、同母异父亲,若妻之尊属相犯至徒,违律为婚,停妻娶妻,若无罪出妻,为不姻之刑;殴受业师、犯同学友至徒,应相隐而辄告言,为不任之刑;诈欺取财罪杖,告嘱耆邻保伍有所规求避免<sup>③</sup>,或告事不干己,为不恤之刑。诸犯八刑,县令佐州知通以其事目书于籍,报学应有,入学按籍检会施行。诸士有犯不忠、不孝、不悌、不和,终身不齿,不得入学;不睦,十年;不姻,八年;不任,五年;不恤,三年;能改过自新、不犯罪而有二行之实,耆邻保伍申县,县令佐审,察听入学。在学一年又不犯第三等罚,听齿于诸生之列。

宋大观二年四月十五日,将仕郎、耀州华原县主簿、管勾学司权淳化县薄尉、臣郑仲光书丹。从事郎、知耀州淳化县事、管勾学事兼管勾劝农公事、臣刘云立石。

明

宸翰碑楼记 马 理

双溪马侯宰淳化三年,承皇上德意,刊宸翰诸碑于学宫,仍缮楼以护之,图

① 告:此字碑文泐缺,据《金石萃编》补。

② 祖:“祖”,《金石萃编》作“姻”。

③ 避免:“避免”二字,碑文泐缺,据《金石萃编》补。

不朽也。于时流亡集矣，赋税完矣，讼繁而简矣，俗奢而俭矣，遂营诸公工城。城郭作学宫，坊门于外，扁曰“桂林”；仓于其内，扁曰“育才”。遂新樵楼、县堂、吏舍及他廨宇，役亦繁矣。今独曰宸翰碑楼者，尊宸翰也。盖是时皇上立本建极，君师天下，尝于万机之暇，亲洒宸翰，著《敬一箴》一篇，又注程氏《视、听、言、动箴》四篇，又注范氏《心箴》一篇，皆颁诸天下学宫，碑<sup>①</sup>勒石传远，示天下后世，咸知皇极敷言，皆帝王心学所寓，于以世训世行而近天子之光焉。其启迪斯世之意周矣、至矣。是故侯殫心而图之，惟恐弗称上意，非知所重者耶。淳化丞埒士夫曰：凡人之行，私精而公拙，率假义而取利焉。侯之兴是役也，视宸翰之所在，如天颜之所在，择石蠲工，视琢及砿、及书、及勒，以自尽焉。至于诸役，一以家事视之，用资于刑徒赎金，官民无取焉。其视诸细敛以集事、顿取以自利者，大有间矣。君子曰：侯得君子之道三焉，其事上也忠，其使下也惠，其处己也廉。宜夫人之兴矣夫！或曰：“桂林”雅乎？君子曰：宵、雅、肆，三官其始也，大学之教固如是耳。侯名崇，字德夫，四川双流人，由麻城学谕来宰于兹。淳化丞者，四川南州苏伯珠，字文光也。

#### 初置学田碑记 欧阳煖

余乙未秋，奉命馆淳化符，尝以作兴学校为兢兢，第淳邑设在山僻，地瘠民贫，以故诸生困乏者，视他邑更甚。督学臧公视秦学之明年，沛然布德意，发积廩各百金于郡邑，令置学田以济贫窶，惟淳邑先焉，岂公业知关中多贫士而淳庠又甚耶！余奉命惟谨，移示召买，又巡行郊外，察地之肥磽、疆界、附郭，后及四隅，越二十里。虽饶地弗收，必承佃得人，不者虽近弗取。越数月，得地若干亩、籽粒若干石，夏秋两税，责在承佃者，规模大概可以永久，犹恐经岁久地界易湮，于是镌石为记，仍以租数粮石及原卖承种姓名，详勒碑阴。大抵学田创之难守之尤难：创之难，难在规划当而不貽后有司之累；守之难，难在奉行久而不失前有司之意。余承命置田，不啻详己。假令官此土者托边储为急，不遑征收，任佃户逋负，辄置弗问，则其责在官。佃此田者，或岁丰视为利藪，或偶歉故尔拖欠，甚至负税逃亡、联界侵夺，则其咎在民。若催征勤矣，输纳完矣，而

<sup>①</sup> 碑：“碑”，疑为“俾”字。

士不能守恬淡之节，非婚丧大事、饥寒切身，不时求给，此其责又不在官、不在民而在士。学田之设，乃所以养士，非士之所以自养也。箪瓢陋巷、纓绝踵决，古人安贫，类如此然，则贫何足为士病，士亦何必以贫自病哉！惟是勉励力学、砥砺名节，异日离蔬释蹻为国家用，庶不负督学置田至意。不然，垂养士之良法，鲜自养之实效，即日取学租而赈之，于国家何补。斯不特诸士之羞，盖亦有司之忧也。

万历岁次壬寅夏月日

节爱堂题辞（太守名与时俱无考）

太守吴六泉氏来守关中，再逾年而廉之，民风犹泯泯也，反而尤吏之治焉。以吏治之趋日下而品弗齐也，乃折衷以圣人之言，为之忠告云。夫今之为吏之弊者，大较有四：曰贪、曰酷、曰谄、曰傲而已。有一于是，罪何能遁<sup>①</sup>？不尔<sup>②</sup>，且将坏名。昔李文靖公沆，宋贤相也，犹云《论语》中如“节用爱人”一句，尚未能行，终身诵之可也。噫！非文靖身体而默识，亦岂知其真有未能耶。大哉圣言，义斯备矣！盖惟节用，则必视国犹家，而不贪矣；惟爱人，则必视民如伤，而不酷矣。惟不贪，则其志卓，而何所於谄；惟不酷，则其气平，而何所於傲。二善立而四弊祛，非圣人之言，其孰与于此？余自作县历州，以至今官，每以是存心出政，而愧于未能，抑觉其得力处，亦颇在是。乃思与诸君子共之，而以名其听政之堂，诚欲诸君子诵法圣言，直与文靖之贤为有馀。余以一日长，得以乐观厥成，是名堂之意也。乃若知我、罪我，吾无必焉耳矣。

重修城隍庙碑记 罗廷绣（邑人）

庙故在县治北门，临街衢。寝庙薄西山城麓下，北临废仓。正德末，臬副何公以学官卑隘，将迁学而易其庙。邑父老金曰：学可迁而庙不可易，仍缘前址移庙足矣。于是迁殿宇于前时底法尔。嘉靖中禩<sup>③</sup>吾祖福翁创桥毕，乃构飨堂三楹于前。竹轩袁公作翼室，附高禩<sup>④</sup>诸祠于其中。葛古川则于殿基朽<sup>⑤</sup>

① 遁(huàn):逃避。

② 不尔:不然,不这样。

③ 禩:祭祀。同“禩”。

④ 禩(méi):指媒神。高禩:祭祀媒神以求子。

⑤ 朽(wū):粉刷,修饰。

之。辛亥间，余叙承德公与张拱汉、韩廷良辈思嗣其业，作皋门，门圈三洞，刻镂其上，若楼台状。以故皋门拆为应门；钟楼一，入应门左；鼓楼一，入应门右。周燎以墙，墙砌以砖，坚且丽矣。已而张、韩辈苍石覆屋于皋、应门之中，息余为记。余展谒进告曰：诸君子谓庙制备乎？张、韩辈曰：我等竭弩力以效尺寸，未有所知。余曰：临轩无蔽，弗严也；斋宿无所，弗虔也；若等其谓何？众皆曰：敢不饶为行，观厥成焉。夫城隍之义，系于泰祀，国之有社祭之，有蜡神兼主之。故春而祈谷，秋而报成，于斯萃焉；赏不足劝、罚不足畏，于斯质焉；所以御灾捍患、彰善瘅<sup>①</sup>恶者，恒攸赖也。诸君子所思以俟<sup>②</sup>鬼神者，有道矣。记曰：有其举之，莫敢废也，诸君子得之。《诗》曰：“夙夜基命宥密，於缉熙，单厥心<sup>③</sup>。”《书》曰：“尔克永观省，作稽中德，尔尚克羞馈祀<sup>④</sup>。”则所以交神之道，尚为诸君子勛之。余无能为役，乃联乐章三阙，俾歌以祀神：

维庙有门，岩岩虎蟠。维庙有垣，赫赫云屯。神之攸止，培养灵根。

维左有镛，雍雍桂丛。维右有贲，皦皦雷封。神之听之，和平保庸。

维社有隄，匪神曷陈。维蜡有迎，匪神曷伦。聪明正直，统一圣真。

享祀不忒，降福攸均。民之畏威，于时化醇。

县令褚公方蒞任，闻之曰：是有裨于事神治民之道，请识之。于是乎记。

#### 四公生祠万民戴德碑记 贾我琪(邑人)

皇上龙飞八年，镜照万方，幽微毕徹，乃眷西顾，特简诸重臣持节分理。于是大司马莫公督秦晋，大中丞白公抚三秦，钱谷会计则畀阿公，明刑弼教则畀穆公。既陛辞，帝曰：都！维兹西土，汗莱不治，其慎乃成。命以往。檄下各府、州、县，访一切之不便者，与民更始。惟我淳邑，三辅旧地，而疲困滋甚。先年叠遭兵祸，饥馑频仍。顺治中，下垦荒之令，二三有司开报失实，以致有赋无地、有地无民。始则包赔，继而鬻育，又继而逃亡。夫问民疾苦、拊摩而噢咻之良司牧责也，或矫诏发粟，或四方水旱灾伤以告，使闾阎隐痛得以上闻，而恩泽因以下究，此古大臣

① 瘅：(dān)：憎恨。《尚书·毕命》：“彰善瘅恶，树之风声。”

② 俟：敬。通“宾”。《礼记·礼运》：“山川，所以俟鬼神也。”

③ 见《诗经·周颂·昊天有命》。

④ 见《尚书·周书·酒诰》。



之谊秉衡者事也。惟是两台,爰养斯民,行与藩、臬二公,分疆按部,履亩踏荒。郡太守刘公,又仰承德意而力行之,得捏报之数六百三十四顷四十亩零,包科粮一千五百四十三石零,新荒之数三百三十四顷九十亩零,赔粮六百九十一石零,既汇报一闻,已而皇恩大沛,甘泽旁敷,举从前之捏报者、包赔者、新荒者及逃亡后五六七年之积欠者,尽行豁免,以鹿场蠪<sup>①</sup>户之淳化,转而为光天霁日之淳化,以儿啼饥、妻号寒、嗟菘楚、怨化儗之淳化,转而为士诵于庠、民耕于野之淳化。犹是淳化也,马力已竭,猿泪徒哀,微两台之力,乌能使起死而生也哉。仰沐仁恩,低徊而不能释,于是相地之旷者,得绣衣行署之左,鳩工庇材,建为生祠而祀之,而且祝之。惟古今祀典:有道德仁义之美则祀之,能捍大灾、御大患则祀之。今以一时元佐,简在帝心,其丰功伟烈,勒鼎铭钟,区区一祠何足重。虽然一人之心,千万人之心也,于以兴利除弊,起万姓之沉沦,释一人之宵旰,举凡疾痛痾痒,且相关切如此,岂不同于捍大灾、御大患与道德仁义相媲美也哉。吾知薄海内外,皆在群公生成覆载中,盛德之沁人心,尤为千百世所称道。庙貌俎豆,盖不止于一邑一方,而淳之祀之,其左券云。

康熙八年九月日

北关堡碑记 贾克忠(邑人)

盖闻大易垂守国之训,周官严掌固之防,险阻之重,所从来远矣。故清宴之时,犹必谨烽堠、慎铃柝,况枹鼓数惊,可不墉壑以自固哉。七八年间,米师、青犊云扰域中,郡邑之望风瓦解者,岁屡见告,岂必人无婴城之志,士鲜奋臂之呼,良由平居不惜管蒯,辄蹈渠邱之迹耳。淳邑列万壑中,守御单弱,不啻黑子孤悬,所恃以捍卫者,非雉堞莫赖。幸遇东海赵侣鹤先生绾符兹土,甫下车增卑倍薄、建阁树栅,四壁屹然,有金城之固矣。公复切辅车唇齿之虑,属官民而告之曰:内障固而外无藩垣,尔民其何以自蔽?况北之险逾南,北之齿更繁于南,盍共矢乃力以各垣一方。民信公之爱下以诚也,费之欲以卫吾财,劳之欲以休吾力,其何烦之敢惮。居民姚来用、姜士昌等相与率作,敛贖购地,是救是度,百堵俄兴。就工于十有一月之七日,告成于正月二十有二日,三阅月而竣,

① 蠪(xiāo):长脚蜘蛛。

所费九十六缗有奇，得之间架者十之八九，得之人工者十之二三。民乐于输而速于成，非皆体公之心以为心耶。是役也，不惟树郭外之屏翰，并以壮其内城之藩篱，公之德与带砺而并永矣。余嘉其绩，而恐后人之忘所自也，于是乎记。

崇正九年五月日

国朝

重修城隍庙记 张灿垣(邑人)

世之居位为民上者，有三大政：曰事神，曰事君，曰使民。以事神曰敬，以事君曰忠，以使民曰仁；三者事殊而理一，同条而共贯。敬在神则仁在民，仁在民则忠在君矣，敬之义大矣哉！虽然，难言之为郡县者，其始至若旦日视事，则于今夕斋戒宿庙，鸡鸣起祀神，此例也，非敬也。月朔望则谒拜庙下，春秋则合风云雷雨山川祀之；其三时厉祭，则城隍主之；此制也，非敬也。敬其神者，先求所以妥神；必不惜费、不惮劳，俾庙貌森肃、制度尊严，令人一望而畏，而后可以言敬；又必营缮区划、悉出心裁，而后可以言敬；敬岂易言哉。吾邑城隍庙多历年所，宫殿倾圮，墙垣颓坏；鼓镛二室，或立或覆，周围石槛，忽断忽续；甚至宿庙无憩息之所，庙祀鲜容膝之地；祀典虽存，香烟久废。会涿鹿张公讳纶，字朝弼者来宰是邑，毅然以修葺为己任，因吴逆之变，输輓旁午<sup>①</sup>未遑也。迩来兵革绥靖、风雨调和，即诏三社四乡绅士父老而谕之曰：城隍庙非他淫祠，比其修之。便令乡约贾我璋等董其事，茂才郭圉城、罗嘉业、葛维汉，明经王新运则不时省察，仆亦与焉。公督理而课责之，先蠲己俸，次听官僚士民施贖有差。木石则计值授价，工役则按日给偿，甲子春二月即事，越丙寅秋八月告竣。乃先两廊成矣，像貌端严，门牖壮丽；嗣殿堂修矣，丹楹刻桷，翬飞鸟革；若寢室则瓦联鸱尾，簾捲蝦须；若膳司则云霞在户，日月临轩。二楼逼近也，后者前之，屹然不易；厅舍幽暗也，西者东之，焕然可观。诸如塞掖门使其坚也，开石槛宽其道也。较之往昔，若增而高，若引而长，若广而明，若削而直。阖邑之众，无不曰公之经制，高迈古人也如此；公岂才识，迥出庸众也如此；而不知皆公之敬心成之也夫。公岂仅区区补缺葺废、为能敬神已乎？夙夜寅清，天鉴在上，凛凛

① 旁午：交错，纷繁。

兢兢，罔敢逾越，则仁以使民，忠以事君，皆于此一敬基之矣。请勒诸贞砥，貽后来者永为式焉。

康熙二十五年十一月日

### 重建薄太后庙记 宋振麟(邑人)

古称盛德百世，祀斋宫朴桷之制，爵、豆飨献，载在祀典。至于遐乡僻壤，山藪泽卤，其中郁律磅礴之气，<sup>①</sup>然不可掩者，则必为奔走聚祷之所。如汉薄太后，身在南陵，西望其夫，东望其子之不暇而奚有于兹土？然外史有言：后方娠文帝，尝出宫至今高陵崇皇寺地。况甘泉泰畤，当文帝幸祀时，安知后不从而至；后所至没而魂魄恋此，即为俎豆之乡可也。苍龙之祥，冒絮<sup>②</sup>之教，其盛德俪于商娥、周任矣！庙在邑东四十里小杜村，当巖嶽山之阴，创建不知所始。碑载明正德中，士人寇琪、谈敏因庙圯重为五楹。迄今百五十余年，髹秃栋摧，丹青黧<sup>③</sup>昧，民暂扫除而飨之，而灵爽烜赫，有祷立应；每望风旗云马，感神之不弃。兹寂寞之区也，年来风雨调和，谷实丰穰；其荷神之福泽也厚，而神之食报兹土也无艾。于是某某各出私醵，卜日鳩工，凡梁桷檐椽，甍瓦垩之用毕具，不数月落成。岁十月，粤西文明府来莅斯邑，抚民惠，事神谨。民既迓神之休，又被仁侯之德，必将以敦厚礼让相先。凡操豚蹄卮酒而来者，不惟其私之为，而以唐醴泉父老人佛堂祀循良为故，事神亦不彰信于巫史，而以母仪万国为嘉惠斯民之效，则其登祀典也有自矣。遂刻石以记之。

康熙七年某月日

### 重修公子扶苏庙记 宋振麟(邑人)

云陵之北，傍山而窈<sup>④</sup>者曰石门。其西岭曰何村，高敞辽曼。距邑十五里有庙，祀秦冢君公子扶苏。公子长而贤，以诸生诵法孔子。谏始皇，始皇怒，谪监上郡以死。孔子之道，剥蚀于战国，污蔑于刑名纵横方术之口，至秦而极。公子奚从而知，诵法孔子为是，公子贤矣哉。陈涉之亡大泽，犹诈称公子，奋呼

① 皦(ào)：云盛貌。《集韵·海韵》：“皦，云盛兒。”

② 冒絮：覆额的头巾。《史记·绛侯世家》：“太后以冒絮提文帝。”

③ 黧(yàn)：青黑，阴暗。

④ 窈(yǎo)：深远，幽静。

而起,从民望也。秦有累世之虐而公子无一日之祀;秦以不祀而公子长祀于后,至今不绝;岂所谓仁暴之征,历久而难昧者也。居集乡长者张子炜,世为何村人,居庙旁,习孔氏书,隐于陇亩,喟然叹曰:神当时为孔子死。伤其志、慕其义,庙貌而俎豆之,宜出于孔子徒,令数百里皆有事祈报,而庙宇圯毁,其何以妥神灵,吾将集三乡,易旧构而新之。于是重宫外垣,次第告竣。是岁,年谷丰熟。享祀之日,士女嬉熙焉。庙有四松,皆千年物也,黛色铜柯,与丹碧相烛。庙新数年,值今尹全州公兴学重士,与汉蜀郡为二文,谒是庙。卮酒酬神,顾盼跼<sup>①</sup>之,亦嘉长者之高义。长者既歿,其犹子凤翼于康熙十年春,将有事于庙,以为旧碑断落,始卒不具,吾惧泯叔父之泽也。向余请记,余爱其门风旧德,思敬思孝,遂为记之,使人知诵法孔子之言,而神之得长祀于后世,尸祝瞻仰之者不为无本。是庙也,其始建不可考。独古松八九围、樛枝参天,相传自元大德年修复,至今已三百六十余岁矣。

#### 赵公生祠碑记 刘汉容(宜川)

生祠者,古法之遗乎!庙貌坛墀之已早,何也?曰:传有之,俎豆者、报功者也,权必在上。权不必在上,畏垒之民,民之用之,其遗也。古之人非恶此而逃之,惟恐缘饰之不肖,古法亡矣。虽然,未有硕功骏烈,铭诸民心,而不可以观诸侯也。用是临文先叹客秦人也,观秦政得所,为淳化侯赵先生者。先生之学,幼明毛郑诗,旁通春秋左氏传,强仕好易,出入子史。释褐不空言,愿得牧民之职以自効,乃绾绶蒞淳化。淳化处西安山绣之穷,山高城下,一有泉狼,凭城而呼,一穷也;田高水下,水属不理,而稼力羸<sup>②</sup>,二穷也;封畛土略无恙也,夫耕不食,妇织不裳,三穷也;璜序日,黜<sup>③</sup>、书籍散乱毁裂,不知所往,四穷也;四穷不可以为邑,犹邑也。簿书钱谷,不敌御旅、监门之废,而班事序民,一视旁大邑。所谓卑而贡重者,甸服也,五穷也。日抱此五穷以与民周旋,亦何政之能为?先生曰:命矣夫,吾以淳化自厉也。乃周爰其事,胝城之圯缺不治者三百余版,蠲俸救度之。复设险制敌,为楼者九,垂其五于外;壁带悬楣与河影

① 跼(wéi):是,善。

② 羸(yǔ):羸,弱;臂,短。言材弱力短,不能勤作。

相上下。无事率更守丽譙,有事则绅朝令夕,辄罢诸父老子弟贫且孤者,于是塞一穷,为城最。乱有间,露冕而行治野之法。两山间之水,加疏道焉为川,大川之上有涂,加筑治焉为路;治隰者以露田,治高者以漫田,治沃衍者以代田,而均田之事寓其间;于是塞一穷,为田最。田野均矣,地无垦闢之农,奈何?曰:招徕之。乃令各并帑,就高为堡,肆耕其中,以防寇至;历亩而征,蠲其荒以与民休息;缺耕牛者,相与傭犍犁,请上报皆可,合计得民三百四十九丁,熟粮四百余石,而塞一穷,为民最。民不归,咎在士子久废谣吟,没齿不知嘉宾笙簧之乐,咎岂在士?镇宫墙以摄其威,摩诗书以作其气,推波助澜,焕然明备;近科贤书、明经、高等之士,不问可知为先生弟子。夫保障成矣,笠搏兴矣,输輓载道,读书有声,使六曹故牒,不蔽风雨,追呼残徭,尚滞囚阘,何以静扫庭颂、响答诗筒哉?于是塞一穷,为士最。而复塞一穷,为簿书钱谷最。甚矣!先生之材之钜也。其他隐微细行、米盐零杂,不敢书取循吏传以溉田,书渤海弭盗,书江东守古法也。其治迹尤异,超出五最外者,不敢从一郡一邑,书取黄颖川、薛冯翊,不以循吏而别自为传,待史氏也。若曰庙貌坛墀之已早,先生欲拒而逃之,权在下也。诸父老闻之,金曰:信然哉!请镌吾子之计于西山之石。

#### 文公生祠请蠲浮粮碑记 姚开先(邑人)

皇帝临御之七年,诏天部曰:陕以西,股肱郡,岁旱民饥,苏祐惟人,徂兹督抚,迄州县,惟贤惟能,乃推乃授。时铨衡廉公材符分淳封,甫下车,见逋赋山集,残黎告困,问所受弊状,乃在于捏报之累,新荒之累,力请蠲除,四境方安堵无怨。邑人士谋垂公德于不朽,请镌其事于石。粤稽邑中成赋,定额盖二万一千云,自中州锦帆赵公,始请豁为五千六百。嗣是临淄公希迎宪令,捏复旧额之半,钟山公屡请题豁,未称报罢。适台使者部临甘泉,捡荒熟为子遗苏困,里书错谬,迹涉冒免,严讯地粮不符之由。万目睽睽,正坐棘手而公适至矣。噫!环淳皆山也,其田坳坳尔,其民蠢蠢尔,其巢居穴处寥寥尔;烟火不相望,鸡犬之声不相闻。当其盛时,竭土之所出,供租之所入,不遑宁我妇子,况经逆寇盘踞,膏锋刃者什之二三矣;更历庚辰奇荒,填沟壑者什之八九矣。自中州赵公后莅兹土者,有公费之需,有赎醵滥罚之需,民力几何!而彼有二累,此有三需,求其不逋赋山集、残黎坐困,岂可得哉?然则捏报之累,至今日而极矣,民

何以相保？金曰：待我公。新荒之累，较往岁而剧矣，民何以相保？金曰：待我公。公之始至，尽去他名之税，与百姓讲休息之方：浮费积弊也力除之，羨馀旧例也痛裁之，盐政久滞也权通之，禁里马、清衙蠹、公行价、课儒生、恤善良、屏豪右，接绅士以礼、待耆老以诚，种种仁政，难更仆数。要之：请豁浮粮为第一。总查浮粮之捏报者、新荒者，详列其款，鳞次成册，亲诣制、抚两台，流涕而哀吁之，且以去就争，方许可，特疏除之。然冒免驳查未已也，或曰赋役久不符求，于捏报新荒内择抵之足矣；或曰荒熟盈缩，无容辞也，免追已往足矣，盖危辞也。公曰：是非冒免，未得所为不符之故尔。于是忘餐废寝，爬源梳流，果得故明地粮遗碑，喜见颜面曰：是在矣！淳化地粮原以六则相准，而全书所载，约金、银、铜、铁为四等，破六则为四等，枘凿何能相入。执其册，复亲诣两台，流涕而哀吁之，且以去就争，得弗问。公以戊申十月来蒞任，奉旨在己酉之六月，其间仅九阅月耳。举向所谓捏报者，请豁一千五百四十三石零，向所谓新荒者请豁六百九十一石零，向所谓地粮不符之六百七十余石者，彻底澄清，升斗无加焉。方是时，邑民莫不欢呼相庆。公曰：未也。计通邑见税，岁未满六千，积七八年来逋赋，盈有余额，敲扑何堪？综其数，复亲诣两台，流涕而哀吁之，且以去就争，具得免。噫！民力竭矣，浸假而浮粮不除，浸假而夙逋犹存，鬻妻卖子，困不能偿。势不至，呼天肆奔不止，公奏理期月间，流亡复还，愁痛笑歌，生死骨肉，淳之民幸矣哉。前有逆寇之厄、奇荒之厄，中州公苏其肌理，今有捏报之累、新荒之累、地粮不符之累，我公医其沉痾。不有中州公，民何以至今日；不有我公，民何以保来兹。清畏人知中州公与公同劳谦精卓，公盖过焉。昔称前有召父，后有杜母<sup>①</sup>，吾于公与中州公亦云。

康熙八年十月日

赵文二公合祠记 张如锦(长洲)

礼云：有功德于民，则祀之。又云：能捍大旱、御大灾，则祀之。中州锦帆赵公、粤西清也文公之祠于兹邑也，宜也。考赵公祠重葺于康熙三年，越八载

<sup>①</sup> 召父、杜母：指西汉召信臣和东汉杜诗，二人相继为南阳太守时，开渠、修坡、治田，为民兴利，时有“前有召父，后有杜母”之语。后用作颂扬地方长官的套语。

乃建文公祠。今赵公祠虽渐圯，然两楹无恙；而文公祀已委废。抑何岁月先后，而存歿不同如此？幸请蠲浮粮碑尚存，披荆棘、拂草土，得读姚公尧门所撰记，使人感泣，宜邑诸父老流连眷慕之不忘也。余以谫劣，幸承两贤后抚辑穷黎，勉供厥职，欲修复文公祠，未遑也。因鸠工役，补甃瓦，整理赵公祠，随置文公木主，迎而合祀于其室。并募夫移其碑与赵公碑并峙。或曰合祀，礼与？余曰：礼也。二公善政，口碑娓娓能言之，碑记则又缕缕道之、恳恳述之。要以请蠲浮粮为最；赵公既请之于前，文公复请之于后。赵公之请蠲者，其数浮，文公之请蠲者，其数减；似赵难而文易。乃一则当底定抚恤之初，一则值妄掣积逋之后，实赵较易而文更难。要皆礼所谓有功德于民者也，能捍大患、御大灾者也；合而祀之，其谁曰不宜。于戏！甘棠之荫、阴雨之膏，遐哉邈矣。子弟田畴，讴吟勿辍，庶几仿佛其人者乎。俎豆牲醴，祀事时举，余方与邑诸父老徘徊瞻仰靡已云。赵公讳宾，字锦帆，顺治丙戌科进士，河南阳武县人。文公讳秉濂，字天池，号清也，顺治丁酉举人，广西全州人。

#### 朱公生祠碑记 樊咸修(三原)

三代以前，社稷五祀，其典攸重。然三辰五行、名山大川外，亦必列令德之人。考左氏外传：法施民、劳定国、御大灾、捍大患者，皆有常祀。此祀之制自上古者也。迨畏垒有祝，见于漆园之篇；嗣是泽浹一乡、功被一邑者，莫不生而祀之，以示不忘，栾社桐乡<sup>①</sup>其明证已，此祀之出自下者也。夫有祠必有记，虽质朴无文者，亦能道其美盛，假青镂以传不朽，所从来尚矣。邑侯朱公，以昆陵名隽高擢南宫，绾符兹土，具宰天下之器而烹小鲜，恢恢乎游刃有余。甫下车，睹风俗颓敝、生齿凋残，矢清畏人知之操，毅然以兴教<sup>②</sup>民为己任。念淳自壬子发祥后，阅历五科，赋鹿鸣者绝响。公曰：此非尽风水之咎也！爰立会课艺，久而弗倦；分金养士，秉烛校文；癸酉登贤书者二人，皆公门下知名士。由是争自濯磨，共返阳桥跃冶<sup>③</sup>之习，后此步武而接踵者，未有艾也。城周垣不数十

① 栾社桐乡：栾指栾布，西汉初梁人。吴楚七国之乱时，以军功封郿侯。死后，燕齐之间皆为立社，号栾公社。桐乡，汉大司农朱邑，曾任桐乡啬夫，为民敬信。死后葬于此，民祀之。

② 誠(xíán)：和，和协。

③ 阳桥跃冶：阳桥：鱼名。跃冶：跳跃。

雉，居民百余家，供亿烦杂，门差旁午，莠楚荏华<sup>①</sup>之叹，非仁人孰能恤之。公日用所需，悉照平价给发，于一切杂徭，尽为蠲免；市无追呼之声，廛有安居之乐。至邑之市集，旧列南北城闾<sup>②</sup>外，行旅尽由外乳旗亭列肆而居者，无以谋朝夕。公从士民请，移市集于城之中衢，商旅往来不阻，行迹共庆熙攘，虽弹丸如通都。往岁旱蝗为灾，悬磬者十室而九。城内两郭及附近，待公举火者数百余家。公请赈之，复请蠲给粟之馀，继以给粥，阖邑皆沾实惠，而县治赖以全活者尤众。当数米珠炊之日，鲜有蒙袂而辑履者，至今戴生养之恩，不啻郑子贾名之感也。公理淳之五载，以治行第一，奉纶音<sup>③</sup>内擢，士民吁当路，愿借一年不得，遂建祠饘石，希余述其大略云。至若革羨耗、除烦苛、平刑狱，敬老慈幼、彰善瘝恶诸美政，已有记之者，不复书。

#### 六烈祠记 张如锦(长洲)

祠者何？祠六烈女也。六女者何？杜氏、田氏，皆罗妇，同日遭寇变投井死。杜养女二、田女一，皆从死，所谓一门五烈也。其一葛氏女，先三年遭寇变，以贼汗其手，绝食而死，所谓十三龄奇女子也，亦同里也。余方莅任过罗门，见署曰五烈，肃然起敬。及补葺邑志征轶事，又得葛氏一烈，益不禁慨叹久之。淳化固小邑，山川灵淑之气，郁积盘礴于数十里内，诞生节烈，可以垂简编，可以光俎豆。昔夫子修《春秋》，录一伯姬；欧阳公作《五代史》，五十余年仅得一李氏。今一旦得六烈，奇矣！六人中，杜二女皆厮养；葛之年方十三，则更奇矣！以今视昔，与所记赴火断臂何异。所虑岁月绵邈，遗迹渐湮，赫赫英灵，能无怨恫，非所以励风俗、垂不朽也。于是度城西鄆地，蠲俸鸠工，特建数椽，设木主其中，题曰“六烈祠”，俾得以时飨祀，而邑人亦共瞻仰焉。维兹六女，虽未得绰楔<sup>④</sup>之褒而百世之祠。如祠之初，井流涓涓，山崖如削，想魂魄犹应恋此。余既载诸志，窃附《春秋》《五代史》之义；后有来者，式其祠、考其行事。甘泉一勺水，钩弋夫人之所凭依也，试掬以献，里老争相语六女，殆不忘云。

① 莠楚荏华：莠楚，羊桃，又名猕猴桃。荏华，荏指芦苇。芦苇的花可以作条帚。此句指日用杂品。

② 闾(yīn)：曲城。城门加筑的楼台。

③ 纶音：指皇帝的诏书、制令。

④ 绰楔：古时立于正门两旁，用以表彰孝义の木柱。



## 淳化县志卷二十四

## 金石略第十六

宋

## 吏隐堂记

梨园,昔云阳支镇,我宋淳化间为县;隶华原,宣和初复属南豳。羽檄飞书,控扼两路,今为冲途。簿书户口,不减剧邑,名公钜儒临蒞者,比比焉。方朝廷遴选守令,岁乙巳,命宣教郎、赐绯鱼袋张公安祖来典是邑。至官未期月,一境称治,老奸猾吏屏肩缩首。州郡知其贤而事亦简,百里之民安居乐业,岂不休<sup>①</sup>与。县舍倾墜<sup>②</sup>,前<sup>③</sup>为治者倥偬簿书间,而修置补废,鲜能及之。公一日环视兴叹,曰:君子之居,一日必葺,况令居一邑耶。遂完西堂,使南向,命曰“吏隐”。又以见公为政优游,临事不扰,剗<sup>④</sup>繁拨剧、庭宇寂然而申申于此也。得公之馀钱,以易其腐榱断瓦,既完且固。闢而即之,则旧圃美木、清池游息之亭,微步之径,皆在其后。平畦浅槛,佳花香草,皆在其左右。于是退处,其并心一意,亦不敢忘其政,非特为休逸之设也。堂之后楹曰蒙轩,周敞明窗,旁列几案、图史;西面植修竹,直干高节,四时葱翠,无一点尘埃气。退食馀裕,搜幽摘奇,醉心六经,此又得隐中之佳趣也。噫!土被于化<sup>⑤</sup>,民乐其利,牛马之牧于山谷者不收,五谷之积于田野者不垣,而晏然不知枹鼓之警、发召之役也。公因其土俗,而治亦简静,真所谓吏隐者乎。昔本部漕使朝议刘公良弼来摄是邑,爱其民既淳,事且简,作诗十章,以“蒙轩真吏隐”句冠于篇首。后人慕其贤,遂刻诸石,而公又新其堂而居焉,则知贤者用心,其不相远矣。公既登甲

① 休:《金石萃编》为“黜”(释作“是”)。

② 倾墜:《金石萃编》为“卑墜”。

③ 前:《金石萃编》为“前后”。

④ 剗(tuán):割,截。

⑤ 《金石萃编》录此句为“土被于化盲,民乐其耕桑,以自养自足”。

科,累历幕府,朝廷知其绩,召还赐对,又特以五品服褒之,行将擢用矣。顾小邑不足展其才,公且隐于是以待超腾也。民欲公久居此堂,但恐紫诰西来,促装车去,预以为思耳。彦政,雍人也。旅食于兹,沐公顾遇,属以命堂之意,辞不获已,漫书其实。公字宗成云<sup>①</sup>。

宣和七年十月初三日,杜陵石彦政记并书。

明

### 新迁庙学记 马理

淳化在洪武时,建学县治之左,门临通衢。当时士乐于学,多显者。厥后令李仲贤以学为神祠,迁于南城之下,后又坏而不加葺也,于是士荡析废学而鲜成名矣。淳化之人,小大咸怨,小人曰:昔吾学美矣,由李令迁之,使士居面墙之下,迁乔而入幽,抱阴而负阳,恶乎不荡析也,此风水之咎也。君子曰:昔吾学美矣!由李令迁之,使士居面墙之下,藏修焉而非其宜,游息焉而无所适,恶乎不荡析也,此有司之咎也。正德甲戌,臬司大夫何公至,视学而病焉。师生以众情告,公曰:吾意也。乃相地得县北废仓及城隍庙地,曰于此建学,善矣。时令未能行也。岁庚辰,令缺。丞毕氏至,视学而病焉。学谕王氏以往事告之,丞曰:令在,吾不听专,今诚吾责矣。乃白于当路,咨于有众。取材于巖,以栋以栱。取石于川,为基础。作庙渊渊,堂舍联联。凡数月而讫工。丞又曰:庙学之前,无通衢,未善也。乃召诸居民,谓曰:若属后园墉地,通以为衢,士利于行,尔亦利于蹙,如何?皆唯唯。于是悉取其壤,为衢为蹙,士民攸便,凡数日而讫工。于是小人观之,乐焉。曰:美哉!阴阳顺矣,风水萃矣,士于此不成,吾不信也。君子观之,乐焉,曰:美哉!藏修宜矣,游息适矣,士于此不学,吾不信也。丞乃乐成,而进诸士曰:夫庙学非地而不迁,有司之过也;迁而不善,有司之过也;士集而不教,师长之过也;教而不善,师长之过也。今王先生善教,丞亦苟焉以塞责矣。乃或于此不学,学而不成,将谁之责乎?诸生咸曰:此诸生之责也。峨山逸人曰:夫迁学、迁居,一也。吾闻有筑室而迁者,迁货而忘其妻;又有病憊而迁者,迁居而忘其心,其亦不善迁矣;故迁心为上,迁

<sup>①</sup> 此碑录文,缺略甚多,致使一些句子不完整,意思不明晰。幸而《金石萃编·卷一四七》录有全文,可供参阅。

身次之,迁居为下。是故君子择所迁而迁也。迁善于乡,弗自足也,而进之于国;迁善于国,弗自足也,而进之于天下;迁善于天下,弗自足也,而进之于古人;斯善迁矣。学谕王氏闻之曰:小子听之,夫命尔矣。何公,名天衢,字道亨,道州人。相地时关内道副使,今河南都御史。丞明经,字世用,井陘人。学谕名继,字世德,保定人。

### 重修文庙记 贾我琪(邑人)

郡邑之有文庙,制也。圣天子临幸辟雍,煌煌典祀。先圣宫墙,实棫朴作人之基。吾邑圣庙,旧在东南隅,移今址者百余年。岁月既久,颓圯寝剧。乃得文公清也来宰兹土,甫下车毅然有鼎新之意。会以包荒捏垦,奔走于上台,为民请命。比得请而民乐耕耘,士安诵读,公保赤之念愜矣。始进诸生谋之曰:庙宫弗葺,余责也。尔多士各淬尔志,毋荒尔业,余将殫力为之。于是捐俸募工,不扰民间秋毫,择士民之才德者,若明经贾我瑛,茂才张凤翼、秦尔振、王治世及乡耆杜可用、吕荣先,乡约陈圣学、贾我璋以董其役,甫两月而功告竣。自殿庑、戟门、桂坊、泮池,轮奂聿新;古木苍柏,青葱掩映;如登洙泗之堂而亲睹其车服、礼器也。窃思自辛卯发祥而后,绝响者五科,不无致疑于风气。公戊申莅任以来,相度经营,不遗余力;亲督课艺,品题罔倦。越明年己酉,罗子璇袞以麟经荐,今秋张子灿垣以麟经抡魁,王子开基、王子玺各以尚书得售。淡墨联翩,比肩接踵,孰非公造就曲成者。庙工甫竣,捷书叠至;天时人事,相济以成;人文风气,有待而兴;洵非偶也。公作人之泽,已应今日,而后之感慕奋起者,方兴未艾,毓为国桢,于以光辅景运,将见重道崇儒之雅,化于公鼎新宫墙卜之矣。于是乎记。

### 重修庙学记 杨栖凤(宁州)

淳化自迁庙学,越五十有五年。李侯讳朝忠者,丕集工役,增缺缮废,厥功裔<sup>①</sup>煌。嗣署篆白公,粗理倾圯。赵侯、扈侯、文侯代相馆符,以次补葺。第历年久远,材落址毁。康熙庚申,涿鹿张侯方任事,急欲召荷畚鍤,南侵未靖,輓

① 裔(yu):三色彩云,古以为祥瑞。此指色彩新丽。

粟蜀汉。兼邑残土瘠，潦旱频仍，未遑计及馨<sup>①</sup>鼓。迨黔滇底定，时和年丰，侯会集众议，询谋佥同，官绅士庶，施材木、输瓦石，捐贖有差。侯进博士张君而授事焉；乡绅贾我英等，生员罗万图等，乡约吕开先等协心经理。癸亥春三月，明伦堂成，两斋、仪门、外屏仍前规而新泽之。夏四月，启圣宫祠新，圣域宫墙成。或建设、或修废，攻之筑之，孔实孔坚。前庙门基高棖星门五尺许，公曰：非制也。相视量衡，高者下之，前者后之，佥曰合度矣。值禁旅出守，协造营署，弗能速竣。越二年乙丑冬，余受教谕来是邑，侯继起前工，余亦共图厥事。四月，峙然而巍峨者，经阁也；灿然而辉煌者，两庑也；学之中，宏敞剡爽、昭然而分列者，名宦乡贤祠也；学之后，曲回纡折、幽然而深邃者，儒学公署也。至于新木主、序名爵，区划周密。历丙寅秋，工始讫。适逢圣上东祀阙里，亲洒万世师表，勒诸石，诏行诸省郡邑以为庙额。侯即命匠雕镂，彩饰卜言，悬扁、献帐、陈牲。礼成，仍率属大合邑人，祇迎御书，如覲天颜。圣天子尊师重道，弹丸多士，均沐雅化，诚千载一遇也。余幸际佳会，睹侯葺敞鼎新，振兴学校，功不在李侯下矣。因邑人之请，为之记。

#### 永安桥记 罗廷绅(邑人)

城北里许有涧，当冲衢，岁久滋深，人谓旧有桥，不知圯于何时？故址不存，行者由寿峰下，间道萦回，相视为病。吾祖福泉翁年独高，犹能忆故址所在，惻然曰：生欲有益于时，歿欲有称于后，人情也。矧桥梁道路，王政所不可缺，司牧者未之举，匪我孰任。乃于嘉靖甲辰冬，裒涧深数十丈，鳩集工作，计费程工，资用供给，日逾二庾有奇。祖以工力浩翰，事无统纪，难以责实效，乃择谨厚者数辈，督匠役、划饮食，日扶藜杖亲视之，朝暮惓惓，不离其处。诸子姓惧其太劳，踧请身代，祖不许曰：汝业乃儒、修乃官，毋与吾事。行李不便，固商旅之病；而士脉不续，亦风水之咎；是桥成，吾愿足矣，何劳之恤。子姓慄慄不敢言。工久费广，一时不能急就，比丙午秋九月而桥始成。下阔十一丈，上二丈，屹然一坦途也。祖欣然笑曰：吾志遂矣。但水道未通，恐淫雨难洩。俄一人荷锄至，与其徒相揖曰：我辈善为洞，但与我值，众骇异，如鬼神所致，即命

① 馨(gāo)：古代用于役事的大鼓。

凿洞数十丈。水决于傍，渐流洋洋。人践于梁，行旅彭彭。为墉为坊，其永无戕。仍命曰永安，从旧称也。时邑侯林公文明嘉赏之，觴余祖曰：兴利除害，王者之政也；宣泽惠民，有司之事也。公以耆寿，乃能补王政所未备，行有司所未为。钜工告成，如矢如虹，仆牧兹土，愧哉未能。祖曰：吾所以为此者，只以利行人、足吾愿耳！至劝劳鼓舞，公之功亦不可忘也。乃命绅记其事。

### 圣济桥记 罗廷绣(邑人)

圣人桥者，肇于汉建元时，孝武避暑甘泉宫，以称制而得名也。桥圯而名其地者，至今不改。嘉靖初，余见南岸一壁犹峙，寻没于水，水出自谷，其流峻而湍悍，两崖夹击，渐冲成渊，其深叵测。遇暴雨泛涨，则罔有津涯，一涉于渊，载胥溺已，行旅每每病之。顷，耆民姚士禄者，鸠石工，经营数年不就，于其上狭处架木为桥，已即荡废无存。嘉靖乙丑，余家居，偕王子东川及弟绅谋之，未几，食士王车街民武希贤、若而人相率而来，愿效劳焉。余三人醵金治具，戒于众，众咸至。余三人扬觶而言曰：若等饮斯，量力以助石工，工成脱险，甚大惠也。众曰：诺。各愿捐粟若干石，不及者减以斗数，自举而书于籍，照数输工所，无何输者什之三。弟绅乃计其徒庸、载其餼粮，数自往而考厥成。值丙寅秋，洛州李君以华州判来摄县事，经工所，促未输者半，补所乏灰铁若干斤。甫数旬而桥联，再阅月而工成。一日，余三人偕洛州君往省其成，赏工匠以下各有差。众欢声鼓动，称颂功德不已。李君以修复之难而成功之易也，属余为记，余唯唯。是役也，计其延袤，无虑百尺；崇半之托，始于建元；再成于隆庆纪元之辰，更名曰圣济桥。其施者书之碑阴，俾后之过者知所自云。记毕，复系以歌曰：

于皇涧兮天堑，嗟吾民兮昏垫。经汉武兮称制，幸甘泉兮肇建。  
 代易变兮靡盐，遇洪涛兮辄泛。构木石兮旋圯，羌中道兮重窞<sup>①</sup>。  
 靡<sup>②</sup>哲人兮殷忧，丕殚心兮呻唵。扩规模兮恢弘，集众力兮罔惮。  
 督般输兮屡省，公纪载兮米盐。倾蜿蜒兮落成，俯流潺兮岩巉。

① 窞(dàn):坎中小坎;深坑。

② 靡(jīn):仅;勤。

砥周道兮矢直，亘地维兮虹见。竖丰碑兮摘辞，愿千载兮无厌。

### 宽裕碑记 杨 爓

壬戌之秋，余受命山城。甫入境，见山川错杂，穴居者且绳枢也。受事数日，催檄两下。余念治顽民者利用猛，遂严鞭笞之令，已逋者如故；更为诛求之法，已逋者仍如故。于是按籍而索、履亩而求，见向之绳枢者，竟皆蠹户也。乃进父老问其故，咸泣诉曰：赋重，丰歉俱病也。岁屡侵，吾等自分沟壑，重为欧阳公所延钱粮压欠五年所，光庙<sup>①</sup>即位蠲除。今只二年未完，乃加督责，密株连，民何能忍死恋此故土耶。余闻而伤之，乃以用一缓二之说白于两台。赖抚台孙公、按台高公俱可其议。历年征解，而归鸿渐集，铢两亦渐输焉，有是哉！宽民乃所以裕国也。淳居山谷，无舟车往来、商贾辐凑，民只依耕作以生活。即不遇水旱、盗贼，时有流离困顿之若，况天时人事不可必乎。后之莅兹土者，急国课亦当念民艰也。熙宇欧阳公经今多年矣，甘棠之爱犹在人口碑，则知心劳政拙之旨，当官君子不可不共念云。黔桐杨 立石节爱堂下，崇正戊寅嘉平月霁邑赵曰慧得此碑草土中，重立堂上。

### 节爱碑记 赵之琴

淳化在秦中，弹丸区耳。自崇正戊辰，揭竿跳梁，兵饷征调纷纷也。余癸酉秋承乏是邑，七盘诸隘，时以警告，特鸠工取材为铅子、铁子、火药需用。闰八月初九日贼至城下，与战三十余阵，始夜遁。邑当孔道，值军兴，烦费民马差之累多矣。旧额工食四百两。今招养马夫八名、兽医一名、拨马吏二名、走递夫四名，每年工食一百两八钱，以旧额给之。又储银六十两为差马出外、草价及上司差役、赏赍，亦旧额内备之，余银二百三十九两二钱，买马十五匹应差。盖本县以斗邑当数路冲，往额马头十五名，每名畜骡马四五匹，犹不免雇觅以故，见年马头家破人离，踵相接也。今官买十五匹，各里愿贴脚力二头，在官当差。以上诸费，旧额尽矣。草豆量派些须，以为今年之用。次年，除用银一百六十两八钱，余银买办草豆，不必复派民间，永为定例。衙右隙地，造马房十楹、马夫住房五楹，建马神庙前宫厅一楹，便于查阅。余为地方计业，不遗余力

<sup>①</sup> 光庙：指明光宗常洛。万历皇帝死后即位，短暂而亡，庙号光宗。

矣。客谓余曰：灾殄时艰，何不姑为苟且，以示节爱。余曰：夫子言节用爱人，孟子愿学孔子，独不曰以佚道使民乎，则知节爱非徒煦育之也，必有经久良法，为一劳永逸计，斯真节爱耳。规模既定，鸿雁渐复，皆此养马之政，任怨任劳之所致；是我以不节成其节，以不爱成其爱，民宁不鼓舞于耕作之日耶。后之君子，草豆之必察，军需城守之必饬；凡余所综理整顿者，常在意中。节爱且无暨矣，故名其堂曰“节爱”。堂何在，即听政之堂也。是为记。

崇正乙亥夏六月日。

### 题名碑记 欧阳煖

国家建府州县，各设正佐职员分理。官有贤不肖而一方休戚系焉，必有题名以记之。虽历岁久远，因名核实，庶足起观感而兴劝戒。惟兹淳化系古甘泉、栒邑，旧为全设。自成化十八年分建三水，丞簿续裁焉，而令典仍旧也。万历二十三年秋，余奉命来治兹土，见题名独阙，不能无慨于衷。后之视今，犹今之视昔；湮没益久，其为后人所慨叹，又何如也。乃考之县志，访诸故老，询及卿士大夫：凡自我朝莅兹土者，出身资格，到任离任颠末，并中有治行著者，虽详略不同，各得其梗概，命镌于石，竖之堂左，俾后人睹斯记也，指名考行，某也贤，某也不肖。观感所系，庶几劝戒之心，油然而兴也，记之未必无小补云。

万历戊戌二月日

### 重修启圣宫祠记 张如锦(长洲)

凡学宫立大成殿，复有启圣祠，所以体圣人行在孝经，而以至德要道教天下也。夫孝，德之本也，教之所由始也。自天子以至卿大夫、士庶，莫不以孝为兢兢。生则致其养，歿则重其祀。凡祠庙祭飨，以妥以侑<sup>①</sup>，皆此志也。考公当年，传有偃阳、旅松<sup>②</sup>二事，盖尝为鄆<sup>③</sup>大夫矣。故鲁人称夫子曰鄆人之子云。夫子虽少孤，不知其墓，先儒皆辨为诬。既合葬当防<sup>④</sup>，墓崩，泫然流涕，恻怛积于中，仁孝之至也。既不得位，不闻有追崇庙飨之礼。而后之人，不为之表扬

① 以妥以侑：妥，安坐；侑，劝酒。古代祭祀用人装神主，其名曰尸尸。请尸安坐叫妥，劝尸饮食叫侑。

② 偃阳、旅松：春秋时鲁国的两个地名。此指孔子的父亲叔梁纥参加的攻取偃阳和在旅松与齐国军队作战的典故。参见《春秋左传正义》中的《襄公十年》《襄公十七年》。

③ 鄆(zōu)：春秋鲁邑，孔子故乡，在今山东省曲阜东南。

④ 防：指防山。孔子父母合葬之地，在今山东省曲阜县。

先烈与万世师表并著，谅夫子所怒然未安也。此启圣寺祠之设，盖其重也。皇上崇儒重道，自成均以及东鲁阙里，临幸释奠，所以奉事之者至矣，海内学宫皆以时修饬。淳化下邑，幸亦不至缺略，独启圣祠半已圯坏，余方瞻礼不自安。家君一日过学宫，复与博士李君相顾，嗟叹久之。余趋庭承命，弗敢稍缓。因卜吉鳩工，经始于四月辛酉，越己巳告竣。栋宇埏埴，悉还旧观；多士欢呼，广文欣羨。庶几妥公之灵，实以妥夫子万世师表之灵。至于大成殿之渗者完之，祭器之露者覆之，栋宇孔坚，典物克守。是役也，木斲工费，蠲俸以给，初不累民间一草一黍，则又尝记。孝经有言曰：谨身节用。余谬宰兹土，以得侍温清布衣蔬食为娱。惟是修废举墜，有司之事也。承前启后，夫子之志，尤凡为人子之志也。凡瞻礼祠下者，共知肃然饘粥之命，依然水本之义，蒿然南陔、华黍<sup>①</sup>之思，皆于是乎在当。不徒车服礼器，低回留之不能去云。

#### 重建永安桥记 张如锦(长洲)

余治淳化之明年，邑中诸绅士耆庶以重建永安桥请，时拮据未遑也。明年又相率以请，其言曰：桥故在北门外不里许，相传汉昭帝时始筑，以达云陵，殆坦坦绵延数十里，以后兴废不可悉考。祇按旧志，明宣德中县令邢公清修复后，又废；嘉靖中罗氏福田翁又修复，碑记尚存，乃自万历四十二年又废；迄今八十八年，无起而重建者。于是往来病之，而覘地脉者且鳃鳃然以为虑久矣。盖淳化山城，僻且陋，而其西北石门、凤凰，直达子午诸山，襟带起伏，灵气之郁积，皆蜿蜒回薄，而会于此。汉为镇，唐为寨，至宋立为县。意者蓊尔之区，其生殖沃衍，犹可想见也。大凡气之佳者，必有自来，所患来而复断，其气且索焉中止。当明万历中年，邑犹号蕃庶。迨桥既废，行道之人不得已萦纆经寿峰下。数十年来，庐井蹙耗、市廛衰落，商旅却走、户口流移，环山烟火，不得与壮县村聚等。此吾侪隐忧而亟望良司牧振兴者也。余因思事有不幸出于久远而诱于不可复者，何可胜数。惟兹桥梁，如砥如矢，旧址沦歿，得无道蕪<sup>②</sup>不治而徒为临民漱浣之所惋叹。余未稔地脉，姑引经义以告之：《易》之“剥”曰：“不

① 南陔：古时笙诗篇名，后引用为人子侍养父母的意思。华黍：《诗经》中咏祭祀的诗歌。

② 蕪(fú)：草多。《国语·周》：“道蕪不可行也。”



利有攸往”；其上九曰：“君子得舆民所载也”<sup>①</sup>。盖“剥”之极将“复”<sup>②</sup>也。今之淳化，可谓剥矣。余尝过通润、庄头诸村，见菽麦盈车，不得达于城市。其不利往固宜，诚因时修复，将见行者歌于途、居者嬉于市，未知视前此为镇为寨何若，而高山仰止、景行行止，庶几有车辚辚于秦风，占得舆之象焉。“复”之初曰：“不远复，无祇悔。”而又何地脉阻绝之有。诸绅士耆庶欣然曰：幸哉侯之能振兴也。是一役也，而阖邑共利焉，敢不踊跃输将以从。乃计其功、鳩其值，所费若干缗。余蠲俸以倡，次听输助各有差。经始于二月十有九日，中以农功暂辍，落成于十月朔日。以通行旅，亦以补风水。一桥虽小，所关于由“剥”而“复”者大矣。仍命曰“永安”，亦望其永而不更废，斯淳化之民之幸也。敢记之以告来者。

#### 吏隐堂后记 张 遇(长洲)

由长安而西百八十里，曰淳化县。其地故属云阳，其割六乡为县，自淳化四年始。先经咸阳窑口镇渡渭河，又渡泾河、过泾阳。两县繁庶，殆不减长安。在泾云阳，相传云陵旧境，自此入谷口为淳化界。吾闻汉郑子真尝隐于谷口，按舆地盖冶谷口也。今观峭壁横立，飞泉激射，信隐者所宜居耶。攀缘而上，委折而入，环顾皆山。其麓巉壤为县治，入其城，设三门，其一尝闭。颓垣废址，廛市萧然。余谓如锦曰：古有称吏隐者，是可以隐矣！乃登其堂，额曰吏隐堂。考所自始，则宋宣和中贤令张安祖原题也。吾不知当年命名之意，果有所感耶，抑凡为吏者，于此不忘谷口之流风耶？夫不能隐而吏有愧于昔贤多矣。幸吏而隐，斯可乐也；古之人有实获我心者也。堂故有记，属如锦录之，为吏隐堂后记云。

#### 重修城隍庙碑记 张述湛(咸宁)

古者度地居民，建邦设都，而成池之制以立。《易》曰：王公设险，以守其国；《书》曰：申画郊圻，慎固封守。所以奠金汤而巩砺带者，明则治以人，幽则资乎神，无异理也。考之礼，有功德于民，则祀之。是故城隍之神，自通都大邑

① 见《周易·剥卦》。

② 见《周易·复卦》。

以至僻壤遐陬，莫不尸而祝之，社而稷之。朝廷隆其褒封，列于五等，典至鉅也。今年春，余任淳邑学谕，谒庙，见役徒毕集，筑削并施，重修尚未竣功云。越数月，殿宇辉煌，回廊缭绕，栋桷<sup>①</sup>榱桷之属，丹刻黝垩，望之焕然一新，屹然为一方保障焉。于是邑人士咸归功于贤侯万公，而相率请余言以记之。余惟神之明禋，载在祀典，有其举之，弗敢或废；而治民事神，则守土之责也。公抚字斯民，慈祥恺悌，诸善政难更仆数。兹以庙渐圯，首捐廉俸，鳩工修葺，因属其事于太学范兆周，庠士罗三畏、罗际昌，街民贾毅、王宝等，矢慎矢公，殚心督率。一时士商民居欢欣踊跃，竞出资材以襄厥事；六里之人祈祷于斯赴焉，报赛于斯集焉；父老子弟持瓣香而奔走者，观瞻既肃，灵爽如新。吾知终和且平，而锡福于方来者神之惠，皆公之赐也。抑余闻之。神，代天宣化，彰善瘅恶，果报历历可稽。淳之人沐贤侯之深仁，感神道之设教，其迁善而去恶，宜何如兢兢耶！必宜父戒其子，兄勉其弟，修孝弟于家庭，敦睦姻于里党，型仁讲让，无诈无虞，于以追幽风忠厚之遗，而成比户可封之俗也。胥于公鼎新庙貌，卜之矣。

### 重修岱岳庙记 贾克忠(邑人)

城东里许，重峦叠岫，前颠高处则泰岳庙。金元以往，为崔府君祠，沿革兴废俱有碑。中峨而峙，两川带之；北通石门，达子午；西襟辰头、凤凰诸险要。庙宇雄巍，有干霄之势。古柏槐数百株，或亭亭独立，或偃仰相错。下则曲径流泉，南亩东畴在望。岁久日湮，榱题渐敝。崇正己巳后，庙左右俱战场，萑苻潜窜于其中，邑侯赵公侣鹤谒庙而登，每叹山川如故，而前烈之尽湮也，且要害之不守也。举儒官贾克孝、刘斯通，太学罗大纬，乡耆吕扬先等董其事。庀材募工，经始于丙子季春，告竣于丁丑仲夏。凡正殿、寝宫、左右祠、钟鼓楼，与夫育婴之室、演乐之台、神门献殿，无不焕然。高垣峭壁，屹郭外，一保障矣。计费若干缗，皆公所设处蠲助，童叟欲余为记。余因思公治淳三载，无日不以城池为事。今聿新庙宇，宁止祈休神祇已耶！传循良者，惟治民事神为兢兢。公于治民，德刑并用，亦既咸怀抚摩而期于辑宁，则山灵轰起，复加飨之，俾肩背

<sup>①</sup> 桷(móng):屋的大梁。古时造屋，一般称东西架者为桷，南北架者为梁。桷即梁。

有相应之势，城野妙互应之机。即吴玠之筑和尚原，张浚之城潭毒山，皆此意也。而治民之本得于事神；神之赋之，有公精明之德焉，况五岳宗岱者也；惟其有生生之德耳。从此神无怨恫，人无夭札，神之生生，皆公之生生也。童叟其亦共知之乎，因举以告而刻之石为记。

### 义女记

淳邑依山为治，多连岗叠阜，沟涧深阻，狼每窟藏为患。齐女藕花者，年十二，携其六岁弟偕父之陇畔。父前行数十步，两狼突至，弟惊仆地，狼张牙前噬。藕花覆其身，谨护之。曰：狼食我！勿伤吾弟，狼啣益急，藕花护益谨，疾呼曰：狼食我！狼食我！其父闻声至，狼始逝而幼孩得无恙。里巷之子，寻常啖果，饵不均，涕渍纷攘，或虚言恐怖，即惴惴趋户，恨不及。藕花以髫龄弱女，当两狼之暴，不惜身命，从容殉其弟，使肌肤无毫发之伤，岂非孝友性成，神明垂庇者乎。是可嘉也已，并赠“性笃友于”四字为额。

## 淳化县志卷二十五

### 金石略第十六

明

赠通政罗公墓碑 乔世宁

赠通政罗公者，中丞君廷绣父也。中丞君既丧其父，乃属余为墓道碑。余与中丞君同进士科，又里居特近，以是得习公事行云。碑曰：公名仁夫，字孟居。尝读书寿峰山下，因自号寿峰。上世盖泾阳人，泾阳分置淳化，以罗氏附淳化籍。七世祖曰仲德。仲德生士先，士先生聚，聚生文善，文善生楫。楫以举人受商水令，升知开州。开州公生九霄，即公父也，配姚氏。弘治癸丑生公。而侧室姚氏又生贤夫、正夫、中夫。始，公父教子甚严，约曰：一子有过，诸子并引过伏责。公独以遵教得父欢。后公生中丞君与季子廷绂，即用父教严督之。而中丞有二子曰元、允，廷绂二子曰光、充，亦皆公身自教之。罗氏自开州公显矣，至公兄弟皆游太学、登仕籍有声。今公子为中丞，中夫子廷绅为知府，正夫子廷杰，绅弟廷纁与元、允、光又俱为诸生有名，而族子弟为诸生者复十余人，罗氏遂大著关辅间。而倡教兴宗、振家声者，实自公始。公少负奇气，又博学宏览，究当世之务。一时士多游门下，辄成名以去，而公顾数试数不第。嘉靖甲申选贡入太学，则益友天下名士，益审识治体，习闻国家典故，乃其志益欲用世自见矣。既卒業且归，中丞君请留养京师，公不从。会当奏考功郎绩，因请就封，公又不从。曰：吾欲受一官身报明主，以功业自施于世。乃其配袁氏封安人，公竟注迁选籍。中丞君曰：今贡途率偃蹇不得志，大人何仆仆此为也？公曰：成功之会，不必择官；烈士殉名，期于得志；是安可与世俗道也。委吏乘田，孔子且安焉，汝顾谓不屑就，何也？且柳下惠于陵子固贤圣人也，然皆不辞小官，彼其志何为者耶。夫鸿鹄翔于寥廓，鸚雀飞不离蒿艾，亦各适其志也。

汝其无违吾志。中丞君不得已,乃以父归。癸丑,受乐平令。会中丞君以通政奏迹,又请就封,公又不从。袁安人进封恭人,而公竟往乐平。至即修学宫、建名宦乡贤祠。往徭银余数百金,县官率截取自用,公尽除去,著为令。乐平地半山,集逋赋日多,公为除定等则均之。已又决李稷疑狱,名益盛称晋中,乐平人甚赖焉。乙卯,中丞君升巡抚四川,特取道乐平省公,因请公休。时公亦以中丞君命下,有归志,乃具白抚按以行,乐平人重公,去日遮留,公竟请致仕归。中丞公则泣告余曰:父病革时呼廷绣,嘱曰:吾家受国恩三世矣,图报者当在尔小子,其无忘吾言。比卒,无一语及私,其夙志尚耿耿也。余慨然太息曰:嗟乎!以世俗观公,其谁谓公不遇哉!然余独为公绌之。夫闾巷之夫无能用世,得贤子孙以显名传后,幸矣。公足自致显名者,治乐平甫年馀,乃百姓德公、留公已若此,是循良之效,非耶!使得毕志遇时,则功泽安可量也。顾独以子故,抑其志不得尽施用,君子盖有怜才之叹云。以是知古今豪杰之功业,皆系于际遇,而科目顾可以尽人哉。公卒在丁巳四月,寿六十五,殁以县官服。中丞君仰天痛哭曰:吾竟不及致封命于吾父矣,天乎!天乎!乃含哀布情悃奏上,上怜之,得赠右通政。戊午八月以通政礼葬。墓在县北祖茔西一里。辛酉五月墓碑成。

#### 知府罗公墓志铭 袁 正

君讳奎,字文光,号云埜罗氏。先泾阳人,宋淳化中置淳化县,始祖仲德占籍义门里,世为淳化人。仲德生士先,士先生聚,聚生文善。以高祖讳楫,贵封文林郎、河南商水县知县。楫,景泰庚午科亚魁,筮仕商水,后升开州知州。曾祖讳九思,山西夏县知县。祖讳学夫,祖妣姚氏生四子。长讳廷辉,君父也,以君贵封知县,后赠员外郎。配姚氏,初封孺人,后赠宜人。生四子,长即君。君幼从余游,经传子书,目过辄成诵,人咸奇之。壬戌首补弟子员,数试冠诸名士;甲子一举,乡试中式;隆庆戊辰,登罗万化榜进士。己巳除知河南上蔡县。万历癸酉,台省员缺,得中丞推荐入选,乃例靳限年,升授兵部武库司主事。越甲戌,闻父讣终制。丁丑起复,补职方司主事。壬午升武库司员外郎,时方出饷延宁,甫竣事,计报升知山东莱州府。乙酉夏四月归里,六月二日卒。距生嘉靖乙巳,得年仅四十有一耳。壮行有沮,志愿弗酬,吁嗟伤哉!君负美质,自

髫年为弟子员、为举子登仕，矢志勤约，静居肄业，不知有纷华娱悦。相从几十年，未尝见与群弟子嬉戏遨游，亦未见比昵奸声乱色。居官服食器用，率俭素如寒士。有足多者：上蔡冲疲，供应役烦，往有羨金馀五百，官多乾没，君除为募夫缮城，著为令。田粮久不均，履亩限域定等。邑故多豪滑，悉按捕论死，奸吏赂遗外交，罔敢私通。以故治行茂著，荐擢司马僚，立朝数年。守治者一，出使者三，未及为郎署视篆即外补，遇今上大阅、管理九门，蒙钦赏綵紵。清理京营伍籍，预议边情，即与寅长不合，受谤弗恤也。东莱濒海为边郡，人悍俗侈难治，君惟虚心应事。会岁侵，百姓困极，府治城堞多颓圯，乃曰：古有救荒兴役济急者，非其时耶。计搜报簿银，募工修筑，量食支給，甫两月完葺。再请岁赈银三千。时谷踊贵，计名银九分，易谷斗馀，乃檄各属半出仓积代银，而留银贮库，俟秋易谷还仓，该得斗馀者得三斗，饿夫欢受惠焉。他如豪吏抵死、李妻坐诬、杖杀土恶王天祐等；擒治矿首陈大德等；洗胶州守受诬，理昌邑丞亏枉…锄强扶善，无俟悉数。士民方仰循良，詎意奸谗乱听，计伤疏归，岂非数哉。君雅孝友，任蔡日，奉祖母、偕父母迎养。适菜，仍取三弟奉母如蔡，食共案，衣共采，宦置田产，共分给。历官颇久，居止卑隘，亦可以见矣。配任宜人，子男六：大纶、大纪、大斌、大緌、大纬、大缙，俱幼。女二，俱未字。大纶等将以今年十二月廿五日葬君寨子村新阡，持君族兄椿之状约铭，余为志其事而铭曰：于赫世族，君为太守。幼学冠英，求志卓壮。行方懋，竟心休。势可乘以巨施，顾数之靳而弗尽；理可俟以修龄，顾命之奇而莫留。岂苍苍者预有定，抑泯泯者尚或尤。郁郁佳城居已矣，君其正瞑目于首邱。

### 国朝

#### 勅赠署游击事韩公墓碣 罗璇袞(邑人)

公讳玺圣，世籍淳化之集义里。其大父、父皆以钱鏹起家。公自幼喜谈韬铃，不事家人操作。闻萑苻之警，即奋臂欲先，叩其所志，同于乘风破万里浪。顺治二年执殳从戎，南征逆氛王二等，恢复郟乡，遂隶郟督帅佟标下，拥盾騫旗，屡立战功。自大帅以及参伍，咸厚遇之。军中观其骁勇，咸曰：其淮阴之流亚欤。由掌旗授千总，由千总题补守备。康熙十七年，逆寇窟穴竹房，奉命进剿，血战盆山。以敌众我寡，力屈被擒。逆党械解湖南衡州府，贼首素闻其勇

略,欲降之。公奋常山之舌不少挫,遂为所害。大兵平衡州,访死绥将士,因得上闻。奉旨赠署游击事,用慰忠魂。公生天启二年三月十八日,委命于康熙十八年二月初七日,年六十一。元配张氏,子宏范。公表阡有日,弟玺曾及子乞余文瓈石。余述其行事而为之铭曰:惟公燕颌猿臂兮武勇绝人,绩著江汉兮带断建轮。数奇李广兮星殒湘滨,慷慨节烈兮名达枫宸。梓里咸重兮气壮三秦,毋虑其歿兮寿于大椿。

#### 姚经历王五合传 张遇(长洲)

姚公尝为县令矣,以经历死于官,不系县令系经历,见其官愈卑节愈烈云。公讳开先,字尧门,淳化集义里人。读书通古今,为名诸生。顺治五年选贡生,十三年任山西汾州府临县知县,嗣以母丧归。康熙十年赴补,乃得四川盐井卫经历。或以卑且瘠为言,公慨然曰:官何论尊卑,视吾职何如耳,宁以地方瘠薄为廉吏病哉。单车就道,其志意固已不侔矣。莅任及岁馀,吴逆变起滇中,贼党入蜀,一时州县多望风瓦解。公独守闲署,凝然不动。未几贼至,仓卒被获,逼降之,授以伪札。公立碎之,大呼曰:我本朝臣子,当为本朝死,鼠贼以微员可爵禄饵耶。大骂不置口,贼方囚之,遂于会盐营投缳而死。时十三年十二月十三日也,年五十四。是时吴逆势张甚,平凉镇臣王辅臣复据城以叛,先令军中曰:远近壮士能从我者,吾能富贵之。淳化距平凉六百余里。王五者,名宏毅,世居淳化之白堡村,务农多膂力。平日为地方悍御,村人目为狼王五。贼方招集骁勇,以五六百骑攻白堡,堡单薄,不能守。既陷,急索狼王五何在?宏毅声应出曰:我王五也。村众奔散,独奋勇力敌,贼蜂拥缚之曰:从则授汝以官,不从则死。宏毅曰:我非畏死者!复瞋目骂如雷,而身首异处矣。时十四年五月某日,距姚公死甫半载。姚有子谦,扶柩归;后中癸酉科举人。王素贫,乡人收其尸以殓。甘泉寓叟曰:淳化在崖谷中,以纪年为名。犹有闻而称道之者。姚固微职,王乃一村农,大节凜然,其无忝忠义如此,然则淳化之名,岂不尤重乎!其人哉,呜呼难矣!

#### 孝义传 李一鹏(宝鸡)

余署淳化,谕之明年,葛子松龄举明经,余与周旋,悉其家世祖若父,恳挚慈谅,皆性成而行谊表,表乃述其大略以传。祖讳俊,字前山。八岁失怙恃,养

于外家赵氏。赵素封，或劝为其后。俊潸然涕曰：幼失父母，是天之愆不孝也；遂因为螺赢<sup>①</sup>之负乎，是益之不孝也。葛氏为若敖之鬼矣，何以慰父母。闻者皆曰：孝子也。年二十能自食其力。当明启、正时，头会箕敛，人不胜赔累，独以单寒丁，里中门户，无逋无逃。无何，岁大饥，藜羹不掺糠核弗给者，比屋皆是。俊仅中产，能自活，每出其赢馀，调谷而廩之。当是时，荆棘塞途，乃茧足冒险走邻境，营升斗以煦姬濡沫，兹无所辗转之比闾族党，全活甚众。嗟乎！当此人相食、骨肉不相庇而独能起人之殍<sup>②</sup>侘僚而无所靳惜，则所谓仁人长者其事也。且于里閭之婚嫁丧葬，不克自致者，贍给未易更仆数，而赖以举火者食其惠，感其德，远近归誉焉。邑侯赵公，举以端乡里之望，诸营建修造，皆俾董其成。专精励意，不蠹公、不腹私，事事就理，期不负嘉惠斯民之至意。以故，数十年历宰兹土者莫不嘉其善云。康熙十五年，无疾告终，寿八十二。长子崇明，负性克肖。国初草泽，尚多伏莽，间关数百里负米养亲。刘氏病，祷天愿以身代，仿古人尝粪，知不起，号痛几不能生。母歿后事父惟谨，晨夕温情无倦色。及歿，哀毁逾礼。释服之日，复过哀恸跌而逝，年五十八。有子四：长松龄，康熙戊寅岁贡生；季桧龄，廩生；徐安业成立。孙枝并茂，人以为孝义世德之报云。

### 七烈传 赵宾(阳武)

七烈者，二为罗妇，五则罗女或养女也。女有家者二，其三尚未赋桃夭<sup>③</sup>。有家者，一曰雁珠，为莱州公长孙、诸生补袞女，竹山长其从大父也。幼抚之，笄年归泾庠生郭来辅。未匝月，延寇突出掠郭。故有高楼，村人及郭之族集焉。贼用火攻急，众醢黄白细软饵之，贼曰：何须，此楼有四新妇，出之围可解。楼中人面相窥也。雁珠心知其所谓，曰：此头可断，此身不可辱；从容登绝顶，墜楼死，时年十八耳。群贼义之，安其魄于中庭，列拜去。来辅感其事，终身不复娶。死之日，崇正二年上元日也。后十七年，又有窦芳事。窦芳者，竹山长

① 螺赢(guòluó)：寄生蜂的一种，产卵于螟蛉幼虫体内，吸取为养料，其后代从螟蛉幼虫体内孵出，古人误以为螺赢养螟蛉为子。

② 殍(yèdié)：微病貌。病而不甚者称殍。

③ 桃夭：女子出嫁时唱的歌。见《诗经·周南·桃夭》。



长子、诸生襄袞女。母杨婉时梦奉天窦烈女偕其从娣雁珠来其家，遂名焉。长适三原房大猷，房亦衣冠族。窦等于归后，无何，兵丁乱。亦集楼上，势不支，亦墜楼死。问其年亦十八，考其时亦顺治二年正月上元日也，何其与雁珠前后若符节，无亦衣褐时之嘉梦是践耶。自芳之死，一易腊，罗之孀妇室女杜田若而氏<sup>①</sup>复以烈称。杜氏者，生员光前女，为诸生章袞妻。章袞者，亦莱州公诸孙也。章袞死，杜称未亡十馀载。三年六月，土寇袭淳化，杜呼其养女淑明、淑仪曰：我，孀妇也，谊不容见贼；井，吾死所也。死之。二女义不忍独生，亦死之。呜呼！杜犹士之女，士之妻也，或于班大家<sup>②</sup>书有所闻。如二女者，天性固然，其激励兴起，要所闻于杜氏之风者不浅矣。杜复有夫姪妇田氏。田氏父见龙、夫群芳，翁即补袞也；实雁珠之邱嫂、莱州公曾孙妇云。自田氏之失群芳，久誓柏舟<sup>③</sup>，抚其女曰：优者与杜氏连墙居。是时女优年十四。田闻变曰：嫠与女俱不可落贼手，遂携女投于杜氏所死井。及变定，五人者，纍纍出井幹间，淳人士见之无不垂涕。余谋所以表其闾及二烈之子群猷、飞文辈复其身，已牒而请，犹未施行。此七烈者，人萃一姓，系出同祖。呜呼痛矣，呜呼盛矣！惟雁珠有女中丈夫一绰楔，树径千馀，旌门表闾。寂寂焉，姑次第之，以竣采风。

### 范孝廉传 万廷树

范生兆昶，字东升，号西岩，本山西太原府祁县人。其父客游于淳，多历年所，遂家焉。生兄弟六人。生居四，赋性孝友，植品端方；幼即聪明，克通书义；及长，名列胶庠，益潜心于经史，肆志于词坛。食饩十余年，而学养之功，不杂以家计者，赖有伯兄兆周为之经理也。其弟姪之诵读，皆生自督于家塾，而课功甚严。庚子秩闈，生既扬名，其姪伯棠亦邀副车之选。两世同科，是固生之有志竟成，而并及其伯兄之子也；家学渊源，诚有自矣。乙未冬，余莅任兹土。甫下车，即知生之品行学问迥异凡庸，而未见其人也。丙寅初春，课诸生得卷百馀，而生艺果优，拔为冠军。嗣是每值朔望必亲见，殷殷致询，文词而外，不及政事，余器之。余且以远大期之，两举优行，未获荐剡，生益奋勉克励，不以

① 若而氏：指某某氏。清王引之《经传释词》：“若而者，不定之词也。”

② 班大家：指东汉女学者班昭，著有《七诫》，阐述女子三从四德。

③ 柏舟：女子不嫁别人的誓言。见《诗经·国风·柏舟》。

为念。其生平之力学持躬者，大概如斯也。无何，甫登贤书；未及数月，抱病而终。余悯其年数之不永，而悲其品学之徒湮也。故略叙梗概以表之。

**孝子传 罗三畏(邑人)**

孝子姓贾氏，讳刚，字乾若，邑廩生也。甫三岁，生母见背；五岁父又亡。茕茕独立，赖继母罗氏矢志抚孤、相依为命。公少有至性，事继母极孝。当乡塾课读时，出告反面，循循子道。及弱冠，潜心经史，名振胶庠。家綦贫，夫妻咽藜藿，而堂上奉甘旨。母心恻然，每谕以甘苦共尝。公唯之而奉养如故。素精岐黄术，亲友延致者，虽道远必亟归，不敢越宿。戊子秋与余辈省试归，值渭水泛涨，阻河侧者三日。母闻之忧甚，竟日不食。公归知其事，痛自责悔，谓昔人愿以德养，不以禄养；奈何缘身外名，致貽母氏忧，从此绝意科名。后母疾，亲奉汤药，衣不解带者数月。迨母卒，哀毁骨立，须发皆白。亲友以毁不灭性为解，公号泣曰：某非继母无以至今日，昊天罔极，图报永无期矣。谢绝世务，读礼三年。比及葬，卜宅于祖山之阳。经营尽善，即细务亦必躬亲。由是积劳成疾，自知不起，乃嘱其子曰：生寄死归，人事之常，何庸悲？但歿后，葬我于祖父母之侧，使得从游九原足矣。阅数月而卒。至今邑中称纯孝者，必推公为巨擘云。

## 淳化县志卷二十六

## 词赋略第十七

汉

甘泉颂 王 褒

《汉书·王褒传》：元帝为太子，喜褒所为《洞箫赋》及《甘泉颂》。《文选·魏都赋》注引王褒《甘泉颂》；《西京赋》注引王褒《甘泉颂》曰：“编璆瑀之文櫬<sup>①</sup>”。引王褒《甘泉颂》：甘泉山，天下显敞之处也。前接大荆，后临北极，左抚仁乡，右望索城。其宫室也，倮螭龙而造牖，采云气以为楣，神星罗于题鄂，虹蜺往往而绕榱。想圣主之优游，时娱神而款纵。坐凤凰之堂，听和鸾之弄。临麒麟之域，验符瑞之贡；咏中和之歌，读太平之颂。

甘泉宫赋<sup>②</sup> 杨 雄

孝成帝时，客有荐雄文似相如者，上方郊祠甘泉泰畤、汾阴后土，以求继嗣，召雄待诏承明之庭。正月，从上甘泉，还奏《甘泉赋》以风。其辞曰：

惟汉十世，将郊上玄，定泰畤，雍神休，尊明号，同符三皇，录功五帝，卬胤锡羨，拓基开统。于是乃命群僚，历吉日，协灵辰，星陈而天行。诏招摇与泰阴兮，伏钩陈使当兵，属堪舆以壁垒兮，梢夔魃而扶<sup>③</sup>獠狂。八神奔而警蹕兮，振殷鳞而军装；蚩尤之伦带干将而秉玉戚兮，飞蒙茸而走陆梁。齐总总以搏搏，其相胶葛兮，恣骇云讯，奋以方攘；骈罗列布，鳞以杂沓兮，柴虎参差，鱼颡而鸟眈；翕赫矞霍，雾集而蒙合兮，半散照烂，粲以成章。于是乘舆乃登夫凤凰兮而翳华芝，弥苍螭兮六素蚪<sup>④</sup>，螭略蕤绥，灑乎褻纒，帅尔阴闭，霁然阳开，腾清霄

① 櫬：志录为“攬”，据《文选》以正。

② 《甘泉宫赋》为汉代名赋之一，《汉书·扬雄传》《文选》均有录，其文字略有差别，注释亦各见所长。此次校点，以《文选》为据，只纠错字，难为注释，盖因解字释句，篇幅太大，志书不易容纳之故。

③ 扶：错录为扶。

④ 蚪：错录为蚪。

而轶浮景兮，夫何旃旒郅偁之旖旎<sup>①</sup>也！流星旒以电烛兮，咸翠盖而鸾旗。敦万骑于中营兮，方玉车之千乘。声駉隐以陆离兮，轻先疾雷而馭遗风。陵高远之崿崿兮，超纤谲之清澄。登椽栌而豷天门兮，驰闾阖而入凌兢。是时未臻夫甘泉也，乃望通天之绎绎。下阴潜以惨廩兮，上洪纷而相错；直峣峣以造天兮，厥高庆而不可乎弥度。平原唐其坛曼兮，列新雉于林薄；攢并闾与芟菝<sup>②</sup>兮，纷被丽其亡鄂。崇邱陵之駉駉兮，深沟嵌岩而为谷；崑崙离宫般以相烛兮，封栾石关靡乎延属。于是大厦云涌波诡，摧摧而成观，仰拑首以高视兮，目冥眴而亡见。正浏濫以宏摐兮，指东西之漫漫，徒回回以徨徨兮，魂固眇眇而昏乱。据軫轩而周流兮，忽块圯<sup>③</sup>而亡垠。翠玉树之青葱兮，壁马犀之磷瑞。金人伉伉其承钟虞兮，嵌岩岩其龙鳞，扬光曜之燎烛兮，垂景炎之炘炘，配帝居之悬圃兮，象泰壹之威神。洪台崛<sup>④</sup>其独出兮，檄北极之嶷嶷，列宿乃施于上荣兮，日月纒经于枅栝，雷郁律于岩突<sup>⑤</sup>兮，电倏忽于墙藩。鬼魅不能自逮兮，半长途而下颠。历倒景而绝飞梁兮，浮螻螻而撇天。左欂枪而右玄冥兮，前嫫闾而后应门；荫西<sup>⑥</sup>海与幽都兮，涌醴汨以生川。蛟龙连蜷于东厓兮，白虎敦圉乎昆仑。览樛流于高光兮，溶方皇于西清。前殿崔巍兮，和氏珑玲，炕浮柱之飞榱兮，神莫莫而扶倾，闾闾其寥廓兮，似紫宫之峥嵘。骈交错而曼衍兮，崿崿隗乎其相婴。乘云阁而上下兮，纷蒙笼以棍成。曳红来之流离兮，颺翠气之宛延。袭璇室与倾宫兮，若登高眇远，亡国肃乎临渊。回森肆其碣骇兮，披桂椒而郁移杨。香芬菲以穷隆兮，击薄枌而将荣。芴呖肸<sup>⑦</sup>以棍批兮，声駉隐而历钟，排玉户而颺金铺兮，发兰蕙与芴<sup>⑧</sup>穷。帷弭張而拂汨兮，稍暗暗而靦深。阴阳清浊穆羽相和兮，若夔牙之调琴，般垂弃其剖斲兮，王尔<sup>⑨</sup>投其钩绳。虽方征侨与偃佺兮，犹仿佛其若梦。于是事变物化，目骇耳回，盖天子穆然珍台间馆、旋题玉

- ① 旒：错录为柅。  
② 菝：错录为苦。  
③ 块圯：错录为轘轧。  
④ 崛：错录为掘。  
⑤ 于：突：错录为而，突。  
⑥ 西：错录为四。  
⑦ 肸：错录为朕。  
⑧ 芴：错录为穷。  
⑨ 尔：错录为蚩。

英、蜎蛭蝮溲之中，惟夫所以澄心清魂，储精垂恩，感动天地，逆釐三神者。乃搜逮索偶，皋、伊之徒，冠伦魁能，函甘泉之惠，挟东征之意，相与齐乎阳灵之宫。靡薜荔而为席兮，折琼枝以为芳；吸清云之流瑕兮，饮若木之露英。集乎礼神之囿，登乎颂祇之堂。建光耀之长旂兮，昭华覆之威威；攀璇玑而下视兮，行游目乎三危。陈众车于东阬兮，肆玉软而下驰；漂龙渊而九垓兮，窥地底而上回。风澁澁而扶辖兮，鸾凤纷其衔蕤；梁弱水之灑灑兮，蹶不周之委蛇；想西王母欣然而上寿兮，屏玉女而却宓妃。玉女亡所眺其清矚兮，宓妃曾不得施其蛾眉。方揽道德之精刚兮，侔神明与之为资。于是钦柴宗祈。燎董皇天，皋摇泰一。举洪颐，树灵旗。樵蒸昆上，配藜四施，东爨<sup>①</sup>沧海，西耀流沙，北燠幽都，南炆丹厓。玄瓚觶醪，柜鬯泔淡，胖蚶丰融，懿懿芬芳。炎感黄龙兮，爍讹硕麟，选巫咸兮叫帝阍，开天廷兮延群神。候暗藹兮降清坛，瑞穰穰兮委如山。于是事毕功宏，回车而归，度三峦兮偈棠梨。天阍决兮地垠开，八荒协兮万国谐。登长平兮雷鼓磕，天声起兮勇士厉，云飞扬兮雨滂沛，于胥德兮丽万世。乱曰：崇崇圆邱，隆隐天兮；登降别施，单墀垣兮。增宫参差，骈嵯峨兮；岭嶙嶙峒，洞无厓兮。上天之絳，杳旭卉兮；圣皇穆穆，信厥对兮。徠祇郊裡，神所依兮；徘徊招摇，灵迟退兮。光辉眩耀，降厥福兮；子子孙孙，长无极兮。

甘泉本秦离宫，制既奢泰，而武帝复增通天、高光、迎风。宫外近则洪崖、旁皇、储胥、弩陆，远则石关、封峦、枝鹊、露寒、棠梨、师得，游观屈奇瑰玮，非他宫比。夫木摩而不彫，墙塗而不画，周宣所考，盘庚所迁，夏卑宫室，唐虞椽椽，三代之制也。汉宫增饰，不类上古，但其为已久矣，非成帝所造，欲谏则非时，欲默则不能已，故遂推而隆之，乃上比于帝室紫宫，若曰此非人力之所能，倘鬼神可也。又是时赵昭仪方大幸，每<sup>②</sup>上甘泉，常法从，在属车间豹尾中。故雄聊盛言车骑之众，参丽之驾，非所以感动天地，逆釐三神。又言屏玉女、却宓妃以微戒齐肃之事。赋成奏之，天子异焉。

① 爨：错录为爨。

② 每：错录为母。

梁

经通天台奏汉武帝表 沈 炯

臣闻桥山虽掩，鼎湖之灶可祠；有鲁遂荒，大庭之迹无泯。伏惟陛下降德猗兰，纂灵丰谷，汉道既登，神仙可望。射之罟于海浦，礼日观而称功；横中流于汾河，指柏梁而高宴。何其甚乐，岂不然与。既而运属山仙，道穷宴驾。甲帐珠廉，一朝零落。茂陵玉玺，遂出人间。云陵故基，与原田而膻膻；抚风馀址，带陵阜而芒芒。羈旅絀臣，岂不落泪。昔承明见献，严助东归；驷马可弃，长卿西反。恭闻故实，窃有愚心；黍稷非馨，敢望微福。但雀台之吊，空怆魏君；雍邱之祠，未光秦后。瞻仰标霞，伏增悽恋。

宋

甘泉宫记

汉有区夏，作都长安。封畿之内，宫馆环列，盖数十百所。天子以时讲事，銮舆行幸，各有攸处，而文物之盛，莫如甘泉。盖自孝文迄于元成，尝于此整军经武、祀神考政、行庆赏朝会之礼，非止为清暑也。其珍台间馆，增饰崇丽，极屈奇瑰伟之观，非它宫比。当时鸿儒硕生，若相如、枚皋、王褒、扬雄之俦，从属车之清尘，预观盛典，类能持简操笔，扬厉伟迹；故讚功论德，则有子渊之颂，主文谲谏，则有子云之赋，意辞既盛美矣。独未闻登载本末，勒诸金石，非阙文欤？谨追述而记之曰：

璇穹垂象，躔次彪列，营室之东，离宫辨位，王良之南，阁道循轨。王者宪天御极，肇建宸居，必有增宫别馆，以备临幸，夫岂事奢泰，以侈游观哉。盖将隆上都，规亿载，非壮丽亡以重威，不轨物何以示调。是以夏都翼方，启有钧台之飨；周宅镐京，康有丰宫之朝。考室之制，其来尚矣。粤兹灵宫，奠居乾维，昔帝鸿氏于此接万灵，际上帝，是谓明廷。天尝假力于秦，以营宫室，是谓林光；汉曰甘泉，盖因山以更命之也。爰自孝文，实始巡幸，命将抚师，克固吾圉，稽古礼文，我则未暇。洎我孝武，重熙累洽，乃诏共工，继治增益。元朔之初，则作台室，以画鬼神。元鼎之间，则立泰畤，以展郊拜；延寿、通天、前殿、诸侯王邸，又创元封、太初之际。故其缭墙之内，宫馆相望，近则洪崖、旁皇、储胥、弩陼，远则石关、封峦、鸟鹄、露寒，高光、迎风起于中，棠梨、师得接于外，光明

神丽,迤靡连属,紫宫元圃之居,不是过也。始元朔迄于后元,法驾清泽,相继戾止,搜讲墜典,靡不在焉:受计者一,郊泰畤者三,朝诸侯王者再;外国之客飨于是,汾阴之鼎藏于是;祀神君、赐宗室,东封北巡、发轫弭节,周旋于兹;号令文章,焕焉可述矣。孝宣中兴,复修故事,盖尝即此:四拜泰一,再朝呼韩,功烈茂盛,增光祖宗。降及元成,犹遵遗业,执珪币以事上帝,凡九至焉。兹礼乐之所自出,德业之所由著;岂与长杨、五柞为校猎之地,萑阳、宣曲置更衣之所,穷奢极欲以快心目者同日道哉。武宣之世,上天降鉴,眷顾与宅,灵芝产齐房,黄云盖宝鼎;路弓获鹿于中山,美光兆祥于泰畤;神爵五采,万数翔集,神光并见,烛曜齐宫;滋至之休,著于兹宫者,史不绝书矣。成帝之初,丞相御史议罢泰畤,则天出警戒,风毁作宫。暨帝复行荐飨,则仍有神光降集紫殿,得非斯宫之作,克厌帝心哉。虽然,虜祈筑而谤兴,灵台作而民附,宫室建之,祸福之阶也,则夫垂衣拱手、螟蛉螻蛄之中,不可思乎。是故飭躬齐精,必念夫逆釐三神;负宸听断,必念夫施泽四海。四夷君长,俯伏渭桥,必思夫威德之所知;冠裳玉帛,群后咸在,必思夫恩礼之所浹。神祇降嘏,则抑畏自度;天戒垂示,则恐惧修省。夫然,故事无过举,方外蒙福,宫室之奉,可安享也。苟不思政事而乐逸游,不修典礼而怀宴安,则厥鉴不远。在秦皇之世,居是官者,甚可畏哉。若乃玉树、马犀、金人、钟虡之属,子云已能赋之。至于日磾之母图于宫中,昭仪之宠丽于法从,卫尉之罢置,郊畤之因革,皆不系于作宫之旨。班史具在,兹不复书。

## 淳化县志卷二十七

### 词赋略第十七

宋

泾渠总论 宋敏求

泾水出安定郡峽头山，西自平凉界来，经邠州新平、淳化二县入乾州永寿县界，千有余里皆在高原，东至仲山谷乃移平壤，是以于此可以疏凿以溉五县之地。夫五县未凿渠之前，皆斥卤硗确，不可以稼；自被浸灌，遂为沃野，至今千余年，民赖其利。但渠初凿时，渠与河平，势无齟齬；岁月湫潦，河低渠高，遂不可用。虽白公、赵佗继之于后，终亦不久者，盖仲山洪口万岭环复，两岸划断，河流涌出，势如建瓴，复阻石堰，其怒愈甚，土石承委不得不崩。今其下有小龙潭，其深不测，是水激射而成也。河既渐下，渠岸自高，所溉之田，日复淤闭，虽强壅遏，更无良策。今新石渠已迫山足，又高三四尺矣。苟不可行千载之功，诚为可惜。抑尝考泾形势，人有生长其处，耳目习熟，犹或不知韩人郑国，一入敌境，何遽识此而开万世之利，不亦神乎。虽然，利之所在，害必从之：今五县之民，岁八月治堰，九月毕功，截石伐木，掘泥悬土，入水置囤，下临不测。十月引水，以嗣来岁，入秋始罢，又复就役，寒暑昼夜，不得少休，而垦开耘敛，播种之劳不与焉。加以官府程督旁午、畦陌条约限禁，琐屑尤甚。近年水脉艰涩，所润益寡，分争讼阅，奸弊百出，究其委曲，胡可尽言。于是民有上诉，愿弛其利以免劬瘁。有司以故事恒规，不敢辄许。呜呼！夫韩本欲疲秦人于一时，不知后世病复甚耶。由是言之，为之奈何？传曰：其人存则其政举，使西门史公、兒内史、白中大夫为之，吾知有不患者矣。当今之时，欲继疏凿之功，复古人之迹，使千百世无弊，世果无高智绝伦、卓犖奇伟如若人者哉。

此论出旧《长安志》，今已见泾阳志中。本县凿渠引水，其始末不可忽也。



故附录。

### 盐法利弊议 林逢泰(温陵)

本县山僻小邑,崖峻沟险,车载不通,从来盐商不至此。本县之民,招定小贩,合凑资本,运盐销引,而土瘠民贫,人无贸易,商旅迹稀,因以资本难于措办,运盐亦难于食销,此乃地不利而民无可资生也。每年额引六百张,虽勉力完销,实甚苦累。今倘于销引之中酌减一二,则易销而无壅矣。至缉私贩以疏官盐,严比较以稽勤惰,法最善也。但本县地既穷僻,路又迂迴,私贩无利,是以绝少。乃兵快,惧以无功比较,不得不捏报以倖免责罚,季季皆然,又不得不舍私贩以帮贴赃赎,此法愈严而弊愈滋也。虽奉有则报有、无则报无之示,又多蹈狗庇之愆;今倘于比较功次之中放宽一二,则法可通行无弊矣。此本县地方情形,既蒙下询,据实上陈,统望宪裁。

旧志云地方情形,本县与三水相同,而盐法之弊滋甚。车载不通,人无贸易,食盐者少销引为难,乃三水额引六百,本县多至一千。勉招穷商,往往积滞赔累,至于捏报私贩,皆帮贴完公,历年竟为成例,亟望疏通者也。持录三水林令原议,以俟採择。

## 明

### 甘泉宫辨 罗廷绣(邑人)

甘泉县,一隶延安府。《雍录》:古以甘泉名宫者三,秦在渭南,汉在云阳县磨石岭上,隋在鄠县。《长安志》曰:磨石岭山有甘泉。《十道志》曰:甘泉出石鼓西原,汉甘泉宫在山上,即秦林光宫旁。此则取石鼓甘泉以名也。隋宫在鄠县西南二十里,对甘泉谷。秦之甘泉,史明言在渭南。《始皇本纪》:迎太后于雍,入咸阳,复居甘泉宫。秦时咸阳跨渭南北,则此宫不在渭北之咸阳,而在渭南之咸阳也。又《本纪》始皇诸庙及章台、上林皆在渭南,已而更名为极庙。自极庙道通骊山,作甘泉前殿,筑甬道自咸阳属之,则甘泉前后必近上林,即鄠县也。由是观之,秦之甘泉与隋之甘泉正同也。若秦林光,至汉犹存。武帝元封二年始,即磨盘岭秦宫之侧作宫,是为汉甘泉。孟康注《郊祀志》曰:甘泉一名林光;师古曰:汉于林光旁起甘泉宫,非一名也。《战国策》范雎说秦王曰:大王之国四塞以为固,北有甘泉谷,南带泾渭,右陇蜀,左关阪。夫指甘泉为秦北

塞,即云阳县甘泉山也;甘泉山即在盘岭也。武帝虽别创甘泉宫而秦林宫如故,则谓甘泉宫在林光宫旁,师古之说是也。

### 铜人辨

秦铸铜为像,汉亦仿铜而又增大。《三辅黄图》:甘泉宫通天台上有承露盘,仙人擎玉杯以承云表之露,即铜人也。《魏略》曰:明帝景初元年,徙长安钟虓、骆驼、铜人承露盘,盘折重不可致,留于霸城。夫魏方来徙,人存而盘已折,则承露之具不全,魏人安肯载之以东。咸阳、渭城皆在渭北。甘泉铜盘,元凤间既摧毁,则汉明之世,已无铜人可徙,而况能及曹魏。李贺诗所谓“送客咸阳”及“渭城已远”,皆不足据。若谓汉明时尝补铸,则董卓先在东都,凡其龙马皆取以为钱材,决不毁小而存大,此自可以意逆也。

### 祭天金人辨

《匈奴传》云:霍去病出陇西、过焉耆千余里,得匈奴祭天金人。师古曰:作金人以为天神而祭之,今佛像是其遗法也。武帝既得此像,祠诸甘泉,以其得自休屠分地,故系之休屠。汉志谓冯翊云阳有休屠祭天金人是也。云阳县者,甘泉宫地也。班固汉人,著其实如此。至曹魏时孟康注汉志,始云匈奴祭天处在云阳甘泉山下,秦夺其地后,徙其像于休屠右地,又为去病所获。余以世次先后考之。杜佑曰:冒顿以秦二世元年自立,击走月氏。则二世以前,月氏本为匈奴所有,休屠未得主典其地,安能徙像置之?孟康之语为无据。若金像所自来,《张骞传》曰:月氏者,燉煌、祁连间一小国;燉,沙州也;祁连,天山也;皆月氏地,有城名昭武,即所号释迦弃家从佛之地。月氏既为匈奴所破,散窜葱岭之西为千余国,凡冠昭武为姓者皆塞种,塞则释声之讹。此地兴崇释教而月氏国焉,故金像在其地为去病所得也。

### 玉树辨

扬雄《甘泉赋》“翠玉树之青葱兮,璧马犀之璘璠”。左思讥之曰:果木生非其壤,虚而无证。李善则曰:前庭植玉木珊瑚为枝,碧玉为叶。盖谓珊瑚碧玉装饰为之;其翠而青葱,皆状玉也,非真有是木也。至《黄图》又曰:甘泉北有槐,今为玉木。杨震《关辅古语》云:相传此木即雄所谓玉树也。余即赋上下文求之曰:“璧马犀之璘璠”,非真马犀,直以璧玉刻其形耳。又曰“金人伋以承

虞兮”。虞，钟虞也，比木虞加珍矣，则玉也、璧也、金也，皆假物为之。若指以为槐，望秋先零，不贯四时，恐非雄之所誇也。

### 荆山辨

铸鼎荆山，即嵯峨山。其山阳为鼎州，其南为湖县，其西为冶谷，皆黄帝铸鼎之证。《帝王世纪》：黄帝铸鼎荆山，鼎成，崩于荆山之阳。《长安志》载嵯峨山曰：黄帝铸鼎此山。今河南阆乡荆湖驿，亦传为黄帝崩处。然荆山有鼎州、湖县、冶谷及仙里、仙发村，则荆湖仙去之迹著明，而阆乡无他佐证。况桥陵去此地近，当以《世纪》为是。又史载黄帝铸鼎荆山，山阳有鼎州，则此山为铸鼎所在，帝时名荆山也。按《禹贡》“导沂及岐，至于荆山”，今岐山东，惟嵯峨为大，禹纪事乃略其大而详其细，不记其山而叙其麓，无是理也。此为荆山，其证甚明，诸儒以富平为荆山者，误矣。

### 梨园辨

梨园在光化门北。光化门者，禁苑南面西头第一门，在芳林、景曜门西。唐中宗令学士自芳林入门，集于梨园，则梨园在太极宫西禁苑内矣。开元二年置教坊于蓬莱宫，上自教法曲，谓之梨园弟子。至天宝中置宜春北苑，命宫女数百人为梨园弟子。是园梨者，按乐之地，而预教者名为弟子。上素晓音律，时有李龟年、贺怀智，皆以伎闻。《长安志》又曰：文宗幸北军即幸梨园，又令太常卿玉涯取开元雅乐按之，献诸梨园亭，帝按之会昌殿。此会昌殿即在梨园中矣。

### 石鼓辨

岐阳石鼓。《元和志》曰：石鼓文在凤翔府天兴县南二十里。石形如鼓，其数盈十，盖记周宣王田猎之事，即史籀之迹也。今武帝祠有石鼓。文多剥落，其可辨者皆南渡以后登临姓名。其所谓石鼓西原者，盖以形言而非岐阳之石鼓也。

### 昭仪法从辨

蔡邕《独断》曰：天子出，车驾次第谓之卤簿，有大驾、法驾、小驾。大驾祀天于甘泉备之，百官有仪，注名甘泉卤簿。中兴以来希用之。按此惟郊天甘泉，乃是大驾；大驾行，公卿皆从，若法驾以下则不从矣。若汉昭仪之谓法从，

虑鹵簿中有从官，人或非之，故为名曰法从，言天子在行，则其官贵皆当以法从也。扬雄见之，果设却妃之讽，则其预立此名，盖以自文，非公卿扈行正语也。

### 郊天辨

甘泉泰一祠，武帝用方士缪忌、公孙卿之说建。一岁一郊，与雍五畤更祠。雍五畤：四畤秦所建，北畤高祖所建，领之祠官，岁时致祭；文帝十五年方亲郊，后三岁一郊。按《秦记》始作西畤，用事上帝，非郊天也。继而诸畤并兴，或因梦蛇而为鄜畤，或因获石闻雉而为陈宝，或因雨金而为畦畤；又有青帝、黄帝、炎帝祠，俱以畤名之。盖少昊白帝，西方之神，秦祀之宜也。而并及青帝、黄帝、炎帝，则非所祭而祭者也。至鄜畤、陈宝之属，皆秦中小神之为淫厉而惊动祸福者，秦人无知，亦为立畤，而同于诸帝之祠。汉人不考，复指四畤，以为郊天之事。至高祖立黑帝祠以备五畤，而五帝俱祠矣。然命有司进祠，上不亲往。呜呼！安有郊见上帝而人主不亲其祠者乎。往往见所祠者丛杂冗泛，姑倭之祠，官修故事耳。至孝文用新垣平言立渭阳五帝庙，孝武採缪忌之说，建太一天皇之坛，始亲祠矣。而皆谓之郊见。夫郊事，天之礼也。方士言天神贵者太一，太一佐者五帝，则太一、五帝俱天上之神尔。以神为帝，以祀神为郊，而昊天上帝之祭，固未尝举行也。

## 淳化县志卷二十八

## 词赋略第十七

梁

行幸甘泉宫歌 刘孝威

汉家迎夏毕，避暑甘泉宫。栈车鸣里鼓，驷马驾相风。  
校尉乌桓骑，待制楼烦弓。后旌犹五柞，前笳度九巉。  
才人豹尾内，御酒属车中。辇回百子阁，扇动七轮风。  
鸣钟休卫士，披图召后宫。材官促校猎，凉秋戏射熊。

唐

招郑鄠 岑 参

谷口来相访，空斋不见君。涧花燃暮雨，泽树结春云。  
门里稀人迹，簷峰下鹿群。衣裳与枕席，山霭碧氤氲。

幽歌行 李 白

幽谷稍稍振庭柯，泾水浩浩扬湍波。哀鸿酸嘶暮声急，愁云苍惨寒气多。  
忆昨去家此为客，荷花初红柳条碧。中宵出馀三百杯，明朝归揖二千石。  
宁知流寓变光辉，严霜萧飒绕客衣。寒灰寂寞凭谁暖，落叶飘扬何处归。  
吾兄行乐穷曛旭，满堂有美颜如玉。赵女长歌入綵宫，燕姬醉舞娇江烛。  
狐裘兽炭酌流霞，壮士悲吟宁见嗟。前荣后枯相翻覆，何惜馀光及棣华。

金铜仙人辞汉歌(并序) 李 贺

魏明帝青龙元年八月，诏宫官牵车，西取汉孝武捧露盘仙人，欲立置前殿。  
宫官既折盘，仙人临载，乃潸然泪下。唐诸王孙李长吉遂作金铜仙人辞汉歌。  
茂陵刘郎秋风客，夜闻马嘶晓无迹。画栏桂树悬秋香，三十六宫土花碧。  
魏官牵车指千里，东关酸风射眸子。空将汉月出宫门，忆君清泪如铅水。

衰兰送客咸阳道，天若有情天亦老。携盘独出月荒凉，渭城已远波声小。

春过栒邑 郑谷

百里花封俗化淳，名踪盛迹半犹存。峪评白虎藏岩洞，地涌金泉过石门。  
旧县城颓三水镇，故家树老五林村。碑残堕落夫人冢，苔藓年年长泪痕。

仲山 唐彦谦

十载遗踪寄薜萝，沛公乡里汉山河。长陵亦是闲邱陇，异日谁知与仲多。

过谷口道士 司空曙

一见林中客，闲知州县劳。白云秋色远，苍岭夕阳高。  
自说名因石，谁逢手种桃。丹经恍相授，何事恋青袍。

云阳馆与韩绅话别 司空文明

故人江海别，几度隔山川。乍见翻疑梦，相思各问年。  
孤灯寒照雨，疎竹暗浮烟。更有明朝别，离樽惜共传。

宋

移任云阳四首 袁灼

移任云阳县，民生旧衍丰。筠芽穿迳紫，樱实烂枝红。  
吏隐几南郭，窗开傲北风。甘泉尝献赋，谁复继扬雄。

移任云阳县，疎慵取次眠。暑消青篔簹，寒辟紫茸毡。  
宫按王褒记，渠因郑国穿。公馀饶燕乐，诗酒度流年。

移任云阳县，行行上古城。陵犹钩弋迹，岩有子真名。  
柳绿思彭泽，瓜青忆邵平。梨园旧时曲，依约两三声。

移任云阳县，窗前列远山。斋深宜养浩，堂静可消闲。  
槐陌黄金锁，泾泉碧玉环。功名知未晓，览镜尚朱颜。

明

过石门山 乔世宁

尝慕岩棲侣，名山幸此过。却随流水去，空负采芝歌。

临路窥猿鸟，遐心忘薜萝。定知今夕梦，缥缈入云阿。

### 泾水行送朱令 乔世宁

关中守令一百馀，谁云贤如卓鲁徒。史君到来雨随车，  
一时四野歌来苏。御史知君治政殊，名姓年年登荐书。  
只今报政入大都，朱旂白马临路衢。父老闻之皆欢呼，  
送者林立泾水隅，人人争挽使君车。使君谒帝承明殿，  
天颜时喜公卿羨。定应留置青琐间，白马朱旂能复见。  
安得赐车并赐服，露冕褰帷仍行县。君不见人人临水送君情，  
共道君如泾水清。泾水悠悠天地久，使君高名固不朽。

### 仲山篇寄寿淳化张令 乔世宁

渭北诸山称仲山，崑嶽九峻左右盘。中峰突兀直上天，下有泾水日潺潺。  
使君飞舄山之麓，县堂恰对中峰巅。千岩万壑尝在眼，石云烟树画图悬。  
官清况有林泉趣，地僻喜无簿领缠。终日鸣琴山水间，有时挥洒白云篇。  
今夕何夕秋月圆，却对仲山开寿筵。山下泠泠泻醴泉，山中芝草长琅玕。  
饮泉茹芝可驻颜，何言叶令即神仙。

### 赠张学博迁淳化令

经徒方授席，县宰遽分符。圣代儒元重，苍生岂望孤。  
晨辞沮水上，夕舍仲山隅。地近书能载，官清鹤也无。  
幽风犹往昔，桑野半荒芜。簿领从来少，疮痍待尔苏。  
随车应作雨，当柱且题蒲。持此为良吏，嘉声早慰吾。

### 谷口 乔世宁

谷口山开别有天，苍茫云树湍秦川。云向函关将紫气，山从天上削青莲。

### 仲山 乔奉先

矗矗峰峦插碧空，浮云流水合西东。岚光晴滴山头雨，树色凉生谷口风。  
一抹淡烟青嶂外，半临残照翠微中。挥毫几欲留新句，祇恐山灵诮未工。

### 国朝

#### 仲山 朱廷铉(江阴)

嵯峨列东隅，九峻亘西峙。仲山居其中，顾盼遂莫比。

谷邃多蕴藏，峰隆特秀起。上出朝暮云，下出洪口水。  
水出成巨波，三渠胥自此。云出作甘泉，万人为祷祀。

**嵯峨山 朱廷铉**

嵯峨有三峰，朝暮殊其形。远峰暮先黑，近峰朝易青。  
阴阳善变化，卷石亦有灵。我欲向绝壁，高处立一亭。  
坐看那峰顶，灏气通冥冥。

**云陵故城 朱廷铉**

井邑曾营高墓旁，废兴回首两茫茫。祇馀衰草埋香土，无复啼鸟认女墙。  
野火入林愁鼠雀，断云辞谷送牛羊。茂陵更有参天阙，一样遗墟冷夕阳。

**武帝祠 朱廷铉**

玉屑琼浆不驻颜，独留庙貌在人间。行宫旧是游仙地，石鼓翻为拜阙山。  
古柏插簷犹结盖，残鸦绕案不成班。牧童那识兴亡恨，戏酌甘泉作礼还。

**云陵绝句四首 朱廷铉**

銮輿岁岁下青霄，紫殿云帟望不遥。今日离宫何处是，寒烟几缕出空窑。

绣瓦多年没草莱，白头田父拾将来。炕床添个鸳鸯枕，童子偷磨作砚台。

芳草茸茸故殿基，绿烟谁识九茎芝。荒芜野火樵夫爨，半是前朝玉树枝。

神兔何年走岭头，玉弓斜挂汉城秋。可怜崖上凄凉月，曾照清宵射猎游。

**北堡 张遇(长洲)**

相携越北郭，散步任所适。衰翁不出门，偶出思涉历。  
山环积雪净，路迴层冰湿。春风一荡漾，眺望盗何极。  
烟火空林生，窑舍斜巖立。曲折通小径，仿佛谷口入。  
居民数十家，老幼争作息。盘磴获共憩，谈笑逞胸臆。  
试想桃花源，荒唐具酒食。何如岩穴间，结庐车马寂。  
所嫌杖藜扶，犹动人物色。



**锦儿四十生辰时初莅淳化 张 遇**

汝生碌碌忽强仕，再绾邑符自兹始。新传趋进奉天颜，西秦赤县争所指。  
朔风击百度关中，乍移短檝逾百里。甘泉之山泉源流，云阳分界群峰峙。  
汉秦宫殿总荒芜，班扬词赋徒奢侈。依山为城城市稀，梨花久落空山里。  
但道民风朴且淳，纪年命名良有以。以兹无累使君心，召杜声称籍籍起。  
汝今受任甫浹旬，案无留牍清如水。犹嫌政拙烦催科，敢谓心劳废鞭箠。  
旧迹高悬吏隐堂，风流千载堪仰止。老夫坐卧斗室中，依然跌宕亲书史。  
四十头颅宏景嗤，聊复长歌歌乐只。甘泉一勺比廉泉，谅为良吏当如是。

**校甘泉年表题后 张 遇**

甘泉报望气佳哉，闻道车箱一线开。万里空迎仙母驾，千秋独上单于台。  
舍盘吸露终飞去，宝鼎流光可再来。暂憩梨园旧井里，名花梦想劫馀灰。

**山暑初寒 张 遇**

乍觉邠岐寒气交，官衙凄冷比蓬茅。时当小吏穷原宪，天许诗人老孟郊。  
未得终袍遗客舍，已闻冻雪满山坳。须知避热能来此，静听飕飕木叶梢。

**钩弋夫人陵 张 遇**

玉匣珠襦冷暮云，茂陵长望后妃坟。生男勿喜君何忍，尧母空传諡册文。

**大槐树 张 遇**

森森玉树翠青葱，璧马妆来一样工。只道词人夸且诞，却怜槐叶堕秋风。

**姜嫄河 张 遇**

履迹居然颂有邠，河流复指厥祥开。当年倘属经游处，定有岐山鸣凤来。

**梨园镇 张 遇**

嵌岩深处一城悬，留得云阳乡井烟。但忆梨花颜色好，莫将协律误龟年。

**题淳化阁残帖 张如锦(长洲)**

淳化年间淳化阁，法书至今传后学。区区云陵百里间，同此嘉名不良恶。  
只今官舍寄深山，薄书萧冷讼庭闲。但嫌谷养丹砂少，每觉风吹白雪寒。  
我来淳化县，玩此淳化帖。长安碑洞<sup>①</sup>未经行，偶得残篇置敝篋。

① 原注碑洞：长安儒学藏碑处，俗称碑洞。

秦汉以上多古文，二王家法恣涉猎。南归他日问豳风，邑名千载留遗碣。

望雨 张如锦

祇饮一瓢水，苍苍必见怜。老龙鞭欲起，野魃檄当迁。

毋负山农力，终期大有年。雩坛徒步切，怅望火云天。

喜雨 张如锦

好雨知分寸，敢题喜雨亭。随车方自歉，遍野实为灵。

土瘠波堪润，山枯泽共宁。从兹卜岁稔，笑语满寒厅。

得华阴王山史先生报家君书 张如锦

入关便拟觅从游，杖履依然第一流。作客总须倡正学，著书端不系穷愁。

松风久伴华山梦，鹤发长留渭水秋。想见方瞳和健笔，匆匆犹为写蝇头。

送水臣大兄南归二首 张如锦

斗室信然定省时，看残庭畔好花枝。老亲别有偷闲法，一榻茶烟数首诗。

官闲真个似僧闲，云山天涯分手还。为话承欢颜色好，声声梵呗满空山。

甘泉 赵宾(阳武)

甘泉草色碧萋萋，斗烟听莺汉苑西。消渴思餐仙掌露，问奇欲觅子云题。

遥看雨洗山容丽，且喜风翻麦浪低。醉后无愁归路晚，一湾新月照前谿。

仲山怀古 王际有(丹徒)

已见长陵成废土，至今犹有仲君峰。石苔旧结风前绿，螺黛新生雨后容。

绝壑独为高士占，名山不受汉庭封。清猿野鹤知凭吊，日日松阴望隐踪。

石门旧关 文倬天(三水)

怪石森天闢一门，谁提十万作兵屯。秦储湫濬蛟龙窟，唐帝关开虎豹垣。

箭括溪通为飒穴，蜨连石起即云根。虽然吭扼雍州界，鸟喙何妨守巨藩。

甘泉宫 刘汉客(宜川)

五峙明庭势最高，乾坤磊落助波涛。霓裳遥接诸侯邸，猎火时通绛节旄。

填壑霜皮寒溜雨，空苔石鼓老生毛。迟回吟望多愁思，云起双峰雉乱号。

云陵曲 宋振麟(邑人)

野草生珠斑藓蹙，螺黛和泥黑云覆。道旁雉母引雉子，农家种麦兼种粟。

山魑土魅何处立，移将野火照红玉。昔时三万汤沐户，化为一斛蝼蚁族。

君不见,钩弋宫,年年岁岁起秋风。

### 岱岳庙 宋振麟

齐天何代封,摩石问遗踪。小邑千家底,行宫五岳宗。

深苔埋古鼎,白月度霜钟。松柏交盘处,云过日观峰。

### 寿峰寺 宋振麟

荒径无人到,马蹄怯度桥。西峰衔日去,北雁逐风遥。

殿古苍苔暗,木寒野火烧。天花处处是,归路满金铉。

### 登汉露台遗址 宋振麟

高标拔地起,登陟俯平畦。气与天俱杳,身知鸟共齐。

云光窥汉峙,松响韶秦隄。古戍皆朝北,虞泉自倒西。

日销铜掌露,风送月支鸡。挥手收青鬃,欲寻扬子题。

### 秋日甘泉宫 宋振麟

天门载旆数峰阴,万里秋光散羽林。纵览翠华行幸地,空悬仙仗卧游心。

轩云炯向群灵合,汉月清连二气深。白首更凄兰菊瘦,倏然步履倍沉吟。

### 淳化八景 宋振麟

#### 南郭山色<sup>①</sup>

山色城头万古青,芝房宝鼎惹精灵。只今馆驿褰帘坐,看入中峰写翠屏。

#### 北寺钟声<sup>②</sup>

莲花贝叶尽成斑,古寺门前水一湾。寂寞疎钟静夜起,迷心度得几里关。

#### 东阁尺天<sup>③</sup>

摩星鸱尾带遥风,万树千家涧畔中。何岁云雷破壁去,半天拥出文昌宫。

#### 西楼步月<sup>④</sup>

眉冷黄姑河汉秋,西楼片月果如钩。高城孤笛从空落,忽送关山人夜愁。

#### 天门古柏<sup>⑤</sup>

① 仲山中峰正对县门,甘泉赋所云穆岳山也。

② 寿峰寺红崖西峙,冶水东流,有唐人写经碑。

③ 文昌阁,东山上筑台所起,其地高旷。

④ 山城飞楼,每初月夕生清啸欲绝。

⑤ 东岳庙山势独起,盘曲而上,翠柏成林,东沟水与冶水交流而下。

日观高通汉峙旁，青林翠盖拂云香。此山蟠踞如龙虎，绛节千春映上苍。

春苑新堤<sup>①</sup>

十里苍苍荫满堤，更穿绿树遶东溪。春来载酒邀行客，随意风烟逐马蹄。

灵谷碧潭<sup>②</sup>

春波荡漾画船<sup>③</sup>开，无数蜻蜓点水来。钓得游鳞浑似锦，胜如空谷看花回。

秋崖红树<sup>④</sup>

带郭霜林暗落霞，秋风错忆武陵槎。谁言枫叶双江老，满眼宫袍九锡花。

① 枣坪、柿林栉比数里，中有清渠，以溉蔬圃。

② 撑底谷两岸悬崖数百丈，潭鱼繁息噉嚼，香藻每泛，小艇其中独钓而返。

③ 船(diao)：船名。《集韵·萧韵》：“船，舟名。”

④ 坡头村跨涧而望，断崖虚谷之上，红林成绮。

## 淳化县志卷二十九

## 词赋略第十七

国朝

元日 宋希曾(邑人)

昨夜情偏剧,今朝兴复浓。香流椒柏洒,曙上翠微峰。  
 地气三千丈,年华十二重。野人筋力聚,春至喜为农。

谷口 见前

人境从双屐,鸡栖寄一丘。雨深苔径合,门对竹溪幽。  
 杖岂须扶拜,冠容著远游。明年春水至,即此拟扁舟。

雨后 见前

雨罢临山阁,溪流尚未停。疎篱悬晚照,一径落空青。  
 身世馀高枕,炎凉亦惯经。何缘数归鸟,片片度寒汀。

九日阁眺 王文昭(邑人)

招寻资缓步,临眺觉先攀。细石曲潭水,黄花九日颜。  
 天空鸿雁末,声起树林间。隐约青峰瘦,孤云自往还。

久旱喜闻鸠 见前

自歇经时雨,应知九扈劳。晨鸠呼正剧,早魃势空高。  
 叶密村中柳,花深涧外桃。田家欢有待,早晚向东皋。

初晴看海棠 宋炎(邑人)

绮树垂垂发,朱丝冉冉飞。海虹晴忽见,鮫客昼同归。  
 丽景熏书幌,春风缓带围。簷前疎翠落,烂漫已霏衣。

蝉 见前

白日秋始肃,金塘残暑清。息机随晚照,流影效微轻。

露下寒光积，槐阴古气生。果然抛俗累，长啸入前楹。

秋燕 见前

梁上双棲燕，雏儿四五成。香泥秋未落，紫翼老逾轻。  
接海仙云近，归途野水生。明年寻旧垒，应识主人情。

过南谷老人 宋振麟

落花埋客径，来往逐鸡群。山足当门起，樵声出谷闻。  
春风归陇亩，幽事老耕耘。喜得庞公在，开觞共夕曛。

兴善寺 见前

白象载龙华，深堂觉路赊。空青常作雨，晚霁欲成霞。  
鸟啄先春果，鹿啣落地花。到来凝佇久，缥缈悟恒沙。

天河 见前

夜静识明晦，清微徹太玄。长秋惟一气，万里划中天。  
折木含虚动，仙槎莫浪传。徘徊星月下，流影自年年。

雪 宋希曾

轻微映早梅，凌乱舞凤回。带絮飞梁苑，飘花过楚台。  
新寒侵绣幌，积素满幽苔。玉女何潇洒，纷纷骑鹤来。

古甘泉 王文昭

泰畤斋坛尊，入天倚石门。翠华行幸地，万古莓苔痕。  
雨剥铜人瘦，云埋玉树昏。时闻虚谷里，淅沥水声喧。

姜嫄庙 宋 炎

圣母开周甸，生民有报章。山高遗庙古，源远肇禋长。  
画翟云衣润，紫春砌草芳。先禡时此卜，赛舞到农桑。

金泉寺 姚开先(邑人)

万壑流金色，群峰抱细泉。暗晖频异影，绿草乱生烟。  
寺破花铺地，僧残世界天。归来春径晚，落照满前川。

重修县志告成赋二十四韵 范伯棠(邑人)

周官勤问俗，汉使纪巡方。人物兼搜讨，风谣并阐扬。  
輶轩从古重，记载至今详。圣主观文久，儒臣际会昌。

旬宣资硕辅,简畀任封疆。爰启名山秘,宏开石室藏。  
地包丰镐洛,都建汉隋唐。旧迹重寻绎,遗闻共酌量。  
咨询来下邑,采访逮穷乡。幽俗原淳朴,秦风号富强。  
甘泉曾著赋,谷口亦流芳。郊祀情荒诞,仙真事渺茫。  
重重皆典故,一一费平章。安得骚坛望,为生史席光。  
万侯称父母,百里慕循良。膏溢郊原黍,恩留蔽芾棠。  
政成高卓鲁,学富埒班扬。承檄编摩切,濡毫藻绩彰。  
山川增壮丽,文物倍辉煌。只字荣于袞,单词凛若霜。  
志书成八卷,史笔擅三长。制作推台阁,声名动庙廊。  
竚看垂竹帛,讵止富缥緜。传世而行远,千秋姓字香。

#### 腊雪梅 宋希曾

茵阁初开雪槛高,霏微晓色照绀袍。春虚便放官梅萼,腊意先融玉兔毫。  
陇树花田应报种,山家竹叶已成醪。杖藜更喜璇玑转,鸣鹤悠悠下九皋。

#### 夜坐 见前

露白秋深叶满天,孤峰独抱宿云眠。残生那惜中郎枕,旧物难忘子敬毡。  
棲泊岁时分井灶,往来襟带此山川。何妨坐对人如菊,新月依稀作佩弦。

#### 雁字 王文昭

摩翻高寒客路明,河桥秋序不胜情。几年迹染湘山翠,何处芒飞汉塞清。  
残月影斜怜拂扫,片云头上蔚纵横。悬针倒薤千年力,毫采纷纷接凤城。

#### 秋日甘泉宫二首 宋炎

忆昔朝宫识冕旒,何年凤羽闕仙游。山衔宝鼎甘泉里,日涌神珠赤水头。  
云物自馀龙虎色,风笳辄下骊骝秋。向来履齿经时尽,鹤立荒台高掌愁。

寂寂秋山何处村,鸡鸣方识石为门。篱边便作飞云宅,陇头犹蟠散木根。  
已借雕虫开突窻,还容老齿长儿孙。踟蹰物外闲田好,十里空青挂而痕。

#### 五日同尧门含素饮南谷 宋振麟

石榴花发故园明,谋向空山采杜蘅。骑马原无支遁癖,临池却是右军情。  
香风五日传粳米,夏木千章作瀑声。咫尺桃源容易就,白云偏向路旁生。

寻隐者 见前

苍然野坞自为峰，拄得仙人九节筇。耕稼岁时藏竹屿，衣簪质朴对门松。  
桃花不断青溪路，步履应通白鹿踪。欲向庞眉时共酌，衡门何事有云封。

甘泉宫怀古 郝万全(邑人)

爱道长生忆汉庭，神君王母两无灵。谁知紫殿雕墙色，尽作荒原蔓草青。  
太乙坛前仙掌散，通天台畔露盘零。牧儿莫放秋山火，猿啸鸟啼不忍听。

寒食后二首 宋希曾

芳路青堤处处新，无端风雨落烟春。绿杨树里鞦韆影，遥逐浮楂海上人。

春雨连朝净女萝，花阴人影两婆娑。山中遍是缙蛮鸟，不用青钱买笑歌。

飞花 王文昭

柳曲桃溪风径斜，春来无处不飞花。谁将洞口流霞片，散入双城十万家。

看山 宋炎

山客无心对碧峰，豹林谷口气濛濛。飞萝疑是秦毛女，占得云岩第几重。

山农咏 宋希曾

路转东溪曲，桑榆围青墅。柴门半开闭，时闻老农语。  
鸭乳新成群，旧谷馀几许。昨暮补竹篱，呼儿借邻杵。  
且喜山田绿，轻风荡离黍。陂陀散鸡犬，日久识归处。  
山中不开历，长年自节序。

九日怀友 见前

明月甘泉山，相违亦不远。皎皎竹林士，树兰滋九畹。  
心逐白云翔，气与苍鹤健。代塞曾同衣，楚天复共饭。  
商歌愁离索，暮雨增缱绻。夙好永难忘，馀生可无闲。

义女行 宋焕(邑人)

乾隆乙未七八月，之间旱灾作。天狼忽走甘泉道，跋胡拽尾善扑掠。  
猎人与健儿，遇之尚避却。有女年未笄，垂髻质弱弱。  
见弟被搏击，两目忽闪烁。以身覆其身，舍生不惊愕。  
馋吻得人止，可任尔咀嚼。嗟哉十龄女，壮气何磅礴。



卫姑刃可蹈，救父虎可缚。上书与从军，此女并堪若。  
 不同粉黛姿，妖纤长轻薄。所以士林间，歌颂咸于铄。  
 作传达上官，千旌表邱壑。道旁共叹息，不但惊闺阁。  
 盱衡时之人，手足异苦乐。脊令徒在原，荆花任悴落。  
 同气御外侮，此风或寂寞。至性关伦常，安得不敬恪。  
 呜呼！鬻丝真堪愧须眉，善气早能化贪恶。

赏此一段奇，秃毫乏鸿博。他年幸得垂青史，山不崩兮水不涸。

### 春江花月夜 宋振麟(下同)

春夜月明满江津，江花弄景一江春。今年春发去年花，去年月照今年人。  
 江月江花何有极，花光月影两相得。但见春花宜月夜，不闻春月妬花色。  
 花月纷纷映堤沙，芦州欲燃照夜花。长江孤舒一轮月，落绮散入万树霞。  
 霞起绮飞花如雨，江天明月傲前浦。月中常见桂花发，光射蛟龙潜欲舞。

### 夜坐吟

夜坐吟，月高人静更漏沉。休忆往年事，休作少年心。  
 东楼怨笛不堪听，膝上自弹无声琴。杨柳岂须攀，梅花何用侵。  
 高山流水暗相寻，棲鸟朝飞带好音。春风至，春气深。

### 逐田神曲

吹苇龠，击土鼓。燔萧茅，云旆舞。风若马，连四五。神之来，牵猫虎。  
 食饌豕，降时雨。麦禾秀，无悴苦。积千钟，敛以釜。牲豚肥，酒绿醕。  
 神来歆，歌繁枯。

### 春夜吟

春梦迷离，中夜披衣。仰视天汉，寒星斜飞。  
 壮士短发羞人间，纷纷万绪催我颜。  
 眼花向，灯开燃。藜丈人，来不来？

### 采菱词

湖草碧芊芊，荇叶大如钱。谁家采菱女，拨橈入芦烟。  
 烟消香复随，红蕖映娥眉。颜色两妖娆，回风动涟漪。  
 摘花不采实，折藕弄轻丝。藕丝折不断，风香自相乱。

日暮赤飈起，恐或不堪看。

### 牧童词

驱犊北山侧，折而复南去。乱草皆覆石，得意须何处。  
捲芦向天吹，幽谷和鸟语。挽角坐犊背，两股任箕踞。  
涧水清浅流，牵犊饮上头。养生已为赘，满腹又何求。  
试听牧童词，无乐亦无忧。牧童心似愚，得如牧童休。

### 相逢行

白马青玉鞍，相逢大道间。停身再拜跪，主人怜不怜。  
千里怀素书，殷勤过好庐。恭投故人书，贺得主人持。  
借问主人名，豪气填九衢。左手挽紫贝，右手夺金鱼。  
坐有生生鱧，门邀惠子驹。客从远方来，闻此竟何如。  
沟水自西东，怀抱徒区区。蹉跎白日暮，且向城南隅。

## 淳化县志卷三十

## 序略第十八

古县今县,新城故城。黎园旧镇,流金昔乡。咸揽川陆,附之桥梁。仿晋朱育会稽土地记等,述土地第一。

史言甘泉,传志石门。冶谷引泾,荆山导泔。灌溉之利,被于无边。仿齐刘澄永初山川古今记等,述山川第二。

史家遗法,首记大事。三千余年,如掌可指。仿汉司马迁等大事记,述大事第三。

古云吉行,日三十里。披诸图经,式其遗意。仿隋西域道里记等,述道里第四。

嬴秦筑宫,迁五万家。越汉始元,徙民三辅。良规既失,志丁略户。稽其盈虚,逮今淳化。仿宋元康六年户口簿记等,述户口第五。

惟民之俗,百里不同。爰志士女,逮农工商。仿晋周处风土记等,述风土第六。

雍州积高,神明之区。云阳甘泉,又帝所居。下暨小鬼,灵而不诬。仿齐祠庙记等,述祠庙第七。

世远莫追,金天有陵。青鸟之冢,图书可征。仿宋季彤圣贤冢墓记等,述冢墓第八。

秦皇汉武,筑宫祈仙。洪崖弩陆,增城在焉。百世飘忽,牛羊下来。下士秦赋,通天之台。仿晋洛阳宫殿簿等,述宫殿第九。

征输之簿,前代所无。农桑丝粟,以迄市租。册籍可稽,职于胥徒。仿宋李常元祐会计录等,述会计第十。

泮宫居前,丛祠列后。英英群贤,光我俎豆。仿宋崇宁学校新法志等,述

学校第十一。

才馥于官，不废啸歌。如此传舍，所阅既多。仿宋无名氏衙署志等，述衙署第十二。

白公郑国，民歌至今。王阳作令，亦有遗音。汇兹遗迹，以代史箴。仿唐杜佑通典职官志等，述职官第十三。

世需多士，士贵通经。茂才异等，咸贡王庭。仿宋崔氏登科记等，述登科第十四。

广陵列士，会稽先贤。列女后传，撰于颜原。邑纵蕞尔，无微不传。仿晋常璩华阳国志士女志等，述士女第十五。

金石之文，古称不朽。汇兹丰碑，庶传于后。仿宋郑樵通志金石略等，述金石第十六。

渊云之作，冠于简端。国师峨峨，亦赋甘泉。后有多士，庶几前贤。仿刘向七略词赋略等，述词赋第十七。

凡志方隅，必推今昔。稽乎古图，准以今尺。惟兹一编，咸述旧闻。勿淆其次，以俟后人。仿常璩华阳国志序录等，述序录第十八。

#### 读邑侯张公重纂淳化志题后

甘石有书而天官名，山海有经而地輿彰，所由来矣。粤稽夏后底十有三载之绩，而禹贡成式；周官建三百六十之属，而职方隶治。铸鼎象物，土圭辨方，斯志之发源乎。既而滥觞，则山有乘、水有注、草木有状、风俗有通，按图以考，即蓬垒之士，跬步不逾里巷，而瓮天牖日之中，亦足窥天地之大矣。然而作者之谓圣，述者之谓明，操铅槩、费汗青，穷年矻矻<sup>①</sup>，疲神劳形，夫岂徒博观览者之耳目，侈诵说者之见闻哉？非也。土壤之沃饶，贡赋则焉；生齿之息耗，盛衰形焉；习尚之淳漓，政教系焉；则有斯民之责者，亦大可念也耶。而胜迹芳躅，孕灵踵奇，道德足仰，节义可风；甘棠之遗爱，在蔽芾尸祝之令，望先腹腊<sup>②</sup>，则尤世道人心所关切；而生持风教者，转移化导之微权也。上自都会畿辅，赤县

① 矻(kū)矻：劳极貌。《汉书·王褒传》：“故工人之用钝器也，劳筋苦骨，终日矻矻。”

② 腹腊：祭名，为古酒食燕饮之期。此指北方地区农历八月的祭祀活动。

神州，下届雷封微塞、山陬海噬，类皆有志。淳化虽褊小，不可无志。既受而读之，乃见志其山川，志其沿革兴废、土田赋役、户口物产，俾后之莅斯土者入其域、履其境、视其膏腴斥鹵之不同等、蕃衍彫敝之不同科，而思所以安之、集之，则吏治之修也。故志官僚而廉善者称焉，庸碌者亦勉企焉。民，神之主也，不脍<sup>①</sup>民则不读神，雨暘若斯，畴离祉矣，故志祀典，则贤者凜焉，而不肖者亦怵焉。学校，教化之本也，表率正则型范立，课督勤则艺业精；仁渐义摩，士之奋庸者必多；户诵家弦，俗之礼让者亦众，故志选举、志师儒、志人物、志艺文而道德仁义、忠孝节烈胥出其中矣，此良有司转移化导之微权也。“志”与“誌”通而从“志”，非省也，盖以志其所应志而心思寓焉尔。公盖心乎此矣，考核明确，类次整严，论断适宜，风励多旨。余悚然起敬曰：斯真可以模世道、楷人心，转移化导之微权，其在斯乎！

古陈宝李一鹏再拜题。

#### 后序

县有志犹国有史，其所以旌别善类，阐扬幽德，垂法戒于万禩，慰英灵于九原，其义一也。故春秋一史成于尼山，其于二百四十二年之可歌、可泣、可法、可戒者，莫不罄然备举焉。淳邑志止于明隆庆四年，嗣后兵荒岁荒，以至国朝定鼎以来约百馀年，其间忠臣义士、孝子顺孙、节妇烈女以迄宦达诸先辈，皆潜隐而罔闻，湮没而弗彰。邑侯张公，学优三长，清逾四知，以两间特出之识，作旷代未有之举；乃于薄书之馀，纂修县志，蠲俸授梓。其于一百三十馀载之忠魂义魄、贞志苦节，或慷慨抑郁，悲号于星月之下，或感愤无聊，呻吟于风雨之时；一旦昭若云汉，炳为日星，庶百代而遥，莫不展卷兴叹。曰：某某，吾邑之宦游先达也；某某，吾乡之孝义节烈也；即子若孙，咸晓于吾祖吾父之硕德懿行也。安得不争日濯磨，共底于善良之域，将习俗由此端朴，风化由此醇厚；宁独泉壤已往，感佩靡尽。虽谓春秋善善恶恶，即在侯笔削间可矣。愚诚铭诸夙夜，不揣鄙陋，约陈其概如此。

邑贡生葛松龄拜撰。

① 脍(juān)：剥削。《金史·兵志》：“脍民膏血而不足，乃行括粮之法。”

## 后序二

国家修一统志，垂教万世。于是各省有志曰通志，以及各郡邑皆有志，曰郡志，曰邑志，总以属一统志。邑之有志，亦所以备文献，为不朽盛事也。淳邑自明隆庆四年，迄今昔对比一百三十二年，旧虽有志，阙而未备。我倬庵张老夫子莅任逾年，敦教化，励风俗，慨然以重纂为己任。搜罗轶事、采集艺文，凡成帙八卷，而百三十馀年之泯没未彰者，莫不焕然具备。夫事固有前人为之而不难相继为之者，亦有前人为之而历时久远，几几乎不得复为之者，非惟不暇，亦且未能。粤昔罗中丞时初无志，载笔创始，其为功于桑梓大矣。乃自兹以往，绝无人焉。润色前业，以昭示来兹，吾侪方引领望之。一旦得我夫子以廉静之品，负博通之略，惠心善政，溢于舆诵，而志书之成，实有度越前人为所不暇且未能者。不特殫竭心力，兼复蠲应工料。即起中丞昆季而质之，当必谓后来居上，其在书曰是训是行，以近天子之光，方共执一编，为圣朝得人庆其在。诗曰：群黎百姓，徧为尔德。凡属宇下，莫不观感而永赖矣。烈以不材，授粲义塾，邑虽僻陋，群弟子弦诵洋洋，视古者党庠术序，化民成俗，奚以异是。凡志所胪列，诸序已详言，不敢赘述，仅约题于末，以识景仰焉。

邑贡生刘大烈拜撰。

## 跋

邑之有志也，犹国之有史也。史以纪天下，志以纪一方，虽大小不同而纪述之体，必详而有要，简而可则，足以耀今而传后。淳化，岩邑也，虽僻处山陬，而泰峙甘泉，自秦汉以来炳著史册间，直可与《三辅黄图》相为表里。旧志创自邑中丞罗公，距今百三十馀载矣。板刻朽蠹，字迹模糊，颇多缺失。且沧桑变易，沿革既殊，整釐匪易。凡此百馀年间，土俗之贞淫若何，户口之盈缩若何，田赋之轻重若何，官师学校之兴替若何，人物、艺文之盛衰若何。语曰：莫为之前，虽美弗彰；莫为之后，虽盛弗传。然则邑志之修，于今也其可缓哉！岁在屠维单阏<sup>①</sup>，邑侯张老父师奉简命治兹土，甫下车即于风俗之醇疵，生民之利病，

<sup>①</sup> 屠维单阏：属于春秋战国时的“岁星纪年”序列，东汉以后为“干支纪年”所代替。“屠维”为十干中的“己”“单阏”为十二支中的“卯”，合为“己卯”年。

谘之诹之,罔不周知,而修废举墜,丕然一变。既而阅邑志,乃渭然叹曰:邑之有志,以述往古,以昭来兹;传闻已旧,讹失良多;岁久湮没,吾滋惧焉。昔夫子思文献之足征,诗人幸典型之尚在;按图考迹,哀多益寡,是余之责也夫。于是兼承太夫子命,博稽典故,搜采遗文,访诸故老,询及刍蕘,因旧辑新,参互考订为若干卷。至于一言之足录,一行之可取,阐幽表微,尤勤勤恳恳于意念之间。乃观于土俗之贞淫,而劝戒无弗明也;观于户口之盈缩,而损益无弗晰也;观于田赋之轻重,而抚字心劳于是见也;观于官师学校之兴替,而循良可慕、师道可尊也;观于人物、艺文之盛衰,而作人造士之泽可兴起也。其大者,观于政教谣俗之故;其细者,足以牢笼百物山川、草木鸟兽之情状;其叙往也,可以使人矚然高望而远志;其昭来也,可以使人悠然神动而心怡。猗与休哉!所谓详而有要,简而可则,宁仅一方之钜观,实千秋之永鉴也哉。他日我侯陟天禄石渠,握彤管,记载天下事,以为千古之信史者,请于是志也卜之。

邑庠生宋鈇谨拜跋

## 淳化县志附录

# 重修淳化县志序

淳化之有志,昉<sup>①</sup>于明正德间。闻仅有抄本,隆庆时已失存。邑先达、中丞罗公廷绣及其弟太守公廷绅始复创修,镌版都八卷。时在隆庆四年四月。后百三十余年,至康熙四十年辛巳,知县事长洲进士张如锦倬庵,奉其太翁循斋先生命重修之。迨乾隆四十八年癸卯,距康熙辛巳又经八十余载。镇洋毕秋帆中丞,属常州洪孝廉稚存再为纂次,时知县者为南昌万廷树澄堃襄其役。成志凡十有八卷,即今抱残守缺奉为底本者是也。呜呼!计自乾隆癸卯之明年起,至民国十九年止,更阅春秋一百四十有七。地方官绅,非无意于续修此志者,然或未逮,或因故中辍;迄未实见,良用慨然!客冬<sup>②</sup>,余承乏斯邑,即事搜求,仅得两半部残编断简,剥蚀不全,而旧存镌版,亦散失殆尽,遂急谋重修。顾大乱甫平,天祲未已,救生恤死,他顾未遑。适国府、省府令征县志,不能不力图报命。用于案牍余暇,弥补校勘,凑成完璧。并增制最新淳化县全图暨划编区、乡、镇、闾邻、清查户口、田赋现状等表。勉筹款项,先付排印二百部。非徒应征求之命,亦藉保百余年前一邑之文献也。至其重续,则请俟诸后之君子。

中华民国二十年五月 署理淳化县县长韩城温伟君伟序

① 昉:起始,开始。

② 客冬:客,过去的时间。客冬即去年冬天。



## 淳化县田赋现状一览表

民国二十三年(1934)九月淳化县县长郭宇晴监制      单位:元

款目	每石折合洋	全年额征	荒地免征	实应征	备注
地丁	3.54537	23536.0242	665.82	22870.2042	按旧则每土粮1石折征银1两3钱1分3厘1毫,按二七折合洋3元5角4分5厘3毫7丝
盐课	0.1728	1137.6855	20.565	1027.1025	每土粮1石折征银6分4厘,按二七折合洋1角7分2厘8毫
合计	3.71817	24673.7097	776.385	23897.3247	
马厂				105.501	每亩征洋2分8厘。

## 附六里土粮数目表

单位:石

里名	南阳里	永各里	怀德里	安土里	集义里	向化里	合计
土粮数	1131.1783	1010.4939	1057.96674	1026.96503	1238.17718	1179.03825	6643.8194

## 淳化县分经征畜屠斗牙契印花各税一览表

民国二十三年(1934)九月

税收名称	全年额征数	经征情形备考
畜屠斗等税捐	5720元(本年包额)	畜税系照买畜牲价洋每元抽税洋5分;屠税系对于宰猪1口抽税洋4角,宰羊1只抽税洋3角;斗捐系对于食粮买卖每斗抽税洋4厘。
牙帖税	300元	全县各行承领六等牙帖共15张,全年抽税洋20元。按上下季分征。
契 税	1000元	契税收数本无一定,约计如上数。
印花税	1200元	系奉令每月须推销票面洋100元。
以上合计	8220元	

## 淳化县住户户口统计表

民国二十三年(1934)淳化县县长郭宇晴监制 单位:人

区 别	联保数	保数	甲数	户数	现住人数		不识字人数	无职业人数	老弱人数	壮年男子人数	备 考
					男	女					
第一区	6	28	288	3026	男	7728	6561	9	3512	4205	
					女	6376	6347	9	1981		
第二区	6	31	277	2718	男	7002	5710		2865	4115	
					女	6107	6113	4	2584		
第三区	6	34	318	3231	男	9816	7549	9	3967	5842	
					女	8614	8520	6	3607		
共 计	18	93	883	8975	男	24546	19820	18	10344	14202	
					女	21097	20980	19	9172		

## 淳化县特户户口统计表

民国二十二年(1933)淳化县县长郭宇晴监制

区 别	户 别	户 数	现住人数		不识字人数		无职业人数		老弱人数		壮年男子数	备 考
			男	女	男	女	男	女	男	女		
第一区	船 户											
	寺 庙	2	6	3	5	3			4	2	2	
	公共处所	8	266		31				26		240	
第二区	船 户											
	寺 庙	2	7		3				2		5	
	公共处所	2	69	1	25				19		50	
第三区	船 户											
	寺 庙											
	公共处所	2	44		23				6		38	
共 计	船 户											
	寺 庙	4	13	3	8	3			6	2	7	
	公共处所	12	379	1	79				51		328	

## 跋

根据省、市地方志办公室的工作安排及中共淳化县委、淳化县人民政府的要求,从2006年下半年开始,我们承担了乾隆《淳化县志》的校注工作。

乾隆《淳化县志》由洪亮吉总纂,该书门类齐全,内容丰富,编排合理,向被称为陕西乃至全国名志之一,与康海编修的《武功县志》,孙星衍编修的《三水县志》齐名,有着不可低估的学术价值。尤其是清代史学家洪亮吉亲自编纂并作了不少考释,为该书增色匪浅。

校注出版乾隆《淳化县志》,对于更多人认识淳化、了解淳化、建设淳化大有裨益,对落实县第十五次党代会提出的建设“果业强县、旅游大县、生态名县”,亦具有非常重要的现实意义。可以相信乾隆《淳化县志》的校注出版,必将引起社会各界人士的关注。

在校注过程中,我们坚持“尊重原著,保持原貌”的原则,力求便于广大读者的阅读和利用,按现行标点符号规范,予以句读,改竖排为横排,改繁体为简体,对较为生僻的地名、人名和典故等作了必要注释。咸阳市地方志办公室市县志科张世民科长对校注工作做了具体指导,为该书写了前言,从县域特征、历史特征、时代特征等方面阐述了淳化的人文资源优势、巨大发展潜力,这些观点对于我们建设绿色和谐小康淳化具有很强的指导意义。

乾隆《淳化县志》的校注出版,得到了各级领导的高度重视和大力支持。陕西省地方志办公室刘培仓主任、咸阳市地方志办公室张英民主任给予了有力支持和指导,县委书记王刚、县长闻俊辉解决了实际问题;县文化馆姚生民同志为校注提供了原始文献,市志办原科长张鸿杰同志作了悉心校点,对上述领导和同志大力支持和帮助一并致谢!

由于我们才疏学浅,校注错误和不足之处在所难免,敬请读者批评指正。

校注者

2007年6月8日

---

中国 文化 出版 社

(北京海淀区北三环西路大钟寺18号)

新华书店经销 北京利达印刷厂印刷

开本：787×1092毫米 1/16

印张：13.5 字数：178千字 印数：1-1000册

2007年7月第1版

2007年7月第1次印刷

---

ISBN 7—5068—0769—2

定价：98元

中国名志校注



ISBN 7-5068-0769-2



9 787506 807692 >

ISBN 7-5068-0769-2

定价：98.00元